



6

21-c

48

A $\frac{12}{1}$



blitheca
oll. Rom.
t. Jesu

~~21-c-53~~

21

6.75.

218



MANVDVCTIO AD COELVM,

Medullam continens Sanctorum
Patrum , & veterum
Philosophorum,

A V T H O R E

D. IOANNE BONA

Congregationis Reform. S. Bernardi
Abbate Generali . Postea verò
S. Rom. Eccl. Cardinali, soluta
oratione composita .

*Per Fratrem verò PETRVM
BOLLA , Ordinis Sancti Pauli
primi Eremita Procuratorem Ge-
neralem, in versus elegiacos
traducta.*



ROMAE, Apud Franciscum Tizzonum. 1677.
Superiorum permissu.

Manuductionem ad Coelum Auctore
D. Ioanne Bona Congregationis Re-
formatæ Abbate generali, postea verò S. R.
Eccl. Cardinali soluta oratione compo-
sitam per Reu. admodum Patrem Petrum
Bolla Ordinis S. Pauli primi Eremitę Pro-
curatorem Generalem in versus elegiacos
traductam, necnon varia Anagrammata, &
Epigrammata de Sancto Paulo primo Ere-
mita pariter etiam elegantì Carminum mo-
dulatione ab eodem decantata, iussu Re-
uerendissimi Patris Raimundi Capisuci, le-
gi, & perlegi, sensumque versibus expres-
sum dictæ Manuductionis sensui confor-
mem obseruavi, & nihil in eis Orthodoxæ
fidei, Summorum Pontificum decretis, ac
bonis moribus contrarium reperi; vnde ty-
pis mandari posse iudicaui. Ex Pæniten-
tiaria Sanctæ Mariæ Maioris die 10. Iulij
anni 1676.

Fr. Albertus Fleche Ord. FF. Prædicato-
rum, Sac. Theol. Magister, ac Pæniten-
tarius Apostolicus in eadem Basilica.

Em. & Reu. Principi

C A M I L L O

D E M A X I M I S

S. R. E.

Cardinali Amplissimo



EDVLVS labor, quem
pro opportunitate tempo-
ris in promouendis rebus
nouiciantis in hac Vrbe
Religionis meæ adhibuit,
Sapientissimus ille, Religiosissimusque
Vir Ioannes Bona Congregationis re-
formatæ S. Bernardi Abbas Generalis,
postea verò amplissimus S. R. E. Car-
dinalis, stimulos mihi addiderat, vt in
aliquod, quantumuis leue gratitudinis
argumentum, Manuductionem eius ad
Cœlum, cœleste sanè opus, in versus
elegiacos traducerem: Sciebam enim
gratum illi id genus studij, si dedica-
retur futurum, in quo ipse, cum magna

animi sui voluptate se crebrius oblectasset. Sed heu ! necdum benè ad calcem deducto opere , viro longiore vita dignissimo anima è corpore , mihi autem a cæpto opere tollitur animus prosequendo . Verùm ablati facile & spontè mihi reuertebatur animus, vbi mentis in te oculos Princeps Eminentissime coniecissem ; in quo Ioannem ob singularem inter Vos mutui amoris , ac virtutis consensum , viuentem adhuc , & superstitem, liceret venerari : qui adeò te semper in vita coluit , vt etiam Supremæ voluntatis suæ arbitrium , & rerum ac personarum quoquo modo ad se pertinentium Patronum ac Protectorem delegerit . Vnde mihi ad alterum recurrendi ; alium, extra te Patronum quærendi omnem prorsus ademit facultatem ; magnam in te spem erigens, quòd qui res, Clientesq. illius tibi commendatos, sub alas protectionis tuæ recepisti, præsentem etiam libellum , nobilissimi Ioannis ingenij verè genuinum partum (quanquam non iam suo graui illo styli Rhetorici paludamento ornatum, sed leuiori mu-
sa.

farum cyclade præcinctum) benigne
suscipies, & me humilem olim illius,
imò tuum propterea etiam nunc Clie-
tem , cum ancillante tibi Religione
mea , pari nomini tuo benevolentia
complecteris. Vale Princeps Eminen-
tissime & faue.

Eminentiaæ Vestrae

Humillimus Capellanus,

**Frater Petrus Bolla, Ordinis
S Pauli primi Eremitæ,
Procurator Generalis.**

Ad Lectorem.

Dicet sine dubio Criticus aliquis in vanum me defudasse, quando Manuductionem ad Cælum in versus elegiacos transfuderim; tum quod iam alias liber iste stilo oratorio, sententiosus, & perpolito lucem aspexisset, tum quod inuitili studiorum generi, vanæ scilicet Poësi, præsumptum tempus impendissem: Sed primum à me telum scuto vulgatissimi illius prouerbij facile excutiam, quo plurimum in rebus varietas dicitur oblectare; Et sanè nunc ea viuimus tempora, ut & ipsa multas vicissitudines subeant, & homines varietatum, & nouitatum maximi sint amatores. Quid ni igitur sperem additam à me huic libello styli varietatem aliquibus placituram? quandoquidem perbellè nouerim, ipsis etiam in vestibus, dum alij largis & undique solutis delectantur, strictas alij, & præcinctas arridere: atque etiam in esculentis non semper, nec omnibus dulcia placere, sed nonnunquam suauioribus, praeligi acriora, veluti quæ palatum acueret, & gustum soleant prouocare. Quod verò ad utilitatem Poëtice exercitationis attinere videtur; non possum non palam confiteri Musas delitijs; assuetas, non diuitijs, delectare potius quam ditare: attamen honestam esse occupationem, nullus inficias ibit, nisi ignarus honestatis. Quanquam si rem æquiori balance ponderaueris, ipsum non octari, præter honestatem, detrahendes quandam habere utilitatem. Quæ
adeo

adeo non abhorrent à veritate, ut Iuuenicum;
Presbyterum qui sacra quatuor Euangelia in
Hexametros versus transferens totidem libris
complexus fuerat, Gelasius hoc Elogio celebrare
non dubitauerit. Iuuenici laboriosum opus non
spernimus, sed miramur. Deinde si primis Ere-
mi incolis laudabile fuit, ad visandam ociosi-
tatem sportellas texere, & easdem, ubi in ma-
gnum cumulum excreuissent textas, vel retexe-
re, vel Vulcano consecrare, ut eò feruentius ad
nouas iterum texendas manum adijcerent, quò
nullum prioris sui laboris vestigium superesse
cognoscerent. Cur ego vituperium referam ex
bonestissima Musarum occupatione, quæ me &
à Diabolico illo cervicali (otium intellige) ne
male in eo sternerem excussit, & de Medulla
SS. Patrum, ac veterum Philosophorum esurien-
tè repleuerit? Caue igitur amice Lector, ne
criticum in me dentem exacuas, plus tibi, quàm
mibi nociturus, caue, ne dum ego dulces de He-
licone uvas gustauerim, tui ab inde dentes præ
lipore obstupefiant: Vale

Imprimatur,
Si videbitur Reu. P. Mag. Sac. Pal. Ap.

*I. de Ang Archiep. Vrbin.
Vicesg.*

Imprimatur,
Fr. Raimundus Capisuccus, Sac. Pal. Ap. M.

IN.

INDEX

CAPITVM.

- D**E fine ultimo hominis. Quàm malum sit ab eo defletere, quibus medijs, & quo ordine ad ipsum perueniatur. Cap. I. pag. 1.
- Cupienti bene viuere morum instructor eligendus est. Qualis hic esse debeat. Officia Discipuli. Cap. II. 4
- De purgatione à peccatis. Exuendus erga illa affectus, & vitia extirpanda. Nullum efficacius vitiorum remedium, quam mortis, & eternitatis consideratio. Cap. III. 8
- De Gula. Eius mala, & remedia. Quæ sint indicia deuictæ gulæ. Cap. IV. pag. 15.
- De luxuria quàm turpe sit hoc vitium. Quàm facilis in id lapsus, & quomodo euitandus. Voluptas animi sectanda, quæ solida est. Cap. V. 19
- De Auaritia, malitia eius perstringitur. Collatio Pauperis, & Diuitis. Opum fal-

- fallacia, & vanitas. Cap. VI. 23*
- De Ira, Character irati. Effectus, causa, & remedia iræ. Cap. VII. 26*
- De Invidia, & Acedia. Vtriusque descriptio, & curatio. Cap. VIII. 31*
- De Superbia. Ambitione & inani gloria. Icon superbi. Dignitatum vanitas, & pericula. Tumoris mala, & Alexi-pharmaca. Cap. IX. 35*
- De totius corporis sensuumque exteriorum moderatione. Quantum corpori indulgendum. Castiganda oculorum licentia. Vestium luxus damnatur. Cap. X. 40*
- De custodia linguae. Quanti momenti sit, & quàm difficilis. Quid in sermone seruandum, quid vitandum. Qualiter toleranda vitiosa aliorum lingua. Cap. XI. 44*
- De sensibus internis. Vsus opinionum. Bonis cogitationibus mens imbuenda. De coercendo appetitu sensitiuo, eiusque prauis affectionibus. Variæ ad id præceptiones. Cap. XII, 49*
- De Amore. Quæ sit eius natura, quæ causa, qui effectus. De eiusdē remedijs. Addita quadam de Odio. C. XIII. 52*
- De*

De Desiderio, & Fuga. Quid desiderandum. Quid fugiendum. Cap. XIV. 56

De Gaudio, & tristitia. Qualiter vir bonus gaudere debeat. Non tristatur qui omnia prævidet. Varia doloris antidota. Cap. XV. 59

De Spe, & Desperatione. Quomodo utramq; moderari oporteat. C. XVI. 64

De timore, quam vanus sit. Et qua ratione vincatur. De vitanda audacia.

Quædam iterum de ira. C. XVII. 65

De potentijs animæ rationalis, continendus intellectus à curiositate. Cui potissimum scientiæ incumbendum. Quam malum sit aliorum mores disquirere. Aliorum iudicia spernenda. De voluntatis abnegatione. Cap. XVIII. 70

De statu proficientium. Varia profectus adiumenta, temporis æstimatio, & usus. Dei præsentia necessaria. C. XIX. 75

De bono solitudinis. Fugienda malorum societas. Mundi vitia quot, & quæ sint. Studium proficientis acquisitio virtutum. Signa quædam obtentæ virtutis. Cap. XX. 79

De virtutibus Theologicis. Fides operibus comprobanda. In solo Deo ponenda

nenda fiducia . Motiua amoris erga
Deum . Amor proximi beneficijs of-
tenditur . Hortatio ad eleemosynam .
Cap. XXI. 85

De prudentia, eius necessitas, & difficul-
tas. Officiũ viri prudentis. C. XXII. 89

De Iustitia, & Religione. Actus vtriusq;
Quid sit pœnitentia, & in quo consi-
stat . Cap. XXIII. 92

De pietate, & obseruantia . Obedientia
commendatur, itemque gratitudo .

Quomodo accipiendum, & reddend-
um sit beneficium. Cap. XXIV. 96

De veritate, eiusque usu. Simplicitas
laudatur. Actus fidelitatis. C. XXV. 99

De amicitia, quibus officijs sit colenda ;
Præcepta quedam ad mutuam conuer-
sationem pertinentia. C. XXVI. 102

De liberalitate . Quid sit, & qualiter
exercenda . Quomodo differat à ma-
gnificentia . Cap. XXVII. 106

De fortitudine . Quæ sint eius officia ;
Mortem à viro forti contemnendam
esse . Cap. XXVIII. 109

De magnanimitate. Viri magnanimi de-
scriptio. Cap. XXIX. 113

De patientia. Eius occasiones & affectus.
In-

*Indicia vere patientiæ. Ad omnia
mala ferenda parænesis & documenta.*

Necessitas perseverantiæ. C. XXX. 115

*De temperantia. Quantum illi conferat
verecundia. De abstinentia, & casti-
tate. Cap. XXXI. 121*

*De mansuetudine, & clementia. Vtriusq;
officia, & præstantia Cap. XXXII. 123*

*De modestia. Munus duplex studiositatis.
Quæ regula in usu Eutrapeliæ ser-
uanda. Cap. XXXIII. 125*

*De humilitate. In quo consistat. De co-
gnitione sui. Veri humilis characteris-
mus. Cap. XXXIV. 128*

*De statu perfectorum. Imago viri per-
fecti. Finis vitæ perfectæ unio cum
Deo. Cap. XXXV. 131*

MANVDVCTIO

AD COELVM,

Medullam continens Sanctorum
Patrum, & veterum Phi-
losophorum.

C A P V T I.

*De fine ultimo hominis. Quàm malum
sit ab eo deflectere, quibus medijs,
& quo ordine ad ipsum per-
ueniatur.*



E M O vitales mundi profusus in
auras

I. Iucunda renuit prosperitate frui.
Celsus, & exilis, simili cum Cæ-
sare voto

Vitam felicem viuere pauper amat.

Ast quia primorum lapsu vitata parentum,
Interno proles lumine cæca venit;

Indagat, quærit, palpat, nec reperit vnum

Verum, supremum, quod tenet omne, bonum.

Excelsa quidam tollit super æthera laude

Si cui cræseas arca recludit opes.

Alter amat fasces, & sceptrum potentis adorat,

Si Rex esse nequit, regius esse cupit.

A

Oh

Oh miseram ! dici vitam tamen esse beatam

Quam locat extremis impia turba locis .

Sic Labyrintheis implexa ambagibus errat

Mens hominis, vanum fertq; refertq; pedem .

Quando tenere bonum vicinis æstimat vlnis

Milleno recidit longius inde gradu .

Hoc miseraunda magis minimè quod gnara malorum .

Lætabunda suis mergitur vsque malis .

II. Implicat hoc varijs hominè sine fine periclis,

Viuere quod faulste gestiat , atque mori ;

Sed quid sit, vel qua faustum ratione tenendum,

Luditur innumeris , decipiturque modis .

Quidquid agit , versat, tractat, molitur, & optat,

Omnia retrogrado flumine versa fluunt .

Nam prætergressus certam sine crimine metam

Quæ solet immoto figere corda loco ,

Huc it, & inde redit, varium per cuncta ferendo

Pectoris affectum sistere nescit vbi :

Sed velut effuso formice examine ramis ,

Pars tenet hanc , aliam pars vagabunda viam ;

Quædam sublimi resident in vertice quercus,

At reliquæ terris proximæ ad ima ruunt .

Sic tua mens variat, celsa bona quærit & imo ,

Mox caro , mox aurum , mox honor ipse
placet .

Omnipotens rerum factor, moderatore Olympi,

Ex chaos , & nihilo condidit esse tuum .

Nil natura parens, faciunt nil Numina frustra,

Conditus es, toto corde sequare Deum .

Vt fuit , utque manet semper sine fine futurus ,

Sic rerum fuerit postera meta Deus .

Hunc cerne, & iusta mentis bilance metire

Cui totum debes , das quid amabo Deo ?

Hunc

Hunc nisi respicias toto conamine finem ,
Exerrat studium, consiliumquè tuum .
Vt loca designas prudens pro fine viator
Ne vagus incerto decipiare pede :
Sic Deus humanæ teneat confinia vitæ ,
Meta sit actorum vocis & ipsæ tuæ .
Hæc facies donec finem pertingis ad ipsum ,
Dum tua vota Deo plena videre licet .
Quidquid ab extremo diuertit ad altera fine
Mortales, stygijs præcipitabit aquis .
Quando propinqua moues naues ad littora, dulci
III. Vt siccam releues flumine ab ore sitim ;
Quamuis forte legas bulbos, animumq; relaxes ,
Attamen in nauim semper anhelus eris .
Fronte, oculis, voces, nutus, & signa Charontis
Obseruans, puppim mox properanter adis .
Hunc tibi sume modum vitæ mortalis agendæ ,
Figas obtutus semper in astra tuos .
Vtere sic mundo, te sicque forensibus adde
Ne fini subito deiiciare tuo .
Cūcta creata homini proprio famulatur vt hero,
Vt pariter domino seruiat ille suo .
Hoc si non faciat, domino diuisus ab vno ,
Multorum seruus pondus inane trahet .
Quorque creaturas prauo sectatur amore ,
Impia tot flexo poplite idola colet .
Quæis minimè plenas multa pinguedine vaccas ,
Aut mites demens sacrificabit oues :
Sed se, diuini pulchram cordisque salutem
Prorsus sacrilega fert holocausta manu .
Optima cælestis nulli concedit amoris
Lex, quidquam superû præter amare Deum .
Quisquis contempto rebus Factore creatis
Se dedit, omne miser perdidit ille bonum .

IV. Quæ medici doctè impuro de corpore dicūt
 Quod mage corrumpis quo magis illud alis.
 Hoc etiam cælesti hominum de parte locutos
 Esse puta, simili fertur utrumque pede .
 Quisquis enim statuit fœdo transferre malorum
 De gremio prauos ad meliora gradus ,
 Virtutumque bono mentem replere sapore
 Peioris vitæ cuncta venena vomat .
 Defleat elapsæ commissâ piacula vitæ,
 Det sibi seuerum supplicijque genus .
 Prauos affectus, fibras scelerumque profundas
 Eruat, & sæui germina cuncta mali .
 Mollius, arctetur iusto moderamine, corpus :
 Sensibus, ori, oculis fræna locanda tuis .
 Quæ properos retrahunt celsâ virtutis ad arcem
 Passus, solerti sunt resecanda manu .
 Quid trepidas ? grauium vel quid fera monstra
 viarum
 Ipse tibi tuta fingis ad astra via ?
 Fons & meta dabit celso de sidere vires ,
 Iunges sincerum, velle, beatus eris,
 Te tibi subducas, si vis contingere finem ,
 Hoc magis ille prope est, quo procul ipse
 tibi es .

C A P V T I I.

*Cupienti bene viuere morum instructor
 eligendus est . Qualis hic esse de-
 beat . Officia Discipuli .*

(tis,
Quisquis amat seruire Deo ferat ille monen-
 I. Atq; boni leges, & documenta, Viri.
 Quis

Quis prudens tentauit iter sine rege viator ,
Imbibit aut artes absque docente graues ?

Qui se protulerint virtutis ad ardua nullos ,
Vel numeres paucos absque iuuante manu .

Quæ passim facienda homini mandante papyro
Præsentem pariter, posteritasque sciet .

Quid, quando fieri, rebus seruandus agendis

Quis modus ? hæc absens haud documenta
dabit .

Nemo cibos Medicus, vel pharmaca sana Galeni
Absens ægroto scripserit apta suo .

Vt morbum pellas rectè medicina paretur,
Hoc ut agas, ritè vena probanda tibi est.

Non aliter sæuis animi medicabere morbis ;
Monstrabis digito quæ facienda putas .

Non satis est superis Saulum strauisse, nec illum
Iam Domino victas attribuisse manus .

Debet Ananiam Cælo mandante Magistrum
Quærere, quo planam discat ad astra viam .

Cepisti duros virtutis prendere calles

Vincere naturæ semina praua tuæ ,

Cum stygijs miscere ferissima prælia monstris,
Ponere de prauis ad meliora gradus .

Qui tibi securum possit præbere ducatum

Certaque demonstrat , quære , pericla , vi-
rum ,

Detegat absconditas specioso tegmine fraudes ,
Et pugnae dubias formet ad arma manus .

Qui prodesse velit sapiens, fidusque, potensque ,
Cuius honor vultum non metus excipiat .

Qui te si fortasse cadas errore doloso ,
Non castigatum, sed velit esse bonum .

Cuius vita oculis placeat , non voce probetur .
Qui facit & mandat, præcipit ille bene .

II. Qui nullū palpat, nec se congressibus infert
 Qui vitat mensas diuitis angue magis .

Qui tenuem quamuis fortunam pronus adorat,
 Nec terit excelsæ limina opima domus.

Qui vitæ normam, mores, discernit vt ille ,
 Qui drachmæ nouit punctulâ cuncta bonæ.

Qui veluti Medicus vario medicamine doctus
 Pharmaca det cordi plena salute tuo .

Et phlegmetontas subtili examine technas
 Cernere virtutis signa, malique queat .

Abdita qui facili mentis secreta labore
 Scrutetur, cunctos pectoreosque sinus .

Quem tua, non proprij propellunt commoda ,
 tecti

Vt curas animæ sumat habere tuæ.

Qui miti genio, quando fortassis aberras
 Te doceat, blandis alliciatque modis .

Quem minimè fugiant astutæ dæmonis artes ,
 Temporibus valeat quas referare suis .

Cui te non pudeat, quæ cor mala fortè recondit
 Pandere, & abstrusæ claustra aperire domus .

Si talem vitæ possis reperire Magistrum ,
 Hoc tibi pars maior prosperitatis erit .

III. Huic absconsa tui pandes penetralia cordis,
 Quæ virtus ornat , quod vitiumque grauat .

Quæ tibi ab excelso cœlorum missa putaris
 Illius ad libram discutienda feres .

Sæpe precare virum , prauos si forte tumultus
 In te Signarit norificare velit .

Haud timor, haudque pudor refrænet labra mo-
 nentis ,

Nullum prætereat dissimuletque nefas .
 Si quid censurâ dignum tibi inesse negarit,

Non te inculpatum protinus esse putes .

Nam-

Namque timore odij vel spe meliora negante ,
Veridicus verum sæpe tacere solet.

Tu verò, vrge virum sinceræ sensa medullæ
Explicit , hoc monstrans quàm bonus esse
velis .

Ipse tui næuos ordire retexere cordis .

Vt melior vitæ norma sit ille tuæ .

Si te corripiat, mores plectatque scelestos

Hand gena sub tristes contrahat inde notas .

Aut bonus, aut redeas melioribus aptus ab ipso,

Non nihil est inter tot mala velle bonum .

Discere, discipuli est munus , prodesse Magistri,

IV. Ne profit, faciet Discipuli ingenium .

Nam sunt qui propriæ naturæ dona secuti

Alterius temptim verba salutis habent .

Quæ tu cunque doces , dicunt iam cuncta
sciebam :

Commonstrare alijs nunquid aperta iuuat ?

Multum crede mihi monstrare iuuabit aperta ,

Interdum quæ scit mens tumultata tenet.

Non docet ille monēs,memori sed mēte reposta

Suscitat, elabi, nec finit illa tibi ,

Intrudenda animo quamuis iam nota putentur ,

Talia sæpe animus dissimulare solet .

Erigitur pulsu virtus conclusa medullis ,

Verbere,& igne probas balsama, thura crocū.

Hunc pudor ille malus, vitium puerile retentat,

Hic mala phræneticus dente tacente premit ;

Cui si fors Medicus curas adhibere pararet

Ille vocat furias, ille acheronta mouet .

Scilicet ora teter concludit Pluto silentum.

Sperans profectus ille tacendo suos.

Et verò quamuis pudibundum corporis vlcus

Ponere cunctorum non pudet ante genas .

Hæc sunt causa mali totius, semine ab isto
Quod premit, atque grauat, quod cruciatque
venit.

Inficiunt totum mellita hæc toxica mundum,
Surgentis soli deciduique plagas.

Dum fiunt latitant, toto se pectore facta
Produnt, tunc quam sint experiere mala.

Torturi quosdam diri fætores latrones
Iungebant viuis mortua membra viris.

Consequitur similis peccantes pœna, manetque,
Iunguntur pœnis, effugioque carent.

Vt mala non facias, nisi quid patiaris acerbi,
Patrando, multum tu patiêre mali.

Vix scelus admissum primordia cepit habere
Iam gravidum, pœnas, suppliciumque parit.

Pallida terribilis nata est hinc mortis imago,
Orcus perpetuo flammatur ab inde foco.

Ergo flagitio pectus purgabis ab omni,
Ore, dolore, Deo debita quæque dabis.

Non grauiora modo vitabis crimina vitæ,
Sed quæ visa tibi fors leuiora forent.

Quæ funesta licet non figant vulnera cordi,
Sternunt mortiferis attramen ipsa viam.

Sed quid amabo refert, an guttis naufraga fun-
dum.

Nauis, an excelsis fluctibus hausta petat?
Quo vitare magis valeas, nec crimina vites

Hoc turpant mores, commaculantque magis.
Hoc pudor est maior si te victoria fallat,

Quo magis qui vicit debilis hostis erat.

II. Nunquam virtutes animi plantabis in agro,
Nec libertatis restituere loco.

Quem geris affectum ni ponas crimina versus:
Corpore ne rectus, deijciare animo.

A

S

Post

Scilicet humanum scelus est maledicere Diuis,
Et superum iustis pondus inane dare.
Ast tibi si proprias vires tentare placebit
Spe magis inuictas experiere tua.
Haud quia lucta grauis, non misces prælia miles,
Sed timido talis cernitur illa tibi.

Quæ nunc forte paues, tandem ridebis in usu;
Incipe, nec robur tempseris ipse tuum.
Non solus cœli miles pugnabis, inersque,
Velle tuum dederis, Numina posse dabunt.

IV. Omne pugil vitium facili superabis arenâ,
Postremum credens quemlibet esse diem.

Quid te tam firmis deuincit funibus orbi?
An quia discessum non meditare citum?
Nulla dies transit qua non per funera, mortis
Forsthan oblitus commoneare tuæ.

Sed verò in medio turbæ morientis aceruo
Haud quidquam voluit mens tua morte
minus.

Nil tam sæpe tuum quàm mors fera lumen
oberrat,

Ast omni citius re fugit illa tibi.

Quæ te, quæque tui soluat conuiuia ventris
Adueniet nulli diffugienda dies.

Tandem monstrabit discussa albugine vitam
In tenebris tractam lux reditura tuam.

Prodeat in medium toto de tempore vitæ
Virtutis solidæ clara vel vna dies.

Quære, require, refer, produc ex omnibus vnâ
Quæ nullis vnquam sordibus atra fuit.

Prima tibi talos inter defloruit ætas
Decoxere aliam fœda libido, ioci.

In vitijs præceps transacta Iuuenta nefandis,
Iam dolor, & scelerum fructus amarus adest.

Viuiere sed multi nondum se scire fatentes,
Deuictas fato restituere manus .

Sic est difficilis vitæ doctrina necisque !

Quam tamen in senio discere tu cupias .

Maxima turbatæ est mentis peruersio, tandem

Viuiere velle, mori quando necesse foret.

VI. Quo te damnorum malecautus homuncio
iactas ?

Talibus ergò fluunt vita, fidesque modis ?

Transitus est vmbrae tempus, leue vita minutum,

Aut puncto quidquam si minus esse potest .

Vnum fuge diem, duntaxat ne fluat horam

Retrahe, pone moram temporibusq; breuem.

Sed frustra : citius rapiunt te, cunctaque tecum,

Quàm sistant fluxum perniciofa suum .

Huic ergò coeli postponis gaudia puncto ?

Gaudia cum summo semper habenda Deo .

Corpore pro fragili cernis quæcunque necesse,

Illâ tibi grandis sollicitudo parat :

Ast animæ vix vlla mouet te cura iuuandæ,

Alterius veluti, non foret illa tua .

Si languet corpus discrimina cuncta subire

Vt redeat sanum credo paratus eris ;

Sed languenti animæ medicam supponere differis

Dextram , nec sentis quàm miseranda ge-
mit .

Quando tibi dictū sumas medicament amarum ,

Pharmaca nec prendens sumis vtraque manu?

Parua iubent superi vitam sine fine daturi :

Displicet at pigro pauca vel ipsa sequi .

Si litem facias , tunc mente, labore, loquela ,

Omni curabis subsidijque modo :

Vt quos cura manet motum decernere causam,

Hanc placidam reddant , proficiamque ubi .

ludi-

C A P V T I V.

*De Gula. Eius mala, & remedia.
Quæ sint indicia deuictæ
gulae.*

I. **C**hristiadum plenos noscens certamine
soles.

Ardua damnosæ bella mouebo gulae.

Omne scelus stuppâ succensum flammâ ab istâ
Ardet ad orcinos & sine fine rogos.

Hoc primum vitio primi cecidère Parentes
Principium diræ constituere necis.

Gustant aduersis quando mala pessima Diuis
Interitum citius quàm peperere genus.

Proh dolor hinc hominem duplex lethumque
laborque

Corporis ac animæ conficit vsque malum.

Quo semel orcinus telo nos fixerat hostis,
Hoc velut expertus sternere semper amat.

Hinc stupor, hinc languor, surgunt hinc tædiæ
vitæ,

Scurra, loquax, scelerû profluit omne chaos.

Hinc venus, hinc rixæ, mens hinc offusa tenebris,
Menteque sub cæca quæ fera monstra latent.

Diuitis exhaustas Pactoli cernis arenas

Fascibus & fustes præripuisse vices;

Longos morborum tractus, mortemque citatam
Ventorum pennis accelerasse gradum.

Taliter ingluuias nostris dominatur in oris!

Aes, decus, ac vitam, scilla tremenda rapit.

Magna

Nec prece cognoui ventrem, nec lege teneri ,

Quotidie census exigit ille suos .

Hinc dolus, hinc laqueus ventris subtilior haret,

Sæpius incauto quo capiêre pede .

Nam præstare volens auido sua iura palato ,

Seruis delitijs nescius ipse tuis .

Quàm tibi sufficiat modicum, vis scire famenti ?

Lanx , corpus, stomachum , teque probata
probet .

Nil sibi mensuram præter natura requirit ,

Pauca huic sufficiunt, luxuriæque nihil .

III. Non petit atagenis vel pinguia fercula,
turdi .

Quem dare vel gustum mugilis hepar habet .

Quod satiare potest, quid sit, non pensat illa,

Crede mihi non est ambitiosa fames .

Post breue solamen lapsis per guttura ferclis

Vilibus arrident haud pretiosa magis .

Esuriens comedes, sitibundus pocula sumes :

Hoc poterit nemo iure negare tibi .

Sed num plebe Ceres, veniat vel Principis aula,

Vndaque sit multà frigida facta niue .

An tepidam potius vicinum flumen inundet ,

Naturæ melior seligit ordo nihil .

Vnica naturæ scito mandata iubentis ;

Sit sedata fames, sitque leuata sitis .

Quos mare longinquum , præbent quos flumina
pisces ,

Aut quas aëreus missitat axis aues ,

Rapta vel vmbrosis syluis armenta ferarum,

Plenaque de vario climate cella mero ,

Cinnama mella, piper, dulcissima zacchara quid
sunt ?

Sunt nisi inexpletæ tormina grata gulæ .

Helluo

Helluo sit dapium quamuis Epicurus ; at illi,
 Excitet vt gustum sobria mensa placet .
 Nil adeò lautum, longus quin nauseet vsus ,
 Insipidumque nihil, quod fame non sapiat.
 Oh miser ! oh sani quem copia fecit egenum
 Consilij ! limen mors cubat ante tuum :
 Nil tamen inde minus pascunt conuiuia corpus ,
 Pinguior vt caderes vermibus esca breui.
 Te precor esca quibus venias epulanda teuolue ,
 Carneque nutritus, mente premare, caue .
 Sit tibi communis victus, facilisque paratu,
 Haud bursæ, haud ventri sit grauis ille tuo .
 Quam paucis egeas nosti, cum multa deessent ;
 Corpora stant victu, luxuriæque cadunt .
 IV. Non te spernentem laudabo superflua, sed si
 Debita contemnas, laude per astra geram .
 Siccos quando fami panes. & debile vinum,
 Persuasus credas potibus esse satis .
 Aut quando passim quæ proferat germina cæpus
 Tam tibi quàm pecudî nata fuisse scies .
 Tunc te suspiciam, solas dum corporis, esu .
 Spectabis vires, æthereumquè decus .
 Pingua Magnatum quando conuiuia spernens
 Contentus viues pauperiore cibo .
 Ac velut inuitus mensas accesseris ipsas ,
 Pharmaca vt ægrotus sic alimenta petes .
 Quando voluptati, nequeas quam tollere, gustus,
 Aptum miscebis qua potes arte modum;
 Quando tibi fuerit morbo cogente molestum
 Sumere consuetis commodiora cibus .
 Angelico demum mentis candore coruscus
 Corporeæ quando labis inanis eris .
 Non etenim tenui ieiunus carne videtur ,
 Noscitur e castis moribus ille magis .

CAPVT V.

*De luxuria quàm turpe sit hoc vitium .
 Quàm facilis in id lapsus , & quo-
 modo euitandus . Voluptas animi se-
 ctanda , quæ solida est .*

I. **Q**uamuis omne nefas veluti deformem
 cadauere ,

Non nisi tormentum sensibus esse queat ;

Quæ tamen humanæ miscet contagia vitæ ,

Turpior est cunctis sordibus illa lues .

Turpe genus sceleris , cuius vel nomen in ore ,

Versari Paulo præcipiente nequit .

Hinc pudor ille grauis , iustæ trepidatio mentis

Quæ semel admissio crimine corda quatit .

Hinc commissa viuat fragilis celare Iuuentæ ,

Atque perire magis quàm referare nefas .

Vix huic iufixus limi confurget abyssus ,

Spesque super tali parua salutis erit .

Ni cui succurtat diuina potentia , castus

Viribus humanis viuere nemo potest .

II. Ergò age , mitte polo calidi suspiria cordis

Quæ dare solus habet munera, posce Deum .

Furtiuos subito Veneris depelle susurros ,

Flammiumos veluti pellis ab æde focos .

Væ tibi ; væ fædos motus si corde volutes ,

Illæso flammæ quis tulit oro sinu ?

Aduerso castrum miscens cum milite verba ,

Vicinæ signum deditionis habet.

Otia, delitias ventris, reprobosque sodales,

Tigride crudeli peius, & angue fuge .

Os

Os nutum , contracta manus , sint lumina
 pressa ,

Fœdiloquis auris sit tua surda sonis .

Non locus audacem faciat, virtusque probata:

Corruit hic virtus, non loca sacra iuuant .

Circumeunt quædam Veneris præludia iustos ,

Tentant affectus, hospitiumque rogant .

Nunquam magnus erit spernit quicunque mi-
 nuta .

Incipit e paruo grandior vnda sinu .

III. Aspice magna tui ne te fiducia fallat ,

Quisquis non trepidat labitur ille magis .

Oh quanti postquam fleuere piacula, vitæ

Postquam correctæ signa dedere suæ ,

Magnanimo postquam stygium vicere triumpho

Hostem , infernalis tetraque monstra domus .

Lumina fœmineo figunt malecauta decori,

Patrantisque scelus ditis ad antra riuunt !

Ingenium , probitas, subeunt discrimina vires ,

Sit sanctus, sapiens labitur ille tamen .

Quæ precor ergo tuâ vexat dementia mentem

Te stare vt credas tanta vbi turba ruit ?

Hæc sed inexperto non sunt persuasa Ruperto

Qui cecidisse alios, ni cadat ipse, negat .

Adiutrix concessa viro transfertur in hostem

Fœmina, dârna viris, interitumque parat .

Non leo crudelis, basiliscus, vipera tigris ,

Astu, dente, oculis, sunt nocitura magis .

Ah cuiusque salus cœlo speratur ab alto ,

Fœmineos vultus, colloquiumque fuge !

Quo semel est imbuta recens, nunc seruat eundem

Perfida costa modum ; decipit illa virum .

IV. Non vitæ probitas animetq; intentio recta ;

Pelle sub agmina monstra cruenta latent.

Profi-

Profilit hinc castæ grandis fiducia menti ,
Incauti visus blandula verba, ioci .
Munera crebra fluunt, cōsueta modestia languet,
Iunguntur dextræ risus vtrique calet .
His , pudor innatus probioris pectoris hospes
Profugus ad geticum pellitur vsque solum .
Omne malum lento penetrat præcordia passu ,
Nemo repentinus prodit in orbe malus .
Alterius qui sola prius vestigia sexus
Horruit, hunc oculo nunc petulante petit ;
Accedit propius , labro ridente salutatur ,
Blandidula Cyprius excitat arte foecos .
Tandem succensis feruent præcordia flammis ,
Atque prius damnum quàm sciat illud, habet.
Hac primum mentis lumen caligine tinctum
Est lento in noctes proruitura pede .
Non se non superos, non respectando decorum
Portio cælestis fixa manebit humi .
Interea donec stygio sopiatur ab igne
Semper edet cordis cypria flamma domum.
V. Oh miser ! oh fœdi demens sectator amoris,
Cuius tam propero fine volupta perit .
Expers consilij quid stulta indagine quæris
Gaudia fallacis mox peritura soli ?
Gaudia si placeant, placeant æterna : populorum
Qualia supremo condidit axe Deus .
Sic tibi deliro arrident euanida puncto ,
Ut præsent, durant quæ sine fine bonis ?
Te precor erectos tollas super æthera vultus ,
Cerne polo plenos prosperitate viros .
Horum delitiæ , quondam cum pulvere panis,
Mistaque cum fletu procla fuere suo .
Quos si mortali videas in carne , videbis
Præter sordiciem, pauperiemque nihil ;

Con-



Continuis madidi lachrymis, vigilesq; precando
Egerunt mæstos & sine sole dies .

Equuleis, gladio, tormentis, sanguine, morte ,
Cœlorum planas constituere vias .

Parte sed aduersa plutonia regna reuise ,

Atque nota piceas lumine ditis aquas ,
Cerne ibi perpetuâ flammâ tenebrisq; sepultos,
Et quos infamis furca rotæque tenent .

Tantaleam cognosce firim, cognosce mephitim,

Quam styx sulphureis impete fundit aquis.

His quôdam illudens carnis male suada voluptas

Pœnalis miseros trufit ad ima stygijs :

Ah serò nimium discussa albugine mentis

Discunt delitiæ quàm nocuere sibi .

Altiùs ista tui subeant penetralia cordis ,

Crede, paue, horrendum perpetuumq; malum.

Quidquid delectat puncto transibit in vno ,

Permanet æternum quod cruciari solet.

VI. Sortis at humanæ lætandum suadet origo,

Ad tristes leslos interitura breui .

Ergò sit , immensæ pectus demergere voluptæ ,

Quæ bene composito profluat alma sinu .

Læta, probos veluti fidi comitantur Achates ,

Non foris, in gremio gaudia quære tuo ,

Quæ caro, quæ Sathanas , præbet quæ gaudia
mundus

Molle est, fucatum, deciduumque bonum .

Ast animi excelsa , inuicta , est tranquilla i vo-
luptas ,

Nescia mæroris delitiosa quies .

Non pudor hanc vllus sequitur, nō casus acerbus,

Destituit dominum nec fugitiua suum .

Quam quicumque petis blandè fruiturus habere,

Gaudia sunt carnis despicienda tibi .

Vai-

Vnica sub toto vera est hæc sole voluptas,
Delitias mundi posthabuisse Deo.

CAPVT VI.

*De Auaritia, malitia eius perstringitur.
Collatio Pauperis, & Diuitis.
Opum fallacia, &
vanitas.*

I. **C**Or tacito penetrans malesuadum cri-
men auari

Lapsu, virtutis cortice cuncta tegit.

Quære; nec inuenies, qui se fateatur avarum,

Contractæ causas non habeatque manus.

Vt sibi, prospiciatque suis hic congerit au-
rum,

Consulat vt miseris illud & alter agit.

Ille lauaturus sædæ contagia vitæ

Instruit aurato balnea fulua tago.

Sic hic, sic alter, cumulat sic tertius aurum.

Ast nihil in fines quos posuere ferunt.

Quin noua solliciti toto conamine tentant,

Turgeat vt cumulus diuitiore penu.

Interea questus inter pretiosa teruntur.

Tempota, vita perit, cui cumulantur opes.

Vt non vnda sitim sitibundo visa leuabit

Nigelidam admoto gutture poterit aquam.

Sic res nulla auidum plenè satiabit avarum

Cuius, gaza nequit mentis adire lares.

ars hominis melior cælo submissa superno.

Non aliter, solo fit satiata Deo.

Quid-

II. Quidquid diues opum Cræsus possederat
olim,

Congestum teneas scrinio auare tuo :
Primus felici, nulli sis forte secundus,
Maior, quo nullus, sis Salamone licet,
Terram marmoribus, sternas laquearia gemmis,
Aurea pergentis sub pede strata gemant.
Picturæ, statux, quæcunque stupescis in arte
Hactenus haud visum sint anathema domus :
Omnia non satiant, reddunt maiora famen-
tem.

Hocce magisterio quærere plura scies.
Quid tibi ferratâ prodest quod conditur arcâ,
Alterius, si plus quàm tua, semper ames ?
Crede, illi spatium largi non sufficit orbis,
Tanta cui nequeunt exsaturare famem.
Oh vtinam vero rationis pondere libres,
Quæ mala diuitiæ, quæ nocumenta ferunt !
Germinat inde dolus, crudelia prælia surgunt,
Rumpitur inde fides, proditioque venit.
Tolle precor toto si possis orbe tenacem,
Optatæ pridem munera pacis habes.
Mortales inter taceat vel nomen auari,
Ambitus vani nullus honoris erit.

III. Lance tibi iusta Cræsus libretur & Irus,
Præbeat hic vultum, præbeat ille genas.
Fronte serenata præfert hic gaudia mentis,
Dum curas alter spirat ab ore graues.
Afflicti sæuo diues sub vulnere cordis
Externæ tantùm iubila frontis agit.
Pauper at excelsæ residens ad culmina mentis,
Lucunda internæ basia pacis habet.
Anxius ad questum, rerumque pericula diues,
Fortunas varias vt fera fata timet.

Alter

Alter tranquillæ fruitur dulcedine vitæ ,
Quod satis est optat, perdere nilque potest .
Oh quàm spinosos Cræsus trahit vndiq; soles !
Quàm Codrus placidas, & sine nube dies !
Vulnera spinarum quisquis non sentit oportet
Lethargo pressus sit grauiore nimis .

IV. Quamuis cepta tuæ conamina mentis auare,
Ad tua tranquillo flumine vota fluant .
Excelsas alter stupeat quas feceris ædes ,
Innumeras alter, quas trabe ducis opes ;
Non satis expletus terrâ domineris & vndâ ,
Imperio cedant subdita cuncta tuo :
At decreta polo veniet non mobilis hora ,
Omnibus, & vitâ, qua spoliante cades .
Te pueris similem serò mirabere tandem ,
Qui pretiosa nimis, ludicra quæque putant :
Calculus hosce leuis fallit conspectus ad vndas ,
Derinet & varius lumina fixa color .
Geminis insans, ah diues , non minus & auro,
Oblestant pectus terrea quando tuum !
Siccine diuitias benigni munera cæli
Proijcienda mihi non retinenda putas ?
Absit vt hac stringam durus te lege licurgus ,
Quas dederit teneas quin volo Numen opes :
Sed nolim raptas, alio vel crimine partas ,
Quasue tibi grauior sollicitudo daret .
Tecta domus penetrent nummi , non scrinia
cordis ,
Quos ad vota Dei relinquere promptus eris .
Quidquid fur possit, subitus vel perdere casus ,
Protinus hoc virtus subtrahat ipsa tibi .

V. Normam Christiadum mores compone
secutus .

Non quod turba facit, quod decet illud agas.

Non moueare togâ reliquos superare vel escâ ;
 Si frugalis eris sat bene diues eris .
 Paucis crede mihi viuit natura resecta ,
 Quo non esuriat non sitiaturque petit .
 Forte sicim sola cristallo posse leuari
 Credis, quâ pauidus corde tremante bibas ?
 An mollem gladius Cererem non scindet acutus
 Si nullum capulo forte nitefcatur ebur ?
 Fictile vas manuum fordes non excipit atras ?
 Nec nisi ab aurata lampade lumen habes ?
 Auri mancipium clarè monstratur, ab auro
 Expectanda cui forma decusque venit .

C A P V T V I I .

*De Ira , Character irati . Effectus ,
 causa , & remedia iræ .*

- I. **C** Orripi tela manu, gladio præcingere
 miles .
 Impete rancores monstra cruenta stgis .
 Fac prior inuadas , hominis ne Schemmate
 tardum
 Despolient, similem conficiantque sibi .
 Ira sui nusquam veluti dementia compos ,
 Sanguineos fontes , fataque dira sitit .
 Nescit cognatos, nescit rabiata decorum ,
 Vt feriat reliquos, vulnera in ipsa ruit .
 Prorsus par grandi furijs agitata ruinæ ,
 Quæ nocitura alijs, plus nocet ipsa sibi .
 Ne viri vultum, calida qui feruet ab ira ,
 Qualiter irato cedit ab ore decor :

Quî flagrant oculi, venæ surguntque tumentes ,
Horret Cæsaries, quassâque labra strepant ;
Dens edit fremitus, despumant ora furores ,
Plena erupturâ collaque voce crepant .

Fœdatur facies, rugas in mille plicatur
Planities frontis, genua, manusue tremunt ;
Veiluntur crines, scissæ iactantur in auras
Vestēs, & multo verbere pectus hiat .

Quos animo status, quos vultus fingis ab intus
Cuius fœda adeo sunt simulacra foris ?

Ignibus ardentes, cinctas serpente Megæras
Rictibus horrendas finge Erebiq̃ue Deas :
Sic oculos, sic ille manus, sic ora tenebit ,
Crudelis, rabidus, barbarus, atque ferus .

Cætera sub cœcis norunt latitare tenebris
Crimina at effrænis profilit ira foras .

Ac veluti tectis qui iam caput extulit ignis
Quidquid in occursum venerit, omne ferit .

Amplius effervet si fortè extinguere velles ,
Non patitur frænum, respuit illa modum .

II. Omne nefas proprijs retinetur finibus arctû,
Arctari nullis finibus ira potest .

Rancor ubi feruet superas penetrabit in oras
Impetet ipsummet moribus ira Deum .

Nec modo lædentes furialis flamma perurget
Læsuos tantùm suspicione, ferit .

Lædere qui potuit iam tum læsisse putatur ;
Est adeò vitijs ingeniosa suis .

Verbera, sæpe cui nescit, furibunda minatur ,
Deme alios, in se ter scelerata fremet .

Non semper læsi furimus : qui sæpe nocere
Non potuit, pœnas sustinet ille graves .

Quid rogo conscissæ vestes, abiectaque vasa ,
Quos frangis calami quid nocuere tibi ?

Mensula firma minus, subuersaque pocula casu ;

Ingratus stridor, vox releuata magis :

Sæpius hæc nostram nullo de crimine bilem

Omni quæ sensu sunt viduata ferunt .

III. Aspice quî sordent vernante cadauera
campo ,

Qualiter effusus flumina sanguis agit .

Conuulsas ædes, grandes mireris & vrbes

Nosci ruderibus vix potuisse suis .

Pingua regna olim Bacchi , Cererisque reuise,

Hæc falcem renuunt, præla nec illa petunt .

Vnica, tot, tantis mundum sepelire ruinis

Ira potest ; nulla peste nocente magis .

IV. Ergò iræ manibus nunquam subdenda
cruentis .

Insultus primos mens generosa premar .

Feruida nam primos aditus si fortè subintret

Non feret imperium , quod volet illud ager .

Si semel admittas leuiter quæ pellere possis ,

Suscipient nullum perniciosæ modum .

Illatum portis quando detruferis hostem ?

Pugnat fortunâ fortior ille suâ .

Pars directâ magis mundi, vicinaque cælo

Non coit in nubes, nec furibunda tonat .

Mens quoque sublimis, cælo cognata superno,

Quæ patitur tacito pectore damna præmit .

Non iacit irarum flammantes ore sagittas ,

Verborum pressio fulmina dente ferat .

Scilicet igniuomi non tollunt damna furores,

Sed mala succedens asperat ira magis .

Qualiter hærentes volucris dum discutit alas,

Plus viscum pennis implicat illa suis :

In sua sic omnis rancor tormenta redundat ;

Amplius ira nocent , quàm nocuere mala .

Rem

Rem bene qui librat, nec læsus vindicat vllum

Magnanimus ne quæ signa doloris agat .

Vltio, deuicti monstrat fera vulnera cordis,

Paruula quod grauitè lædere musca queat.

V. Vox blasphemata tuas quando diuerberat aures ,

Quæ te, non illam, verba loquare, decent .

Haud peruersa putet tantùm sibi turbaticere ,

Vt solem mentis nubilet illa tuæ .

Omnipotès Numen reprobos tolerauerit omnes,

Vnum deterior tu tolerare nequis ?

Cum possis proprij non deles crimina cordis,

Tollere quæ nequeas ast aliena cupis ?

Pauca forent totû quæ sunt tormenta per orbem

Tot scelerum, ac erebi si paterêre reus .

Attamen horrendo despumas ore furorem ,

Cum te vel leuiter vox inimica ferit ,

In caput ipse suum stringit qui vindicat ensem ,

Peccat, & immergit se Phlegætonis aquis.

Hoc tamen offenso potuit maleficus obesse

Quod tibi parcenti parceret ipse Deus .

VI. Tranquillæ vitæ currant vt tempora fluxu

Irarum stimulo , suspicione, care .

Obuius hic iustum forsân subtraxit honorem

Ceptum sermonem rupit & ille tuum :

Alter quid tacitè socij submisit in aures

Fixos in te oculos dum loqueretur habens ;

Credendo natura malis propensior, iræ

Has subitò causas suspiciosa dabit .

Contemptus maior surgit de crimine glossæ ;

Mitius ergò velim res metiâre tuas .

Credere sæpè placet verbû quod vulnerat aures,

Et sine præmissis damnificare reum .

Donec turbati cordis nox atra fugetur

Exspecta : verum lux reditura dabit .

Rebus in exiguis testemque, fidemque requiris,

Condempnas socium sed sine teste tuum .

Vt retulit quisquam subito ne crede relatis ;

Est etenim, credit qui citò, corde levis .

Vt fallant alij spargunt mendacia , quidam

Deceptus fallit : fallit at absque dolo .

Quod clam quis dicit, veluti non dicat habeto;

Credens secretò proruit ira foras .

Non audire iuvat semper , nec cuncta videre :

Quis malè contemptum nescius orò tulit ?

VII. Cum te quis verbo lædit fortasse sinistro

Num facias reliquis hoc prior ipse , vide .

Site respicias, iræ moderamina pones ,

Sæuior in socios nec Rhadamanthus eris .

Quæ precor alterius plectis contagia vitæ

His caput inmersum qui geris ipse tuum ?

Falsiloquos cunctis maior mendacibus, arctas,

Quamque negas alijs, exigis ipse fidem.

Sic tibi per reliquos bacchandi fræna relaxas ,

Visque alijs in te iuris habere nihil .

Si tua facta legas,numeras cum vulnera cordis ,

In proprio gremio causa doloris erit ,

Nemo mortalem viuit sine crimine vitam;

Communi fueris mitior ergò malo .

Et licet innocuus forsan nil tale patratís ,

Sed poteras : qui stas deiiciare, caue .

VIII. Res noua si noceant hostes ? si lædat

amicus ?

Offendat seruus , natus & ipse grauet ?

Vt rosa vere nouo , fructusque æstate redun-

dant :

Præbent humani sic mala mille dies .

Dum

Dum citius populum velles transire frequentem
Hic lapsus, fueras nonne retentus ibi ?
Tempora sic vitæ multo permixta tumultu
Currunt, hinc obex, inde querela venit.
Sed malus offendit, communi indignus est aura,
Quid mirum ? ipsius muneris illud erat.
Tu quoq; si bonus es munus completo bonorum,
Qui nocuit reprobum, fac tolerando bonum.
Sed parilem vitæ famam mihi fustulit alter,
Quid faciam ? infamis siccine luce fruam ?
Eia age, dicta fides, facinus quoq; mitiget error,
Aut prior offensam quod tulit ille tuam,
Quæ prior ipse facis, tolerare iniuria non est,
Acquum semper erat cedere iustitiæ.
IX. Qui sedent primis cœlo indulgente cathe-
dris
Sæpe iræ causas quæis moueantur habent.
Sic tamen illud agent, mens ut præcurrat ad
iram;
Hæc, veluti dominam serua, sequatur eam !
Qui scelus admisit iustè plectatur oportet,
Ast irâ, vindex, ne moueâre, caue.
Vir bonus irasci sædis si debeat actis
Transmittere nullos absque furore dies :
Si quoties causæ poscunt efferveat irâ,
Consumptus paucis tempore, morte cader.
Affectu Medicus quo fertur pronus in ægros
Hoc offendenti corde benignus eris.
Qualiter haud solis seruore moueris ad iram,
Conscius hoc fieri quod tulit ordo rei :
Taliter, offensus ne cures verba malorum,
Reproba turba suum quod putat esse, facit.
Lædere qui nolit lædentem, sat vindicat ipsum ;
Nam dolet hic, quod non sentiat ille malum.

Sed temni fædum est , famæ læsumque decorem
 Vindictæ simili non reparare nota :
 Quin mage contēptus turpe est formidine tangi .
 Contemni nemo dignus horrore timet .

C A P V T . V I I I .

*De Inuidia, & Acedia . Vtriusque de-
 scriptio , & curatio .*

I. **I** Nuidus ante furit proprias in pectoris æ-
 des

Amplas in socij quàm truculentus opes .
 Crimina cum vindex à tergo pœna sequatur
 Huic vni vitio pœna præire solet .

Inuidus alterius rebus macrescit opimis

Torquetur socij prosperitate miser .

Hæc quemcumque semel pestis comprêndit a-
 cerba .

Ipse reus, vindex, suppliciumquæ sibi est .

Certis sunt reliquæ sæui virtutibus hostes

Culpæ, ast hæc cunctis est inimica bonis .

Prælia cunctorum miscet cum fonte bonorum ,

Cui, natura tulit participare bona.

Aethereis pariter contraria sedibus audet ,

Augent quæ socia prosperitate suam .

Christiadas inter communem lædit amorem ,

Gessit ad hostiles qui generosus opes .

Aeternas tandem pergit confundere leges ,

Commoda nostra alijs quæ roganda iubent .

Qualiter afficiens quidam tua lumina morbus

Obiecto lædi splendidiore facit :

Inui-

Inuidus haud aliter clara virtute propinqui
Grande sub offenso pectore vulnus habet.

II. Sit licet hoc prorsus cognatū crimen auerno;
Attamen haud socijs inuidet ille suis.

In genus agnatum mortalis dæmone peior
Infremit, horreret Pluto quod ille facit.

Quisquis pallefcit vitio signatus ab isto
Nil habet excelsi, pectore reptat humi.

Qui melior fuerit reliquis, non inuidet vlli,
Qui se peiorem credidit, ille fremit.

Inuidiæ moritur, cæli qui viuut amori,
Perpetuas tota pectore anhelat opes.

Nunquam Vir Principes abiectas pallet ad artes,
Inuidet aut misero lucra parata viro.

Grandia sublimi versante negotia mente,
Haud descensus ad hæc inferiora datur.

Non tolerare tuis satis est in commoda rebus
Vulnus ab alterius ni patiâre bonis?

Infelix viues, si te felicior angat.

Cunctos in cunctis vincere nemo potest.

Res tua vicini non crescit rebus opimis

Inuidiâ: verò crescit amore magis.

Fœdere sinceri socio sis iunctus amoris;

Sunt tua prædiues quidquid amicus habet.

III. Vult piger, & non vult, languescit inertia;
lucris

Non intenta suis, tempus inane trahit.

Cuncta putat grandi surgentes mole Gigan-
tes,

Territus inde, fugit quæ generosa forent.

Inconstans, varijs nunquam conatibus idem,

Fit grauior reliquis sarcina, fitque sibi.

Perpetuo vitæ premitur languore repentis,

Incubat & pœnis tristior ipse suis.

Ceu rota, non aliter, toties agitata per orbem
Stat semper primo, quo stetit ante loco.
Sic generosa pigrum mouerint phantasmata
sæpe,

Quæ factis nunquam compleat ille tamen.
Quidquid agit veluti tepesactum flumen ab
igna

Terrigenis stomachum, cælicolisque mouet.
Ergo tuam frustra speres quicunque salutem,
Ni languore animi despoliere tui.

Languida ni calidus subeat præcordia feruor,
Flammeus vnde tibi, furgat ad astra vigor.

Prima velut volucris cælo data cura volatus:
Prima laborandi sic homo munera habet.

Utque labor superum desit conceptus amore,
Pœnali mundus pondere quemque premit.

Oh quoties placido frustrantur lumina somno?
Ditior in nostros ut fluat vnda sinus.

Qualia sollicitæ patitur tormenta medullæ,
Ut quis fortunâ splendidior micet.

Crimina proh quantis. impensis fœda coluntur!
Pœnaque proh quanto venditur ære grauis!

Si bona mercaris sudore fugacia tanto,
Cur non perpetuis par tibi cura bonis?

Ah faciem rubeo confusus sanguine pingat,
Tantis qui rebus segnis inersque fuit!

Omnis cura poli breuibus finitur in annis
Succedit merces. quæ sine fine manet.

Mens hominis nutu cæli directâ superno
Nullum grande licet non superabit opus.

Fortiter audendo rerum fera monstra fugabis,
Obtinet omne animus quod iubet ipse sibi.

Quod potis est facies, nil non te posse videbis,
Conantem Omnipotens Numen ab axe iuuat.

CAPVT IX.

De Superbia . Ambitione & inani gloria . Icon superbi . Dignitatum vanitas , & pericula . Tumoris mala , & Alexi-pharmaca .

I. **T** Vrgida postremo se mens pro fine locaram

Numine contempto Numinis instar habens ,
Quos Superis cultus , hominique tenetur honores .

Impia personæ dedicat ipsa suæ .

Crimine quantumuis referetur ianua fastus
Recludet planas has sibi clauē vias .

Fraude, dolo, gladio, certâ socijque ruinâ ,
Prætenfas veluti iure tenebit opes .

Hæc inuisa Dijs, homini minimèque ferenda ,
Laudibus humanis cor animumque dicat .

Vltra quam potis est tractanda negotia sumit ,
Cunctaque persuadet muneris esse sui .

Imprudens vanis volitat super æthera pennis,
Deprimit & reliquos grandis vt esse queat .

Callida vulpino prodit sub regmine vilis ,
Taliter ambitus effugitura notas .

Si fortasse gradu fuerat quem scandere iussit
Fortunæ facili mobilitate ruat ;

Vocibus horrifonis orbem complebit vtrumque
Arma mouet , rixas, insidiasque parat .

Ponere subiectis pœnas , non parcere nouit ,
Crudeli nimum quos premit illa manu .

Cur iustum tanto pretium non ponis honori?

Sidereas hæres quærere temnis opes?

Hic tibi fume animos grandes, extollere fastu

De tali soboles nobilitate Patris.

Ad genus ipse tuum mores componere disce,

Hac graditur certam gloria vera viam.

III. Quid sunt sceptrâ precor, fulvæ Regumque coronæ?

Aureâ sunt laxi non nisi vincla pedis.

Quæ si mortales purgato lumine cernant,

Non tot pro folijs bella cruenta gerent.

Plurima Rex vnus numerabit sceptrâ, coronas,

Quas propensa dabit, non violenta manus.

Quisquis mendaci fortunæ pendet ab ore,

Crudeli dominæ subdita colla tenet.

Quos æquat cælo vulgus, censetque beatos,

Non sic de propria prosperitate putant.

Suspirant grauium sub pondere sæpe laborum,

Subiectosque pari mole grauant grauant.

Otia tunc laudant, sacræ statumque quietis,

Iam quæ forte prius displicuere, placent.

Fulgor, honor, gemmæ, mundi spectacula pompe,

Sollicitis veniunt nauseabunda viris.

Attoniti tandem, multoque pauore trementes,

Inter vana ferunt omne quod orbis habet.

Horrida formidant postremæ puncta diei,

Mortem, districtum iudicijque diem.

Cuius in aspectu, tanto quæ sita labore

In nullo penitus sunt reputata loco.

Taliter ergo brevis dispenses tempora vitæ,

Tutus vt extremis exhibere thronis.

Si postrema modo teneas subsellia terris,

Tandem supremis constituere choris.

Deli-

Quidquid habes celfo fluxit tibi munus Olympo
Nilque tuum præter crimea inane geris .
Quod si cuncta refers Superis accepta , quid
ergo

Debita subtrahitur, gloria honorque Deo ?
Plurima disce precor fragilis discrimina vitæ :
Hæc tibi, quæis ceruix dura prematur, erunt .
Vasta cui similis punctis est machina mundi,
Noli sacratum spernere dogma Sophi .
Imperium puncto clausum quid stulte requiris ?
In paruo nullus grandior esse potest .

Quæ modo terra gemit passu calcata superbo ,
Pondere mox eadem te grauiore premer .
Nec nisi quanta sat est gelidum concludere
corpus ,

Hæc tibi cedit humus non spaciofa magis .
Cristallo similis splendescit gloria mundi ,
Fulget & in puncto rumpitur, atque perit .
Maior centenis succrescens quercus in annis ,
Horæ sub media parte recisa ruit .

Nec te vana suo titillet gloria flatu
Priuatæ teneas tecta quieta domus .
Nemo parat lauros , grandes sibi nemo triûphos,
Appetit & socijs nemo placere suis .

Omnia miranti dantur spectacula turbæ ,
Bislea , tolle oculos, quis tegumenta volet ?
Solus frondosæ residens ad brachia quercus
Quis referat pompam diuitiasque suas ?

Si mel fecit apis, fructum si protulit arbor,
Hoc satis est, cupiunt prætereaque nihil .
Ast homo factorum plausus, digitosque notantes
Appetit & dici vir generosus hic cit .

Anne data melior fueris , vel laude negata
Peior ? res pretium quælibet ipse sibi est .

Desit

Desit spectator tenebras sol forte subibit ?

Nec melli dulcor ni celebretur erit ?

Sì nulla humanæ moueat te gloria laudis ,
Sidereo lapsus nosceris esse polo .

Quisquis forte sua viuit contentus, abundè
Monstrat diuitias Numinis esse suas .

Ille etiam laudem , laudem fugitando tenebit :
Non est sectantis, sed fugientis honor .

Vas quid inane precor laudabile clauditur in te?
Intertæ vitam prosperitatis agis .

Omnia quantumuis cœli mandata iubentis ,
Perficias , domini seruus inanis eris .

Sed rogo cuncta Deo dices qua fronte refusa
Debita ? ne desis laudibus ergo tuis .

Quæ prægnante sinu fudit tibi munera cœlum ,
Redde Deo, mentem , viuere, & esse tuum :

Quid reliquum præter numerabis crimina vitæ,
Pulcre terreno deteriora magis ?

Ergo nihil cum sis nihilum iactabis inane ?
Vt quidquam sis, te noueris esse nihil .

C A P V T X.

De totius corporis sensuumque exteriorum moderatione . Quantum corpori indulgendum . Castiganda oculorum licentia . Vestium luxus damnatur .

I. **H**anc sanam vitæ formā seruare memeto,
Exhibeas carni quod satis esse solet.
Dure tractanda est animo, ne fortè rebellet :
Corporis altor eris , seruus at esse fuge .

Fer-

Fercla famem, duramque sitim potatio sedet,
Frigus lana fuget, tecta det ipsa domus.
Sed labor adiecit vanus quæcunque decora
Hæc animo veluti pernicioſa, time.

Cui caro chara nimis nihil is præſtabit hone-
ſtum,

Pro qua ne lædat ſemper erit pauidus.
Non aliter putridum debes reſpicere corpus
Vincula quàm cordis pernicioſa tui.
Vir probus, ac ſapiens corpus ſic curat, ut ille;
Hoc ſine qui nequeat viuere curat homo.
Instrumenta animi corpus; quis negligit artem
Tempora curandis his præcioſa terens?

II. Mors quia per ſenſus patulas intrare fene-
ſtras

Aſſolet, hunc rectâ dirige ad aſtra viâ.
Ne ſe terreni demergat in æquora guſtus
Attentus nimium tu caue, ne quid agat.
Senſibus imperitare nefas: videas vice verſa
Ne dominus famulis ſeruiat ipſe ſuis.
Sic tibi prima oculis cohibendi cura petulcos,
Qui vetito quouis ſunt in amore duces.
Hi celeres viſu multis phantaſmata formis
Implent, & totas mentis ab inde domos.
Hinc grauium ſclerum iaciuntur ſemina cordi,
Fructum ſeminibus progenitura parem.
Exterius lumen rectum, ſi lumen ab intro
Cordis, ſectetur conditione pari:
Signa Dei rebus cunctis impreſſa tenebis,
Atque opere in proprio Numina ſacra coles.
Ex quibus attollens animos ad ſidera, diſces.
Blandè eum Superis deliciando frui.
Fæmina compta aliud nihil; eſt luxuria pròpta,
Cernere quam fugies ni periſſe velis.

Haud

Haud ludos, mollesque velis spectare choreas,

Mens collecta quibus disciendi foret,

Quò minus excelsos cœli conscendat ad orbes.

Corporis errat vbi lumen, & errat amor.

III. Ostia sunt aures veri, sapientia per quæ

Accola facta solet mentis adire lares.

Has ergò circum sepiis munimina ducas,

Falsis ingressum stultitijsque neges.

Quisquis amat dictis alienam rodere famam,

Vicini nomen ferre, referre sui:

Huic aures veluti Sirenæ claude dolosæ,

Claude bene, & vanis non reserato sonis.

Otia narranti, nigræ vel somnia noctis,

Aut imago sunt animæ quæ nocitura tuæ.

Nam velut auditum resonat modulamen in aure,

Sic remanent verbi semina fixa mali.

Quæ redeunt quam vis nolis, depulsa recurrunt,

Conturbant animam, suntque molesta nimis.

Sæpius hoc Superùm carpes tibi verba loquentū

Quò magis mortales rariùs audieris.

Est muliebre nimis pigmentis semper olere,

Nec benè semper olet, qui bene semper olet.

Confectos igitur contemnas semper odores

Moribus efficiens te redolere bonis.

Splendida non audio præponas ferula palato,

Et sana fauces sobrietate premas.

Stringantur setis tactus, ac verbera dura

Corpus, & asperior lectulus excipiant.

Est mediøs satius inter seruare dolores,

Quàm carnem ac animam perdere blanditijs.

IV. Corporis ex habitu cordis secreta patefcunt;

Ergo animi prauis sint procul indicia.

U'a grauis veterum sapientia quando vigeat,

Non licuit frustra velle mouere manum.

Hæc

Hanc tibi non ausim recti præscribere legem ,
Dico Scurrarum ne sociare choro .

Brachia ne iactes, hominem fugiasque solutum

Frænum præproperis gressibus adde pedum .

Quidquid id est oculos quod lædere possit , ab-
esto ,

Sordities chlamydis fronsq; inamena procul.

Non bene compositi motus, contemptus acerbus,

Omnia quæ stomachum nauseabunda mo-
nent .

Multa queunt fieri, ac etiam patrantur honestè ,

Haud oculus simili quæ ratione videt .

V. Primus homo nudus rerum Factore creatus,

Nec tamen ignaro taliter esse pudet .

Ast ubi deliquit subito mutatus ab illo ,

Aeternæ vestis quâ tegereur eger .

Sed quod erat tandem multæ poenalis ad instar,

Hoc , modò præcipui cultus honoris habet .

Non qui nuda tegant carnis quæiuntur amictus,

Ast ornent, vanis qui placeantque oculis .

Non satis e propria poteras quem noscere vita,

Quam gerit, ascolta, velle loquente, scies .

Maior cura togæ, pexusque ad vitra capillus

Fæminei genij est, ingenijque paris .

Quid tegit exterior cultus pensare volenti

Tinget purpureus sanguinis ora color .

Quisquis ab intus habet cultum virtutis, ab extra

Haud veste aurata splendidus esse volet .

Virtus amat lumen, renuit tamen illa colorem .

Adjunctis minor est amplior ipsa sibi .

Est hominum splendere togâ vanissimus error

Sorditiem quando mens vomit atra grauem .

Quidam gemmatis onerantur sponte catenis ,

Et vinctis, vinctos taliter esse, placet .

AN-

Aurum non vincit quosdam, sed figit acerbè,
 Vulnere dum læsa pendet ab aure graui:
 Quæ suspensa gerit patrimonia tota frequenter,
 Transfit & in luxum pœna quod ante fuit.
 Plus quosdam tangit pexendi cura capilli,
 Quàm saluandæ animæ sollicitudo suæ.
 Sic errasse hominis potuit mens praua superbi,
 Vt putet ornatum, calce terenda suum!
 Ergo tibi vestis non sit pomposa per artem,
 Excedat sordes, fastibus inferior.
 Auro te quamuis ornes, multoque pyropo
 Ni deus addiderint Numina, turpis eris.
 Perpetuos decor ille vicens durabit in annos.
 Non est hic carnis vestis, at est animæ.

C A P V T X I.

De custodia linguæ. Quanti momenti sit, & quàm difficilis. Quid in sermone seruandum, quid vitandum. Qualiter toleranda vitiosa aliorum lingua.

- I. **V**Ita, & mors manibus linguæ commissa,
 requirit
 Curam, quâ seruas lumen vtrumque parem.
 Qui frænare nequit linguam similabitur vrbi,
 Cunctis, murorum quæ sine sepe, patet.
 Nec tamen hanc potuit quisquâ cohibere ferocē
 Cui non auxilium misit ab axe Deus.
 Frænât homo taurum, sæuum frænâtq; leonem,
 At os, & linguam non domat ille suam.
 Suxit

Suxit homo morem matris cum lacte loquendi,
Conceptum citius mentis, vt ore vomat :
Proxima tum lingua est cerebro , phantasmaque
labris ,

Hoc facit, vt quidquid pensitat, ore fluat .
Quæ præstanda tuis fuerit custodia verbis ,
Linguæ bina docent addita septa satis .

Qualiter vnguenti suaues perduntur odores
Dum referata finit pixidis ora puer :

Limina sic oris pateant si forte loquacis ,
Omnis ab hoc animi deperit ore vigor .

II. Qui non continuo linguâ custode gubernat,
Dicitur hic rebus non bene adesse suis .

Semper eris cautus quoties de more loquendum,
Proteruè in medium nec tua sensa feres .

Tu caue ne fallax, verborum vtare colore ,
Promas quod sentis duplicitatis inops .

Est tibi per superos sandi concessa facultas,
Vt res verè alijs participare queas.

Quando loqui debes , primùm te consule ,
quænam

Mens tibi verborum format in ore sonos .
Donec sedetur feruor commotus ab intro ,
Nulla dabis linguæ verba loquenda tuæ .

Hæc nisi cautus agas, effundes plurima, tandem
Quæ tibi venturi causa doloris erunt .

Si nullus strepitat clamor sub corde, filebis ;
Sique quieta tuum pectus eremus habet .

Quæ facies animo fuerit , diuersus ab illa
Haud hominis poterit labra subire color.

Ad numeros factæ iusto moderamine mentes
Sobria de labris, siccaque verba dabunt .

Mens quibus à maculis, sermo turpatur ijsdem :
Quos habeat mores quilibet, ore docet .

Fer-

Fercula vefcenti, lectus fit fermo loquenti,
Haud vllus vanè miſſus in aſtra fluat.
Dente cibum minuis, cur non tua verba remor-
des?

Hæc animam, ſtomachum lædit at ille tuum.
Rarò cum reliquis, tecum verſare frequenter,
Plurima præ reliquis ipſe loquare tibi.
Poënituit doctos, perſæpe fuiſſe locutos,
Sed credo nunquam conticuiſſe, viros.
Quo meliore vigent pecudes phantaſmate, tanto
Noſcuntur ſtreperæ vocis habere minus.
Multa puer loquitur, mulierque per omnia
garrir,

Qui plus fronte pili, quàm rationis habent.
Eſt virtutis inops, nimiùm vitioque propinquus,
Qui loquitur verbum præter inane nihil.
Quiſquis amore Dei flagrat, propriæque ſalutis,
Huic Deus, & virtus colloquij ſcopus eſt.
Quæ mens clauſa tenet, profundit lingua fre-
quenter,

Nefcit amor mendum, tegmen & omne fugit.
Non tibi verba placet rebus miſcere ſupernis,
Immerſum vitijs te quia mundus habet.
Pauca legis, minimùm meditaris verba ſalutis,
Inde loqui cupidum deficit ore ſonus.
Lentior vt nunquam fons magnum flumen
inundat,

Sic e profluuio pectoris os loquitur.
Et licet integris non deſint verba diebus,
Sunt tamen hæc alijs pernicioſa nimis.
Taxatur ſtudio, mores, & vita propinqui,
Cenſores totidem ſunt, quot in vrbe viri.
In proprijs cæci reliquos ſcrutamur acuti,
Vix oculos vllus quærit habere domi.

Inge-

Ingerimus plenis ori conuitia valuis,
Laudibus at iustis rima nec vlla patet.
Quò magis hæc homines pestis peruatit ad
omnes,
Hoc magis, vt tu non inficiare, caue.
Seu tua, seu sint alterius secreta filebis
Munere quæ debes fortè tacere tuo.
Sæpius errantem vexat sententia mentem,
Prodidit arcanum garrula quando suum.
Pluribus, aut vni pateant secreta, perinde est;
Perfacile in cunctos sermo solutus abit.
Longius extensæ mira est dulcedo loquelæ,
Qua veluti vino mens tumultata iacet.
Propterea quamuis iuret, non abdita seruat
Verborum suavis quem tenet ebrietas.
Ille tibi, pariter fidei tu pignore sumpto
Illi secretum participare soles:
Tu premis arcanum, pandit fors omnibus alter,
Sic quasi nemo palam, clam sciet omnis
homo.
Linguam, secretas credes volitare per aures
Dum super arcanum fama sonora fluat.
Quidquid damnorum toto reperitur in orbe
Promouet hoc totum lingua, vel ipsa parit.
Verbis ergo tuis pondus fac, frænæque labris,
Nec profer, melius quod tacuisse foret.
Dignior est laudis, verbi qui temperat vsum,
Quàm qui pendendo parcior ære fuit.
Non nocet ille alijs fuluum qui prodigit aurum,
Ast sibi, verborum prodigus, atque alijs.
Proximus accedit superis, qui plurima captat
Auribus, ore parum fertque refertque suo.
Princeps, quem violare calybs formidat, & arcus,
Carpentis linguæ tela cruenta feret.

Quam

Quam censura probam refugit cōtingere vitam ,
Hanc os fatali vulnere conficiet .

Ipſamet excelsi proles sanctiſſima Patris

Dum fuit in terris vulnus ab ore tulit .

Huius ad exemplum mores componere diſce ,

Et placido vultu vulnere ab ore pati .

Te mala ſublimes ſtimulat virtutis ab arces

Lingua, nec e recto tramite abire finit .

Nullus, cenſurâ, vitio capitalior hoſtis :

Carpens, ſunt homini quæ fugienda, docet .

Qui plus rectorum, quàm curat verba malorum,

Atque tacet, nullum vulnus habere poteſt .

Quid nocet, aut prodeſt, de te quid ſentiat alter,

Quando animæ teſtis certior intus adeſt ?

Turpius an quidquam, ſultæ quàm plebis ab ore

Pendere, illius iudicioque regi ?

Quæ cuiſcunque placent frænum perſitte lo-
quendi ,

Non minus inde bonum te decet eſſe virum .

Haud aliter quàm ſi dicât ſmaragdus, & aurum,

Quidquid amat, referat ſuſpicioſus homo :

Quod fuimus ſemper ſtamus , ſmaragdus, &
aurum ;

Nec decet in varias nos abiſſe genas .

An quia fors nitidi fontis maledixeris vndis

Propterea dulces fundere ceſſât aquas ?

Sordibus iniectis vel ſi turbaris eaſdem ,

Protinus has , partes non iacit in varias ?

Sic minimè debes animi turbaré quietem ,

Quamvis contendant te lacerare mali .

Si quis rumores facilis mutatur ad omnes

Exiguo dignum ſemet honore facit .

Os Patris feriunt pueri, Matrisque capillos

Turbant, pectus edunt dilacerantque genas .

Sed

Sed quia qui faciunt nusquā contemnere norunt
 Non hæc opprobrij sunt reputata loco .
 Aduersus pueros quo Patres corde feruntur ,
 Hoc, male qui vellent, afficiâre, tibi .
 Si moueâre semel verbo fortasse maligni ,
 Hic tibi præ reliquis mox venerandus erit :
 Nam cuius iustò contemptus acerbius vrget ,
 Huius honor tantò gratior esse solet ;
 Hoc autem parui est animi vitiumque pauentis ,
 Qui nihil in vita prosperitatis habet .

CAPVT XII.

*De sensibus internis . Vsus opinionum .
 Bonis cogitationibus mens imbuenda .
 De coercendo appetitu sensitivo , eius-
 que prauis affectionibus . Variæ ad id
 præceptiones .*

I. **E**S sapiens si nulla tuæ hæret opinio
 menti ,
 Quam natura horret, mens quoq; recta vetat .
 Omnibus abiectis ergò phantasmata mentis ,
 Vt totidem laquei sunt fugienda tibi .
 Sustulit e viuis charam mors inuida prolem
 Non fuit hoc nostri posse, nec ergo malum .
 Hunc Pater hæredem patrijs exclusit ab agris
 Nec dedit ille ansam, non fuit ergo malum .
 Attamen ille tulit firmis incommoda neruis
 Hoc fuit arbitrij , proptereaque bonum .
 Carceris obscuras perductus amicus in vmbas,
 Quid tandem factum ? ductus in arcta fuit .

Ex te dixisti , miserum fortuna fefellit :

Tolle tuum, fuerint cuncta quieta magis .

Mentem ne falso vexent phantasmata sensu

Ad furibundorum sunt religanda modum .

Quæ velut indomitæ pecudes per cuncta feruntur ,

Garrula, læta nouis , nec moderanda satis ,
Hæc vt contineas studio curaueris omni ,

Non multis, vni fixa manere loco .

Ne decreta tui suspendat opinio cordis ,

Quod foris est tecum nil habuisse puta .

II. Quæ natura rei, substantia, finis honestas ,

An te concernat , subit & illa tibi ,

Limina dum pulsat, cordis , libramine verses :

Non aliter linquens cordis adire lares :

Vndique Numen adest arctos penetratque
recessus ,

Cuius ad aspectum cuncta reclusa patent ,
Ergo vidente Deo caueas , ne mente reuoluas

Ante probum pudeat quæ retulisse virum .

Sint placidæ, rectæ, mentis puræque figuræ ,

Quas alijs subito participare queas .

Pessima, vexabunt minimè phantasmata mētem,

Hanc meliora prius dum subijsse vident .

III. Nil animæ est adeo damnosū, sensus vt ille

Inferior, similem quem gerit illa feris .

Hic est profluuium cunctorum iuge malorum ;

Hostis, perpetuo quem vereare metu .

Hunc impugnabis donec rationis ad vsum

Imperiumque, humilis subdita colla ferat .

Otia, nulla quiesque datur, sunt prælia semper ;

Nam sine fine ferus bella inimicus agit .

Non procul hic à te est , tecto seruatur eodem,

Maior præ reliquis hostis es ipse tibi :

Non

Non acies, vt te, Xerxis vereare potentes ,
Millenis, plus est te superasse , viris .
Prorsus te prauos nolim conuellere motus ,
Sed tibi rectoris munus adesse velim .
Scito te magni partes complexisse Magistri ,
Dum retinere vagos ad tua iussa potes .
Qui veluti prauos, motus proscripserit omnes,
Hic malè censuram pessimus ipse tulit .
De se naturæ non est damnosa suppellex ,
Quæ dare nil frustra, Numinis instar, habet .
Qui tulit affectus, virtutes sustulit idem .
Absque fero victor quis pugil hoste fuit ?

IV. Difficilis nimium lucta est , certamen &
anceps

Prælia cognatus quando inimicus habet .
Affectu temere multos dominante per annos
Arbitrioque pari castra sequente gradu ;
Tandem subsequitur ratio, sua iura resumit ,
Motus aduersos ter generosa premit .
Prima quidem prauī faciunt certamina motus ,
Viribus humanis haud superanda tuis .
Ast attende tibi primis iactatus ab vndis ,
Mentis vt imperio te cohibere queas .
Surgentes facile est sub fumo extinguere flamm-
as ,

At semel excussas quis reuocare potest ?
Aduersos rectè casus prouisus ad omnes ,
Hostili nunquam concutiēre metu .
Postquam turmatim vonerunt damna, medelis
Serius est animum velle iuuare tuum .
Pauca loquaris, agasque decora, superflua tollas :
Hac animi turbas non patiēre viâ ,
Dicere rem minimam, nihilumq; referre cauebis,
Quæ fons virtutis principiumque fuit .

V. Proles infecto primi de semine Patris

Se, velut authumno pomifera arbor, habet .

In qua, vis proprij radicem fundat amoris,

Pronus agit truncum sensus ad omne malum.

Pro ramis turbæ subeunt, mentisque procellæ ,

Pro totidem folijs mos vitiosus adest ;

Sunt vice pomorum sermo, meditatio, & actus,

Quidquid & æterna Numina lege vetant .

Ne rami, folium, flores, fructusque redundant ,

Ultima radice percutienda fibra est .

Si tibi te tollens, proprios excindis amores ,

Hoc ictu penitus concidet omne malum .

Sed verò istud ages cum te de millibus vnum .

Nullius credes dotis, & ingenij :

Si non formidas sperni, Regumque fauores ,

Vel venâre tuæ commoda nulla domus,

Qui bene se felix odit seruatur in æuum ,

Qui male amat, nunquam non perit ille miser.

C A P V T XIII.

*De Amore . Quæ sit eius natura , quæ
causa , qui effectus . De eiusdem
remedijs . Addita quadam de
Odio .*

I. **E** St amor illa boni primæua impressio,
quali .

Mens cupida afficitur , dum bona nota placet .

Hoc veluti visco totus sibi adhæret in vnum .

Orbis, & e multis partibus vnus adest .

Quem

Quem caput affectum cordis truncando, cateruam
Omni quæ reliqua est in tua iura trahes .

Rectus amor repetit fontem, quo fluxit eundem,
Nescit amare malum cuius origo bonum .

Discute quæso tuos iusto discrimine mores

Observans illis quis dominatur amor .

Pectore propterea toto se Numen amandum .

Iussit, præter se ne quid amando colas .

II. Non tantum proprios bonitas persuadet a-
mores ,

Sed paritas morum, congruitasque trahit .

De foris ac quidquid vultum componit & artus,
Sollicitudo grauis, nobilitasque viri .

Præstans ingenium, multi doctrina laboris ,

Aut decoris reliquum quidquid inesse potest.

Quisquis amatur amanti reddat oportet amorē,

Est siquidem magnes mutui amoris amor .

Quidam naturâ proclivis habetur amanti ,

Qui tenui, calido, sanguine, corde viget .

III. Cerne precor magnum, quo pollet , robur
amoris ,

In rem transformat quam quis amavit amor .

Exit amans de se varias peregrinus in oras ,

Et vivit veluti mortuus ille foret .

Nil de se curat, rebus non providet ullis ,

Nullibi consistit res nisi amata velit .

Heu nimis infelix mundano mixtus amanti ,

Quem tenet abiecto Numine inanis amor !

Terrea amans in res nunquam transibit amatas,

Quæ finita animas haud satiare queunt .

Quisquis Numen amat, non in se, vivit in illo

Orbis cui domino vivit vterque suo .

Est violentus amor mortalis, ineptus, acerbus ,

At semper placidus Numini s esse solet .

Hunc zelus cruciat, non est sincerus & ille ,
Cui clausum tutè cor referare queas .
Solutus & vnus amet cupit iste , sed alter vt
omnes ;

Huic foris, at illi complacet esse domi .
Temet amans igitur supremum Numen amato
Nam quod ames, illi non, tibi proficiet .
Mortales variant, horas pereuntque per omnes ,
At, nisi qui voluit perdidit ille, Deum .

IV. Vt quem forsan amas vero secteris amore
Expers humanæ sit rationis amor .
Ingenio, genio minimè moueare iocoso ,
Moribus at sanctis & pierate viri .
Pernities virtutis, amor Platonius ille ,
Qui de forma, oculos, mentis ad astra leuat .
Visa semel species tangendi pulsat amore,
Noxius & perdit fluxus ab inde virum .
Idcirco melius pedibus quàm lumine labi ,
Namque pedum lapsu læderis , hocce peris .
Difficilis nimium res est dare pharmaca amoris,
Nam castigatus deprimit ille magis .
Ac nisi principijs obstes, sic intrat , vt ante
Quàm decreta tibi mens sit amoris, ames .
Detineant etiam quæ dant fastidia mentem ,
Dilectæ speciem disijciantque rei .
Præteritosque caue carnis reuocare fauores ;
Deciduo citius surgit amore nihil .
Sæua peste pudor multos sanauit ab ista .
Dum fieri cunctis se dolière iocos .
Profuit attentè reliquis disquirere damna ,
Milleque prolapsus quos amor ipse parit .
Ad superos demum flexisse iuuabit amo-
rem ,

Lucraque virtutum quæ sine fine manent .

Hac

Hac ratione malum, rectus, dispellat amorem,
Horreat & fœdis mens generosa capi.
Vt mala verba viri, pravi sic pestis amoris
Coriumpit mores commaculatque bonos.
Omnia nexu aliquo natura ligauit amoris,
Cunctaque perpetuo fœdere iuncta tenet.
Nescit stellarum cœlo, voluerumque cateruas,
Montibus innumeras agglomeratque feras.
Hos nisi sacratos, odium dirumpit amoris
Nexus; namque odium diuidit, vnit amor:
Ista magis rabies victo dominabitur illi,
Quem timor ignauus, suspicioque premit.
Est etiam quidam sic natus Matris ab aluo,
Oderit vt cunctos, inuidiâque grauet.
Qui quasi nocturni dirissima temporis ales
Umbras horrescit corporis ipse sui.
Taliter affectus si forte occurrerit, illum
Haud comitare odio, sed miseratus ama.
Qualiter in ludo placidus dimittis Achatem,
Omnibus in vita sic placuisse stude.
Compescet odium mores conuersus ad illos,
Quos bene compositos, despiciendus habet.
Simplex ille oculus rectus Rhadamanthus &
index,
Inuenit haud odio, plenus amore, locum.
Tandem si quod inest odium, sectare merentes;
Peccata, æternos supplicijque focos.
Nam secus acturus te perdis: iustus amare
Hostes, nullum non debet amare virum.
Exeat e mundo, superet Garamantas & Indos.
Multa odio inueniet pessima digna suo.
Te solum debes odisse ex omnibus vnum
Qui tibi præ reliquis ipse nocere soles.

Haud externarum mouere cupidine rerum ,
 Nam mundi citius præterit omne decus ,
 Atque tuo quamuis nil desit forte palato ,
 Omnia in extremis mors inimica rapit .
 Cerne quod intus habes , cordis scrutare me-
 dallas ,

Perpetui flumen prouenit inde boni .

II. Illa est antiquæ sapientia magna palestræ
 Aequantis semet prosperitate Dijs :

Parua quod humanæ virtutis limina cernens ,
 Se putet affectus præter habere nihil .

Quos sic prudenti mentis moderatur habenâ ,
 Taliter imperio substituitque suo :

Vt iactare Midæ sceptrum , plenasque cru-
 menas .

Ereptas ausit, cum ratione tamen.

Mundanas cupiens rerum contemnere pompas ,
 Tempore longæuo practicus illud aget .

Hanc qui doctrinam praxi didicere Magistra
 Haud, externa sibi non superesse, dolent .

Non secus ac dominus quod non Indosque
 Getasque

Dirigis Imperio, pœnituisse nequis .

Quæ sunt cunque foris comitantia corpus ut
 umbra ,

Illa puta tecum partis habere nihil .

III. Hoc nisi stricto animi frenâris vota capistro,
 Non explebuntur, plus sine fine petent .

Ac licet innumero rerum ditâris aceruo
 Plus irritatis surget ab inde sitis .

Cuius ab ardenti venter succenditur æstu
 Non sinit, ægrotat, nec satiatur aquâ :

Taliter est illi qui non ratione retentat
 Affectus, cuius limina certa manent ;

Mors, labor exilium, despectus, morbus,
egestus,

Quidquid & orbis habet quod tua sceptrā
fugit,

Haud mala sunt; celeri minimeq; cauenda volatu.

Rebus in extremis nec numeranda tuis.

Hæc igitur nunquam fugies, venientibus ultro

Occurres, placidis excipiesque genis.

Talia nam Socrates apto vocitare figuras

Nomine larvatas, pictaque monstra solet.

Nam veluti larvæ pueros formidine terrent,

Quæis præter speciem non timor ullus inest.

Accidit hoc rebus quas tu velamine tectas,

Et non sub vera conditione vides.

Pallida quid mors est? larvæ monstrosa figura:

Pluribus idcirco mellis ad instar erat.

Ergo quid est in morte pavendū? mortis imago:

Non est mors, mortis sed timor horribilis.

Corripe fallentem iusto moderamine mentem,

Crimina vitabis, prætereaque nihil.

C A P V T X V.

De Gaudio, & tristitia. Qualiter vir bonus gaudere debeat. Non tristatur qui omnia prævidet. Varia doloris antidota.

I S Ic sua plaudentis dimittes gaudia cordis.
Ne superent fines immoderata suos.

Sed laxata tuo liceat restringere voto

Læti fræna animi, mæstitiamque sequi.

Quamuis monstra , bono , surgant millena ma-
lorum ,

Accipit ille nihil victor ab inde mali ;

Fert aduersa velut normam virtutis amatae ,

Et quæ rectè animam ducit ad astra viam .

Oh faustum pietate virum ! miserandus haberi ,

Monstrarique potest ; sed miser esse nequit .

III. Quæ fieri possunt, veluti iam facta teneto ;

Sic præuisa minus tela nocere solent .

Prospera qui semper securæ pacis amator

Exspectat, venient huic grauiora mala ;

Nam quæ mortales exfugunt damna medullas ,

Haud expectantis nescia corda premunt .

Aduersans quid si rerum fortuna tuarum

Dimidium, quid si quidquid habes tulerit ?

Quid si testæ ruant, segetes cinerentur ab igne ,

Prorsus & à notis desereâre tuis ?

Quid si recta nigro maculetur fama colore ,

Innocuusque gradu deijciare tuo ?

Flamma , catena , ruinæ , infamia, morbus , e-
gestas ,

Haud subitis veniunt casibus ista sopho.

Ac veluti doctus surgentes Nauita ventos ,

Sic ventura à longè prospicit ille mala ;

Quemque diu minuunt alij patiendo dolorem

Ille sibi reddit præmeditando leuem .

Nam quæ fata ferunt vni , contingere cuiuis ,

Secreto penitus nemine, damna queunt .

Quas precor auratas pædolos voluit arenas ,

Cui non terga fames, pauperiesque premat ?

Quem non absurdæ sordes comitantur hono-
re ?

Quod regnum impavidum non timet exci-
dium ?

An

Pluribus eueniunt nullo teleranda dolore .

Est nisi mentis opus talibus ergo premi .

Quid tibi blandiris , vel quæ mendacia fingis?

Qui vult omne sibi temperat ille malum.

Diros impatiens noli cumulare dolores ;

Tam miser est omnis, quàm volet esse miser.

V. Omne genus morbi tandē decrescit, & omnis,

Sit licet immodicus, tempore mœror abit.

Expectare diem , lachrymæ qua currere cessent,

Aut iuuat vndantes tergere sponte genas ?

Quod tandem longi factura est temporis ætas.

Cur non consilijs hoc facis ipse tuis ?

Quamuis mæstitiam clauso sub pectore serues ,

Erumpit vigili progredituræ foras .

Omnibus in rebus citius nil tædia cordis,

Quàm dolor immodicus tristitiæque dabunt.

Tempore, quæ primo capient solamen amici ,

Postea despectus inueterata ferent.

Quod si damna dolor reparat surgentis Eoi

Tempus & occidui transeat in lachrymis.

Quod si non remouent fletus aduersa , leuantur,

Disce modum lachrymis ponere, disce tibi.

Turpis Naclerus clauum cui fustulit vnda,

Velaque qui ventis naufragabunda dedit.

Naufragus at medijs meritò laudabitur vndis ,

Quem mare luctantem fluctibus, hausit aquis.

CAPVT XVI.

*De Spe, & Desperatione. Quomodo
utramque moderari oporteat.*

I. **S**pes hominis vana est, fallax, phantasma
diurnum,
Cui summus non est vltima meta Deus.
Anxius in multos cur sic extenderis annos,
Vt spe venturæ conficiare rei?
Terrea sperne, nihil cupies, lætabit inanis
Spesque nihil: nulli sponte reiecta placent:
Firma licet te spes nunquam fortasse fefellit,
Et sit perfacili conficienda modo:
Donec te quædam stimulat fiducia rerum,
Anceps semper eris sollicitusque tui,
Vt calcare fugis prærupta cacumina montis,
Sic sperare, tibi pernicioſa caue.
Omnis ab inde miser, quod non sperata vidisset,
Finem pro votis obtinuisse ſuis.
Sæpè moneto tuam, quæcunque forinſeca, mentē,
Non aliter videat, quàm peritura citò.
Cur te ſeducis? vitales ſuſus in auras
Vt certò incertus, qua moriære die.
Nulla dies agitur promiſſis nixa ſupernis,
Hora nec vlla tibi non dubitata fluit.
Improba mors celeri ſequitur calcanea paſſu,
Quotque facis vitæ, tot rapit illa gradus.
Quicquid habes mutuò cælis reddenda tulisti,
Uſum conceſſit, tempora Numen habet.
Cuius ad arbitrium referes conceſſa ſilenter
Debitor eſt, ſoluit qui querulando, malus.

Ergo

Ergo sperandum nihil est sub sole, sed illa
 De summo vera est, spesque tenenda bono.
 Paruanimum, pigrum facile est diffidere inertem,
 Et qui se paruis viribus esse putat .
 Surgit ab exemplis animus generosior illis ,
 Sæpius his passos qui grauiora vident.
 Incipe magnanimus, lentum depelle teporem,
 Conantes cæli Numen ab axe iuuat .
 Falsior à rebus decedat opinio agendis
 Ibunt in faciles ardua visa modos.
 Quid tibi cunque tulit fortuna aduersa sinistrū,
 Statutum æternis legibus illud erat.
 Accidit idque tuis tolerandi viribus aptum,
 Aut secus ? vtrius accomodare modo .
 Nam si ferre potes, finem dabis ipse dolori ;
 Si nequis, ille sui finis eritque tui.
 Quem sufferre potest natura humana dolorem
 Est leuis, atque breuis, quem tolerare nequit.
 Sæua licet meminisse iuuat tormenta frequenter,
 Reddere quod valeas ipse ferenda tibi,
 Congrua si penses cælo submissa probante:
 Nam mala, virtutem, quæ nocuere, docent.

C A P V T X V I I.

De timore, quam vanus sit. Et qua ratione vincatur. De vitanda audacia.

Quædam iterum de ira .

I. **M**axima pars hominum , nunquam fors
 damna futura .
 Formidat, fictis multiplicatque malis .

In-

Inuenit haud tantas pœnas mœns sœua Tyranni,
Quot sibi venturi sollicituq; parit.

Hæc, bona sufferri vario præsentiâ casu,

Et mala ne veniant forte futura, timet.

Plurima damna grauât hominē quē sēpē deessent.

Si formido parens gignere desineret.

Quid iuuat ante mali tempus, mœroribus angi,

Et miserum esse prius quam miser esse queas,

Non est prudentis quamprimum credere dictis,

Atque umbras, veluti monstra, pauere leues.

Sæpius ambiguum fallaci indagine verbum

In peiora miser significata trahis.

Principis offensam, maiorem mole Gigantis,

Qua vix formicæ corpus adæquet, habes.

Haudq; tenes auimo mentem, sed posse potentis;

Cuius non iram, sed diadema paues.

Talia, sunt vani vanissima spectra timoris

Perturbant animam propterea que magis.

Omne quod incertū est pauidi iactatur ab vnda

Pectoris, at placido flumine vera fluunt.

Expectare, patie aduersa periunde, dolori

Non nisi quodmodus est, sed timor absq; modo

Namque doles quantum nosti venisse malorum,

Sed casus omnes, cunctaque damna times.

Pellere vis omnem prorsus de corde pauorem?

II. Quæ ventura times iam tibi adesse puta.

Illaque pertractans tacito sub pectore tecum

Immodicum taxes, qui premit, inde metum.

Difces hinc certò, fieri phantasmate magnum

Haud ipsis rebus, quod fugis omne malum.

Durius anne tibi possit contingere damnum

Quam pulsum patrij linquere chara soli?

Amplius anne tuis quidquam vereare lacertis

Quam ne flamma vrat, dispereantque rogo?

Quæ-

Quælibet hæc, iusta mentis sartagine versa
Atque metus veri discute lance tuos .
Plures inuenias fidei quoque lumine cassos
Talia tranquillo corde tulisse viros .
In medio Stephanus lapidum torrente precatur,
Alter iucundo suscipit ore focos .
Proruit in flammæ vitæ uirgo uoraces
Cui proprium doctus nomen Apollo dedit
Quid metuis rapidos ignes? turbamq; frementem
Formidas Dæcij, carnificumque manus ?
Mors his testæ latet pompis, quæ sæpè puellis;
Ac pueris læto lumine visa fuit.
Detrahe personam rebus, variumque tumultum;
Quas natura dedit cuilibet adde genas .
Inuenies præter vanos habuisse timores ,
Quæ metuenda forent, vel fugienda, nihil.
Cum quibus assuetus tractat ludicra puellus,
Et tenero reliquis stringit amore magis:
Schemmate laruato vultus si cernat amicos ,
Non secus ac Erebi monstra tremenda fugit.
Grandibus hocce solet pueris contingere nobis,
Quos vexat terror panicus, umbra, nihil.
Adduc priuatis animum ad communia causis
III. Dic mortale tuum quod geris esse caput.
Pluribus & morbis, diræ, mortique propinquum,
Cui mala iam pridem mille venire scias.
Quid nunc ergo times? ægrum mox lectus habebit?
Sternitur vnde caro, surgit ab inde anima.
Pauperiem passus duro subigere labori ?
Hinc, tranquilla magis vita futura tibi est .
Curatas perdes pactoli diues arenas ?
Multas tunc curas , daunaque mille simul.
Fama sinistra nigro maculabit puluere nomen?
Hinc detractori claudere labra scies .

Turpem speratis rebus patiêre repulsam ?

Nec Rex ipse quidem quod cupit omne tenet.

Dulci de patria Schyticas pelleris ad oras ?

Spontè illud facies, & peregrinus eris.

Haud cernes Solis fulgorem lumine cæcus ?

Claudes illecebris hac ratione viam.

Ast mala forte bonū nomen tibi lingua leuabit ?

Pro meritis faciet, quod solet illud ager .

Heu citius vitæ præscindunt fila sorores ?

Sumpſisti hac primam conditione diem .

Sed patrijs longe positus morieris ab oris ?

Vrbs , cui nulla manens est patria omnis hu-
mus

Floridus in media fato rapiere iuuenta ?

Ante diem solui carcere nemo dolet.

Mors, lachrymæ, exilium non sunt tormenta ve-
renda ;

Sed fragilis vitæ debita pensa neci ,

Quæ vitare nequis, velis, remisque cauere

Defectus cerebri, stultitiæque nota est.

IV. Audaces animi motus perstringe ferocis ,

Nilque tuis maius viritus aggredere .

Nemo rei citius succumbit pondere pressus,

Quàm qui præfidens omnia posse putat.

Cælitus auxilium si non tibi Numina mittant ,

Posse tuum nihil est, velle nec inuenies .

Virtuti propriæ fidit temerarius omnis,

Spernit, & ingenio præcipitante alios.

Plus metuit prudens vires dimensus ad urnam:

Tentat quid valeant, quid nequeantque pati.


Quàm prius, audaces passi grauiora deinceps .

Primo torpescunt deficiuntque gradu .

Tandem, sed ferò quàm sit sententia noscunt

Deceptrix hominis, vanaque iudicia.

Casibus infauftis præludia certa ministrat
Securus nimium quisquis agenda facit.
Non tibi crudelis dominabitur ira, putatæ
Si iacis offensæ vulnera corde tuo.
Tu tibi flagitijs calcar, præbesque ducatum,
Omnibus esque malis tu faber ipse tuis.
Turbati causas animi cur quæris ab extra,
Omnis quando mali tu tibi causa domi es?
Quo Nutrix pueri lachrymas deficcet ocellis,
Si non ploraris quæ petis accipies:
Rectius ipse tibi verbum cantaueris illud,
Iratus rabiem dum vomis ore grauem.
Irasci, strepituque vrgere negotia noli,
Ad votum melius perficienda fluent.
Sic certis iram statuas frænare diebus,
Iratus placida ne statione cadas.
Tandem de paucis mensem compone diebus
Traductum strepera quem sine bile velis.
Tempus erit rabidæ quo sic dominaberis iræ
Vt toleres blandis quæque molesta genis.
Nulli adeo placidæ iucunda modestia vitæ est,
Ingenio quam qui minor ipse fuit.
His tranquilla bonis hominum præcordia turgent
Palmas illa legunt, festa que semper agunt.



CAPVT XVIII.

De potentijs animæ rationalis, continendus intellectus à curiositate . Cui potissimum scientiæ incumbendum . Quam malum sit aliorum mores disquirere . Aliorum iudicia spernenda . De voluntatis abnegatione .

- I. **E**st data noscendi Nomen tibi plena facultas,
 Vt notum affectu prosequerere pari :
 Ast vno primi bis crimine læsa Parentis
 Nescia cæcurit mille pericla subit .
 Sæpius ignarum veri te notio fallit ,
 Quæ fugienda forent quæque sequenda tibi .
 Qualiter ergo graui sæuæ concussa pauore
 Pestis, & hostili mænia cincta manu:
 Aduertunt vigiles ne quis non cognitus arte
 Furtiua penetret, damnaque nota ferat .
 Sic tu, quin vigilans curis maioribus esto,
 Ne pateat rebus mens referata malis .
 Sensus enim rerum species obiectaque portat,
 Hæc , mens admittit, iudicioque refert .
 Istud ad extremum seruanti sceptræ volendi
 Insinuat, cuius cedit & imperio .
 Sed sensus bona mixta malis obiecta reportat ,
 Mens sibi pro placitis ista vel illa legit .
- II. Ante perire velut gustans aconita, saporem
 Quam bene gustatum sentiat ille solet .
 Sic prius intereunt, qui se maiora sequuntur ,
 Noscere quam possint quæ voluere nimis .
- Pro-

Proximat ignaris passim qui plurima nouit
Quæ non utilitas non sequiturque decus.
Qui cupit esse probè sapiens haud ludicra discit
Sed quæ formandis moribus apta videt.
Stellarum varias gaudes cognoscere vires ?
Quid iuuat ignarum quam miser esse soles ?
Niteris ornatè promptas depromere voces ?
Congruit, & prodest, nosse tacere magis.
Forte nouos orbis rumores scire peroptas ?
Nil magis est temet quàm renouare, nouum.
Sæpe iuuat fratris leuiore plectere culpas ?
Cur non prægnantes corripis ipse tuas ?
Vt noscas mores, veterum monumenta reuoluis ?
Sat bene; si qua tibi sunt facienda facis.
Delectat varias hominum componere lites ?
Pectoris & cur non bella cruenta tui ?
Quærere siste, tibi quæcunque superflua cernis,
Inuenies facilis quidquid habebis opus.
Hæc discenda venit præcunctis lectio rebus,
Exsuperare alios ut probitate queas .
Quid te quæsis torques frangisq; frequenter,
III Contempsisse magis cum foret ista bonum.
Continuis ut quid studijs haurire laboras,
Quæ tibi si scires obliteranda forent ?
Qualiter in multis vexat nos vana cupido,
Taliter in studijs non satianda fames .
Splendent innumeris instructa palatia libris ,
Quos spectare magis, voluere quam valeas.
Quamuis Matusalem vitæ transegeris annos
Librorum titulos vix numerare potes .
In quibus inuenias multos qui ludicra tractant ,
Lectorique nimis perniciosâ suo.
Vana tenent alij, nec rectis moribus apta,
Quos ubi legisti plus, nihil inde scies.

Queis

Queis tibi præ foribus concessum ferre salutem.

Ne quod in his magnum delituisse putes.
Sed parcè insiltes, tantùm selectaque tanges ;

Efficiet mentem littera pauca bonam.

IV. Oh vanas vani similes borealibus auris

Expressas species mentis, & acta viri !

Insudat libris, demens sibi demit amicum

Nocturni somnum temporis , & requiem.

Sicque per innumeras doctrinæ excurritur artes,

Multa velut certum viuere sæcla foret.

Ast vitæ nunquam pereuntis, cura, tepescit :

Quam non ars, virtus comparat vna sibi.

Quid veterum prodest inquirere facta virorum,

Et varias populi quas subiere vices ?

An tua, quæ pateris, melius restringere non sit,

Quàm mala vicini significare tui ?

Te Geometra docet fundos, turreſque præaltas

Metiri, oh doceat, quæ tibi sufficiant !

Computat auratas pactoli ars altera arenas,

Et digitos turpi format auaritiæ.

Oh doceat potius læto contemnere vultu ,

Quæ tanto studio connumerare solet .

Qualiter inter se iungat concordia voces ,

Vt rapiat dulces auris ab inde sonos,

Musica demonstrat : melius factura cauendo ,

Vt male non sensus cum ratione sonet.

Illa etiam tristi pectus substernere læſſo .

Instruit, & lætis corda mouere tonis .

Oh si felici risum moderetur ineptum

Tempore, & aduerso, tempe: et à lachrymis.

Non est dictarum damnanda peritia rerum,

Sed satis hæc alias, vtiliterque scies ;

Posteaquam quis sis temet cognoueris ipsum

Et quæ migrantem postera fata manent.

Prorsus

Prorsus nil nosti, quamuis tibi cuncta pateſcant ,
Si fueris vitæ nescius ipſe tuæ .

V. Eſt ſcelus infandum vicini inquirere mores ,
Lumine, & attento facta notare viri .

Quidquid agit, loquitur, tetro ſignare lapillo,
Et temerè in ſenſus vertere cuncta ſuos.

Qualiter alterius pereat te iudice ſeruus ?
Stat domino ſemper, vel cadit ille ſuo .

Qui ſibi iudicium ſeruauit iudicat omnes :
Audes diuinum fors violare thronum ?

Pectoris ipſe tui latebras indagine verſes ,
Hinc bona abeſſe notes, hic mala adeſſe fleas .

Tanta ſeges de te ſurgit reſecanda malorum ,
Cui tua tollendæ falx ſatis eſſe nequit .

Fit bene nil adeo, quod non calumnia vexet,
Carpitur ipſa etiam pagina ſacra malis .

Qualiter humoris vertunt ſibi mæſta maligni
In bilem atratam corpora quidquid edant :

Sic male diſpoſitum pectus, quæ cernit, & audit
Peſſimus interpres in mala mille trahit .

Quidquid agant homines intètio iudicat omnes,
Quæ, res ſæpe bonas reddit & illa malas .

Hanc niſi ſupremus celfi Moderator Olympi
Noſcit, cui ſoli peſtoris ima patent .

Quod ſi nulla poteſt ratio defendere factum ,
Quid precor hoc ad te ? ſit tibi cura tui.

Non te ſœda pudet denſis reuocare tenebris ,
Omniſbus, & clara publica ferre die ?

Cur non eſt morum maior tibi cura tuorum,
Vita qui vincis deteriore malos ?

Ipſe tibi maledic, de te ipſo detrahe tecum ,
Accuſes vitam, diſcutiasque tuam .

Nam facile igniuomas vitabis Numinis iras,
Durior ipſe tibi ſi Rhadamanthus eris .

VI. Vt sumus alterius signandis moribus acres,
 Quærimus & magnum nomen ab inde Sophi;
 Sic male de nobis alium sentire putamus,
 A quo mens temni suspiciosa timet.

Quod scelus vt pellas, priuāda cupidine mens est,
 Quā nimis externis quisque placere cupit.
 Tum caueas, ne te stimulet prurigo sciendi
 Quis reliquis sensus iudiciumque tui:
 Sæpe tui siquidem speciem nec mente reuoluit,
 Spargere quem de te pessima verba putas.
 Non sim Discipulus, dic Pauli verba secutus,
 Christi, si mundo forte placere velim.
 Dic, mihi pro minimo est hominum subiisse
 tribunal,

Iudiciumque viri sustinuisse graue.
 Talis es omnino qualem te cernit Olympus,
 Nec malus, è verbis, nec bonus efficeris.
 Esse bonum melius, quam talem forte videri;
 Sol idem, quamuis nube tegatur, erit.
 VII. Si tua spreta tibi, fuerit commissā vo-
 luntas

Supremo sapiens qui regit omne Deo:
 Nulla tuæ quatient mentis contraria pacem,
 Omnia pro votis euenientque tuis.
 Velle tuo viues doctus quid velle necessum est,
 Velle tuo semper velle sequente Dei.
 Huius hic est vitæ status felicior vnus,
 Sic res velle, Deus qualiter ipse volet.
 Quas æterna tibi monstrat sapientia rectas
 Ducit ad has eadem suavis & aspra vias.
 Impiger æternæ dictamina legis obaudi.
 Sponteque fidereo subijce colla iugo.
 Nam licet obsistat prauus, tamen illa sequeris.
 Hunc ducunt, alium Numina sæpe trahunt.

CAPVT XIX.

*De statu proficientium . Varia profectus
adiumenta , temporis æstimatio , &
usus . Dei præsentia necessaria .*

I. **S**I cupis esse bonus primùm te credito
prauum .

Deposito nunquam proficies animo .

Qualiter infirmus sani delusus ab vmbra ,
Quique manum medicam negligit , æger
erit .

Sic sua cui placeat, non tendet ad ardua, virtus ,
Nolens profectum deficietque magis .

Ergo bonis auibis cepris conatibus insta ,
Quoque potes celeri progrediâre pede ,
Correctum citius possis vt pectus habere ,
Delitijs animi compositique frui .

II. Est proba translati in melius, si crimina
cernas

Posthac, ignarum quæ latuère prius .

Si tibi displiceant mundi peritura dolosi ,

Viueret si soli complaceasque tibi ;

Si quid perfectum est cernens curaueris illud ,
Si spernas sensus iudiciumque viri .

Insuper auxilium præbebit ad ardua , Christi
Passio condignis præmeditata modis .

Ipse liber vitæ est, solus quasi diuite penu
Omne salutiferum bibliotheca tenens ;

Hic, licet intereant omnes Autorque, liberque
Inuenies quidquid dogma salutis habet.

Sed nec scire fatis, nec mente reuoluere Christū,
Ni fueris vitæ pagina viua suæ .

Praua manent eadem, minimè variantq; figuram,
Si non mensuræ sint sociata suæ .

III. Dixit præclare quicumque hoc dixerit, ille,
Planas virtuti composuitque vias .

Omnis profectum cupiens sic viuat vt æger
Perpetuas curas adijciatque sui .

Nam veniunt cunctis permulta notanda diebus,
Quæ virtuti obstant, conciliantque moram .

Nimirum mundi quando sectaris amorem,
Non Numen, sed te, quæque creauit amas ;

Taliter & fluxis rebus propensus inhæres ,
Vt malè, sublatas impatiensque feras ,

Quæris & immodicis quando tua cōmoda curis,
Fercla, merum, varias corporis illecebras .

Cum caput, & totos mergis pereuntibus artus,
Velle tuum sequeris, iudiciumque tenax :

Dum fugis internos cœlo dictante fauores,
Nec captare Dei verba loquentis amas .

Impedimenta tuis faciunt progressibus ista ,
Virtutis certam præpediuntque viam ;

Hæc bene vt ammou eas oculo vigilabis vtroq;
Aggrediêre viri fortis & instar opus .

Quod facis, hoc animam sumât virtutis ab igne,
Perfectum finem quo referatur habens .

Sicque operi incumbas, vt sit par notio mentis ,
In nullo penitus, dissimilisque rei .

Nemo est perfectus factorum diues aceruo ;
Si bene, sanctus erit, quotidiana facit .

Non sunt in nostris laudum præconia factis,
Sed modus est laudi quo fuit acta, rei .

IV. Sol volat, & propero festinant tempora lapsu,
Præteritumque tibi reddere nemo potest .

Vivus non vivis, vitam victurus anhelas,
Vitâ in cras semper respiciente tua.
Sic tibi vita fugit vitæ instrumenta paranti,
Quam rapit incerto mors inimica die.
Qualiter immixto socij sermone viator,
Absque quod aduertat quo properabat abit:
Taliter assiduum vitæ quod nocte dieque
Continuo peragis dissimilique gradu,
Dum vario insudas distractus in Orbe labori
Non prius, extremo fine, videbis iter.
Ergo, quid expectas, cessas, quid & otia quæris?
Aurea temporibus pondera pone tuis.
Vna dies, quin sit gemmis tibi charior hora,
Cuius iacturam reddere nemo potest.
Haud vlli pateris fieri tua prædia prædam,
Litem pro patrijs limitibusque moves;
Tempus & ætatem rapiat quicumque tacendo
Permittis, furem persequerisque nihil.
Fusus in hoc solo, cuius non damnat honesta,
Sed magis ad superos tollit avaritia.
Perge licet, vitæ menses numerando, vel annos,
Defectum numeri quem numeraris habent.
Quid non his rapuit somnus, comestio, lites,
Vani discursus, turbaque amica tibi?
Cum nihil, aut aliud faceres, quæ tempora lapsa?
Et sine quæ sensu præteriêre tuo?
Tunc tibi quàm fuerit nosces exile relictum
Dices te citius, tempus & ante mori.
De malè transactis persæpe querêre diebus
Deflens irriguis damna secuta genis.
Cur non conaris præsens expendere tempus,
Expendi ut melius vix potuisse putes?
Præsens vna dies multis distincta minutis
Vno fiat semper, præcipitatque gradu.

Præteritum non est, quandoque futura nec illa,
 Instans est præsens, prætereaque nihil.

Sic hominis vita instanti concluditur vno,

Quo magis inconstans, quo breuiusque nihil
 Ergo tuum est hodie solum: cur perdis ineptè?

Et cras, quod non est, quæris habere, tuum?

Obice sæpe graui turbat dilatio vitam,

Cras serum fuerit viuere, viue hodie.

V. Semper mente Deum, verbis, & respice factis,

Omnibus exclusis finis hic esto tuus.

Illius vna tibi solum sectanda voluntas,

Qui benè cuncta, nihil qui male velle potest.

Tranite de recto, non deuiat ille Viator,

Qui sibi Ductorem Numen ab axe legit.

Sunt tua felici fluxura negotia cursu.

Omnia diuinum si regat acta decus:

Cunctaque sic facias veluti si spectet ab alto

Ipse Deus, rectum cui nihil esse potest.

Omnia sustentat, cunctis hic prouidet vnus,

Cuius ab obtutu nullus abesse potest.

Ille etenim non verba modo, non facta notata,

Intima sed verò cognita cordis habet.

Limina quando seras densis obducta tenebris

Credens, te solum, falleris, esse domi.

Qui secreta tibi debet tua reddere sancta

Tecum est, excludi nec valet ille loco.

Vivimus ipsius vitæ, motuque mouemur,

Ipso, quodque sumus, nos faciente, sumus.

Hoc coram vadas, epulare, negotia tractes,

Cunctaque ad hunc vitæ tempora verte ruæ.

Fac meritò dulces in te defigat ocellos,

Insper vt tales permaneantque vide.

Iudicis ante oculos facias dum cuncta videntis

Est nimis, vt vitæ sis probioris, opus.

Vi-

Viuerē sic cures veluti sub climāte cœli ,
 Tu nisi, & ipse Deus, non foret alter homo .
 Quidquid amat de te disponat prouidus ille ,
 Suscipias lætis prospera, & asprâ genis .
 Quære Deum, quâcunque viâ venturus ad ipsum
 Nil curans, certò dummodo peruenias .

CAPVT XX.

De bono solitudinis . Fugienda malorum societas . Mundi vitia quot , & quæ sint . Studium proficientis acquisitio virtutum . Signa quedam obtentæ virtutis .

I. **C**ompositæ mentis prauisque affectibus orbæ ,
 Certior est secum sistere possẽ, nota .
 Nam Deus vt felix se solo viuit & vno ,
 Perpetuas in se continuatque moras :
 Sic habitare sciens tecum, semperque manere ,
 Diuinæ sortem prosperitatis ages .
 Quin tibi perpetuum placeat si fœdus habere
 Cum Christo, nunquam solus & vnus eris .
 Quod si pruritu grandi stimulẽre loquendi,
 Tecum, sed caueas, forte loquãre , malo .
 Si vis, quid tecum possis conferre loquendo
 Noscere ? doctrinâ plurima disce breui ,
 Id facias, alijs quod præstas ipse libenter
 Dic tibi, dic de te quæ mala cunque potes ;
 Profer in examen mores, & plecte nefandos ,
 Condignum quidquid supplicioque putas :

Non dêrit cui danda malum curatio quoddam;
 . Deficit in tantis mens miseranda malis?

Otia te muros inter sanctissima claudant ,
 Otia tu pariter conde, reconde tua .

Priuatâ si quis de vita capiat honores ,
 Hic bene de nihilo iactat inane decus .

Corpore dum solus vasta quasi viuis eremo
 Fac animam teneat non minus illa tuam .

Vt iucunda polo, summo gratissima Regi ,
 Vtilis illa tibi, sitque decora Deo .

Côrporis, & vanos mentis dispelle labores ,
 Rebus inutilibus, subtrahere teque viris .

Haud tenere vllis victus vinctusque creatis ,
 Quorum signa tuo corde nec ipsa feras .

Projice sollicito perituras pectore curas ,
 Et species capitis, monstra tremenda, tui :

Atque tuis solùm tacita sub mentis eremo
 Solers inuigila rebus, & æthereis .

Cor tacitum, & pauper, vanique obliuio mundi,
 Sinceram requiem mentis habere solent

Huc fugias, huc attendas, hic teque recondas,
 Omnia tunc, quando cuncta relinquis, habes.

II. Si vis esse bonus consortia sperne malorum .
 Moribus innocuis nil mage plebe nocet.

Atque tibi quamuis leges, decretaque ponas ,
 Moribus haud saluis recta relicta petes .

Debile cor, minimèque tenax virtutis amandæ,
 Non satis est mundi consiliando malis ;

Quæ veniunt, grandi quatunt moliminiæ mentē,
 Assultuque graui quâ data porta ruunt .

Inde fit vt nequeat tantis obsistere telis ,
 Deuictas vitijs attribuatque manus .

Mollior enervat pectus conuictor amici ,
 Nummorumque sitim prouocat vnda tagi .

Vnius

Vnius exemplo facile est perijsse scelesti,

Seu sit auaritiæ, luxuriæue datus .

Praua docent Patres, serui, laterumque sodales ,

Cingunt humanum damnaque mille caput .

Vt primùm tenues luci prodimus in auras,

Est vita , est studijs mens quoque praua suis .

Qui non commendat, suadet, non allinit vlli

Crimina, vix aliquem latior orbis habet .

Suauius vnde fori fugiens commercia , muros

Inter priuatæ contineare domus .

Illic cuncta serena tibi , tranquillaque cuncta ,

Et placidi current, & sine nube dies .

Fortuitò veniens quidam te fortè vocabit

Vt secum testis egrediare tuis .

Quem pede ductorem prono comitaris euntem,

Pluribus adiunctis sitque corona viris .

Turba deinde venit tantis excessibus errans ,

Fessimus vt redeas, qui bonus exieras :

Quæ tamè haud miseri cognoscis vulnera cordis

Sacra nisi dum te rursus eremus habet .

In te igitur quantum poteris secede, cauendo

Ne vastet mentem plebs vitiosa tuam .

Lærior est animus per pauca negotia tractus :

Pluribus oppressus multa molestus agit .

III. Tantisper celsi montis te vertice stantem

Crede, soli miseras hincque videre genas ,

Fastidire solum disces doctissimus inde ,

Abdere in abstrusæ te latebrisque domus .

Quomodo latro vias, cernes, concludit apertas ,

Obsidet & pelagi Prædo scelestus aquas :

Arma cruenta fremūt, colliditur ensis ad ensen,

Sanguine ab humano picta madescit humus,

Abruptisque quibus vitium retinetur habenis

Vndique sceptræ tenet prædominante manu ;

Cypriidis occultum subiens penetrabile, videbis
Hic fieri Authori non placitura suo .
Inuenies adeo non digna, minusque decora ,
Stultitiæ ut nemo non putet esse notas ,
Quos nisi ab inuerso defendit turba cerebro
Dum nemo in paribus mentis habetur inops .
Legis in ipsius patratum viscere crimen ,
Nec probitas tuta est sede patrocini .
Dant veniam coruis , vexat censura columbas ,
Et veniæ maius crimine crimen habent .
Audaces iterata facit transgressio legum ,
Quod redimique potest nemo patrare timer .
Lingua nimis veluti fel est carpentis amara ,
Laudantis verò subdola labra viri .
Officio mitem mendax hinc fallit amicum ,
Sæuit trux odijs hostis ab inde feris .
Pars madet à vinis , eneruant otia quosdam ,
Hos auri retinet non satianda fames .
Illos consumit sperati ambitus honoris ,
Præcipites alios cyprius ardor agit .
Cerne forum variæ quod turget ab agmine
Plebis ,
Quot numeras homines crimina tanta legis .
Qualiter in tantis tutò consistere passu ,
Pascere te sano consilioque potes ,
Quando hæc surgentis , cæloque attoller
vultum
Conantis reprimunt pondere ad ima graui .
Agmen ubi scelerum virtutis regna triumphant
Sanctius ut viuat hoc opus, hic labor est .
Nam licet excelsi montis fundatus ad instar
Mutari nequeas ; impedire tamen .
Vna est hæc placidæ felix malatia vitæ
Securè tantis terga dedisse malis ,

Atque tenere locum minimè turbandus eodem ,
Vnde luem mundi cernere mundus habes.
Quod vicit mundum non est superabile pectus ,
Seque, vacans sibi met, vendicat arte sua .
Huic velut est carcer tractus spatiosior orbis ,
Amplior ast cæli cellula visa locus .
IV. Nil prodest homines arcto vitasse recessu,
Et muros inter se tumulasse domus:
Ni cogas animum magnis intendere curis ,
Vt sibi virtutes comparet ille sacras .
Defint virtutes homini , bona nulla supersunt,
Nulla est prosperitas, pectore nulla quies .
Sunt tria quæ mutuis iunguntur in orbe catenis ,
Non tria sunt vnus quin Deus ista tria .
Lux, Deus, & virtus : lux, virtus intima cordis,
Progenies summi quâ sumus alma Patris .
Si cupis optatum virtutis scandere culmen
Lux hæc purgato corde petenda tibi est .
Nam virtus magna est rerum perfectio, vitam
Hæc reparat, plenam lætitiâque facit ;
Defectus de se minimè cælestibus aptæ
Supplet naturæ, viribus ampla suis .
Reddit opus facile, & vitam dat viuere rectam ,
Orbus ab hac clarum lumine lumen habet .
Vincimus infernū, meritis cumulamur Olympi ,
Aeternæ vitæ participesque sumus .
Hoc primū studio debes cognoscere , virtus
Cuius naturæ est, quoque tenenda modo.
Nam sibi si nullus non nota cupidine poscit ;
Credo, minus, quod non nouerit, illud amat
Demum continuo quamuis occasio defit
Rem faciendi ipsam, militis instar ages ,
Prælia qui fictis bellis ad vera paratur
Et spirat media pectore pace minas .

Grandia finge tibi scelerum te castra vidēre,
 Verborum graubus vulneribusque peti,
 Perdere quidquid habes: patiens sic esse me-
 mento,

Quam tibi adumbrabas res quasi vera foret.
 Nullum vera rei terret præsentis imago

Quem prius absentis falsa figura probat.
 Miles magnanimus bellis accingitur ille
 Sanguine sæpe suo qui madescit humum.

V. Nam semel, ac iterum, est virtus facienda,
 frequenter,

Vt veniat facilis sponte vel illa tibi.
 Subdita num verò quædam tua iussu sequatur,
 Noscendi cūpido paucula signa dabo.

Si cernas vitium virtuti colla dedisse.

Aut saltem vires imminuisse suas:
 Si prauos animi motus rationis habena
 Mentis ad imperium continuisse queas;
 Si non difficili veniat, mæroreque presso,
 Sed facili, virtus perficienda tibi.

Audacter spernas tepidorum dicta virorum,
 Et facias genijs non placitura malis;

Peruersos ibas post quos pronissimus actus,
 Lethiferis fugias si cane, & angue magis.

Si neque delectent res te per somnia turpes,
 Et mala non vnquam nocte dieque probes.

Si quæ sunt imitanda sequi coneris anhelus,
 Et fugias studio, quæ fugienda, pari,

Si minimum quamuis magno conamine vites,
 Nec sit iudicio culpa minuta tuo.

Cernens æqualem Cræsos superare Mydasque,
 Si turberis ob hoc, inuideasque nihil.

Si sine defectus, vlllo fateare colore,

Pro quibus & pœnas promptior esto pati;

Si

Si benefacta tuo tacitus sub pectore serues,
 Conscia mens recti sufficiatque tibi.
 Rectè etenim nunquã quærit sua præmia factum
 Cui factum esse loco muneris esse solet.
 Denique continuo caleas virtutis ab æstu,
 Torpida quæ nunquam, feruida at esse cupit

CAPUT XXI.

De virtutibus Theologicis. Fides operibus comprobanda. In solo Deo ponenda fiducia. Motiua amoris erga Deum. Amor proximi beneficijs ostenditur. Hortatio ad eleemosynam.

I. **E** St subiecta alijs basic virtutibus, vna
 Dat vitæ fulcrum Christiadamq; fides:
 Hac sine nemo placere Deo, licet optimus esset,
 Aut rectâ poterit tendere ad astra via.
 Ista est crudelem vincens sapientia mundum,
 Hac, quasi veraci firmus adhære Deo.
 Quandoquidẽ non viua fides moueatur ab actu
 Crede, nec inuanum, fac operare bene.
 Dum tua verba, fidem, & iactat professio, mores
 Ne contradicant, vitæque, cerne, tua.
 Credis Euangelio, veneraris Biblia sacra
 Cur rogo non etiam promptus odedis eis?
 Aeternam credis vitam; breue tempus at illi
 Præfers, perpetui tam leue pondus habes!
 Quid te vera iuuat, vel quid bona credere
 prodest;
 Si fueris mendax continuumque scelus?
 Per-

Peruersus, fidei rectæ vix credo quod esset,
 Namque fidelis agit quæ probat acta fides.

II. Quandoquidem celsus vastum Moderator
 Olympi

Disponit mundum, cunctaque solus agit:
 Ut volucris cælo, foliumque ex arbore nullum
 Decidit in terras, absque quod ille velit.

Hæc te magnanimus totum concede regendum,
 Tanto, nil dubitans teque remitte Duci.

Ipse oportunum tibi res præstabit ad omnes
 Succursus, præsens auxiliumque feret.

Pleniùs utque Deo tradare ac sponte, dolosus
 Hoc mundus verum det tibi consilium.

Si res eueniant casu tibi forte sinistro,
 Labi consilijs quo videre tuis:

Morbi crudeles vexent, obiectaque falsè
 Crimina, & his si quæ sunt grauiora preman t;

Tu ne cede malis, sed spe munitus Olympi
 Ductori in cunctis subiiciare Deo.

Casibus his tanges, perque hæc discrimina
 finem,

Numen ab æterno quem tibi constituit.
 Haud mala peruersi sentit præsentia mundi,

Qui ventura sibi sperat ab axe bona.
 Tantum posse tuum, rerumque est copia tanta,

Quanta sedet gremio spesque, fidesque tuo.

III. Omnis virtutis, dilectio, forma, decusque,
 Respicit vna hominem respicit vna Deum.

Atque quidem toto supremum pectore Numen,
 Viribus & totis semper amare decet:

Quin super id totum toto quod amabile mundo est,
 Purè propter se, quod sine fine bonum est.

Quidquid es, & viuus, motu sensuque quod exstas,
 Est fauor æthereus, quod rationis habes.

Te

Te Deus eripuit cæco de carcere ditis,
Sulphurea inersum de phlegetontis aqua.
Mille tuum donis ditauit pectus egenum,
Abiectumque alias nobile fecit opus:
Ac sine promeritis cæli tibi regna parauit,
Expansa gratis constituitque manu.
Pontus, aër, tellus, cælum, totumque quod ipsis
Clauditur, hunc vnum vociferantur, ames.
Cûr animæ lucrum quærens per multa vagaris?
Quod Deus est vnum dilige & omne bonum.
Solo, quantumuis non æquè iustus amanti
Factori quasdam reddis amore vices.
Otia vitat amor, minimè sua commoda quærit,
Et siquidem fuerit grandia quæque facit.
Nil graue contingit, nil non penetratur amori,
Emoritur verus, non superatur amans.
IV. Naturâ alternum nobis donante fauorem
Vna facit plures tecta habitare domus.
Nam sumus vnus magni nos corporis artus,
Gloria quos pariter, nescit & vna fides.
Non amat ille Deum, vidit què nemo superstes
Qui fratres odio, quos bene cernit, habet.
Sed verò tandem vero sectatur amore
Aggerit his, pleno cum benefacta sinu.
Præuenit obsequijs, prompto famulatur amore,
Lætus & hæc illis præstat, & absque mora.
Vt miserum reles noulle satis sit egenum,
Grandi rem pretio, qui, rōgo, dicit, emit.
Munere si fortasse preces præuertis amici,
Multiplicas nullo dona labore tua.
Præuenisse nequisti? intercipe verba rogantis,
Expectasse viri ne videre preces.
Sed festinus agas illud te sponte daturum
Quod rogitans precibus vellet habere suis.
Tum

Tum bona verba bonis rebus coniunge petenti,
Nullaque muneribus tristitia misce tuis.

Mæstitiam frontis, molimina tardaue vites;
Non te collaudes, impropere sue datum.

Res prodet tacitum magno clamore datorem,
Reddet & occultum, qui videt, omne, tibi.

V. Omnibus in donis quæ virtus spargit abundè,
Succursus miseri, regia sceptrâ tenet.

Lidius hic fidei lapis, atque redemptio culpæ,
Estque acquirendis iusta moneta polis.

Ergo cauebis eum miserum contemnere, qui te
Hæredem cæli reddere egenus habet.

Venditus es vitijs, auro redimare; iuuamen,
Fac sit avaritiæ materies, miseris.

Histrionis ridiculis plenus dimittitur à te,
Qui cœlos offert Christus, inanis eat?

Spontè vel inuitus debes persolvere censum
Regibus, ex agris nil licet accipias:

Cœlorum Regi, plus iusto forte redundans,
Non dabis exiguum qui manet orbe cibum?

Tu parcendo caue, ne, quas tagus vndat, arenis,
Fraterni incipias sanguinis esse reus.

Quem si nō pascis iuxta quod mandat Olympus
Occidis miserum, non miserando, fame.

Quàm benè post te habeant proles hoc mente
reuluis,

Nil penitus recolens quàm moriari malè.
Est satius natis aliquid non esse bonorum,

Quàm tibi vita animæ, deficiatque salus.
Inspice, connumera quid te concernit utrin-

que,

Quid vitâ æternâ, possideasque solo?
Hoc tibi de cunctis superest in funere tantum,
Quod miseri acceptum deposuere manus.

Carpit quisq; fidem parvam quam pectore gestat
Fur penetrare potest tecta; sed astra nequit .

CAPUT XXII.

De prudentia, eius necessitas, & difficultas . Officium viri prudentis.

I. **N**on secus ac veluti meditati tecta
Magistro,
Linea si desit non bene pergit opus .
Sic tibi virtutum si non (prudentia) præsit
Dux, modus, ars vitæ, claraque lux animæ.
Nil bene succedit cunctis mœrore repletis
Hac sine vita hominis lætior esse nequit .
Attamen interea grandis labor instat habendi,
Nam latet, obscuris contegiturque locis.
Illa etenim totum rimando permeat orbem,
Et genus, & species, tractat esse rei.
Certaque mundani cum non sit regula status,
Sed varias subeat, fortuitasque vices :
Talibus in rebus certam componere normam
Communis non est, ingenijque levis.
Quæque repugnarent, firmo coniungere nexu,
Res grauis est, iustam temperiemque dare;
Cymincias verò solita est affundere noctes
Quâ fieri debet nubila causa rei ,
Atque licet possit causæ quandoque videri
Vertex , intereà sæpe medulla latet.
Mens etiam rebus celatur diua futuris ;
Pauca hæc virtus propterea datur.
Quæ magis expediant, vel quo facienda recurrant
Tempore, pars hominum pauca videre potest.
Pru-

Prudentem faciunt vsus, memorique reposita

Mente: etenim notæ, quas regit illa, homini
Res veniunt vsu, & rebus persæpe probatis.

Experimenta sequens tu tua, tutus eris.

Exilis non te rebus committe supremis

Vnde timere habeas, forte vel vnde cadas.

Inspice te primùm, vt cunctos videre labores

Prudenter voto disposuisse tuo .

Tum rem quam facies, ipsosque negotia quorum

Tractas, cumque quibus sunt facienda, vide.

Pondere te demum iusto librare memento,

Ne quàm posse potes plus videre tibi .

Quidam confusus verbis, prolabitur ore ,

Alter plus bursæ quàm ferat illa iubet.

Tertius infirmum multo conamine corpus

Officijque graui pondere ad ima iacit.

Tum bene res pensa viresque his confer agendis

Pondus, membra premit, grandæ ferente magis

His quoque, tradæ manus, quorum tu ponere finem,

Aut sperare queas, viribus ipse tuis .

Sclige deinde homines magno discrimine dignos

Quæis vitæ impendas tempora cara tuæ ;

Hos lustra, hos rigido tentes examine, quærens

Ne prodesse alijs ipse tibi noceas.

Denique naturæ motus sectabere honestos ,

Ingeniumque feres quò regit illa tuum.

Dum natura hominis trahit in contraria mentē,

Irritus est omnis quem facit ille labor.

III, Donec non abeunt turbatæ nubila mentis,

Prudens nil rerum principiat è volet .

Mens etenim concussa , bonum, delusæque prauis

Præstigijs animi, noscere honesta nequit. ,

Haud sua præcipitat vir cepta negotia prudens

Nil sine vicini consilioque facit .

Sunt

Sunt timidæ mentes hominum, sapientia fallax,
Sunt dnbiij fines, decipiuntque probæ.

Vnde iubet multum multam sperare salutem
Consilium, constat quo sine nulla salus.

Est quoque vir prudens, rerum qui vela reiectat,
Et nudas, vt sunt, absque colore videt.

Nomen honorificum, grandes seponere crumenas,
Rem scrutare ipsam, viscera & ipsa pete.

Quære quid intus habent, non quære vocabula
rerum,

Falli umbris turpe est, ac simulacra sequi.

Tum debes vt uti quadam de turre videre,

Quæ causare tibi fors inimica queat.

Dicere ne stultum illud, sit quandoque necesse.

Hæc ego nesciui quod mihi fata ferent.

Cano iudicio, subtiles discute ad urnas,

Longè consulta, sæpe, diuque vide,

Ne quadam veniet mala circumstantia factum,

Ne sapias prudens degeuerando, dolum.

Næue sub ambigujs, falsi, verique bonorum,

Pro virtute scelus sponte sequare, genis.

Facto consensu, nexus præcide morarum,

Effectum citius fac habeatque suum.

Quod, nisi facta vèhunt celebri super æthera lande

Consilium, tardas nescit habere moras.



CAPVT XXIII.

*De Iustitia, & Religione. Actus v-
triusque. Quid sit pœnitentia,
& in quo consistat.*

I. **Q**Uæ dat cuique suum virtutum maxima
virtus

Non sibi nata, alijs quidquid habet tribuit.

Nil sibi, nilque petit pro se, sed postulat vsum.

Ipsa sui, hoc reputans muneris ipse loco.

Ista cauet diris proscindi cœdibus orbem,

Donaque tranquillæ munera pacis alit.

Quædam naturæ tacita est conuentio qualis

Humanum blando iungit amore genus.

Non res vllius lædit, non iustus honorem :

De cunctis loquitur, sentit & ille bene :

Dat sua cuique, bonum proprium non impedit
vlli,

Proficius Codro, proficiusque midæ

Mandat prælatus rectum, patet omnibus vnus,

Nulli conspectum non dat adire suum.

Præfert & proprijs aliorum commoda rebus,

Castigat vitium præmiat ille bonum.

Continet hac ratione suis in partibus omnes,

Officij immemores nec finit esse sui.

Ipseque si subsistit, pacem sectatur amicam,

Legi, Prælatis obsequiturque suis.

Sorte sua plene contentus viuit, honores

Non petit, aut vani nomina magna soli.

Haud importunus tractanda negotia sumit

Ad se, quæ nunquam pertinuisse putat ;

Nu.

Nullaque enim præter iustum, sint præmia iusto,
Gratis propterea iustitiam sequitur.

II. Non est morales virtus præstantior inter,
Quàm quæ vicino seruit honore Deo .

Credere diuinum, nec non cognoscere Numen,
Est primùm sacræ Relligionis opus.

Deinde boni colitur venerandaq; dextra potētis,
Illa iuuat miseros, sternit at ista Duces.

Noscere Deum nihil est, hoc dirus præstat auernus,
Qui tremit, & credit, credit & odit atrox.

Insuper exigitur cultus permixtus amori,
Quæ fiant vtinam quàm bene nota, bene.

Nonne Deus toto nosti quod præsidet orbi,
Et generis curam quod gerit ille tui?

Quod mare, quod terras, aëre moderatur & astra,
Et nihil hoc fieri non faciente potest?

Hic tibi cunctipotens, sapiens, altissimus vnus,
Et vitæ æternæ creditur esse dator .

Cur igitur summo non hunc veneraris honore
Condigna quare non pietate colis?

Vilia cur illi præponis frustula terræ?
Est tua vana fides hanc nisi facta probent .

Gressibus ante Deum vadas, perfectus & esto,
Tunc bene tuncque satis Relligiosus eris .

Vera Deum pietate ligas, vinciris eidem,
Et fat pro meritis, hunc imitando colis :

Pigrizia intactam, seruesque erroribus illam,
Audeat hanc nullum contaminare nefas.

Maxima stultitia est, si quem sua lingua fidelem
Iactat, Sauromatam vita, Getamque sonet.

Hunc veteres inter quidam celeberrimus olim
Irrisit dicto ter sepiente sophus :

Grandia Christiadas generoso gutture verba
Spargit, & in factis nil miserandus habet.

III. Læsa Dei reparant lachrymosi iura dolores
 Dammandis faciunt pronaque corda malis ;
 Reddat vt offensum peccans sibi Numen amicum
 Restituatquæ Deo quod tulit ante decus.

Qui scelus antiquum vitat cane peius & angue,
 Pro facit elapsis criminibusque satis,
 Abnuat, & vitijs penitus dissentit amaris ,
 Pectoris hic verè signa dolentis habet.
 Quod delectat abit, fugit imò citatior vmbra,
 Quod premit æternum, quod cruciatq; manet.
 Quid rogo facta iuuat commissâ recondere
 cordis?

Nemo nocens semet iudice liber abit.

Ipsa sibi natura humana in mente tribunal
 Constituit, rigidi iudicijque thronum .

Hoc est quisque throno delator, & horridus idē
 Iudex, ac testis criminis ipse sui.

Coge animum, stimula sensus hic semper adesse,
 Reddenda promptos de ratione tuos .

Dic veluti quodam coram te Iudice causam ,
 Pro vitijs grauitè corripe teque tuis.

Ipse dies totos scrutare, & tempora tecum,
 Quælibet ac horæ punctula parua tuæ .

Omne quod os loquitur, totum quod dextera
 tractat .

Mens quoque quas species irrequieta rotat.
 Nil tibi non pandas, intactum nilue relinquo;
 Parcit noscenti crimina sæpe Deus.

Si fateare scelus, sanas, quid scire iuuabit
 Nullos, quando nefas noueris ipse tuum ?

Anne putas melius damnatum forte latere,
 Quàm solui næuis sole vidente tuis ?

Sis vbicunque velis lateasque. scientia tecum est,
 Quam vitare nequis, pectoris ampla tui.

Hanc

Hanc si contemnas, homines miserabilis inter
Viues, si viuas hac ratione tamen .

Sunt tria, quæ totam mortalem tempora vitam

IV. Præsens, venturum, præteritumque regunt.

Præsens est punctum, ante fugit quàm cæperit
esse,

Venturi non sunt, præteritique dies.

Præteriti venient omnes cum iussæris, ac se
Subijcient oculis arbitrioque tuo .

Ne timeas memor esse tui, lapsosque referre

Non pudeat menses, corripiendo malos .

Sæpius id faciens, citius te corrigis ipsum,

Vindex peccati si fuerisque tui .

Quæ fecisse doles, iterum committere noli,

Sit satis elapsis indoluisset malis .

Qui liber medijs euasit naufragus undis

Difficilem fragili se dabit ille rati.

Sed memor accepti Superum de sydere doni

Manifico grates, liba feretque Deo .

Hanc tibi inesse velim puro de pectore curam,

Ne semel aduersas aggrediare vices:

Grandia vitasti cælo ductore pericla,

Hæc eadem rursus sponte subire fuge.

Peccanti toties semper placatur Olympus :

Esse caue peior quod bonus ille tibi est .

Quæ facienda forent giras in mente frequenter,

Cur potius, non, quæ feceris, illa vides ?

Nam bona de lapsis veniunt decreta futuri,

Præteritique memor damna futura caues .

Mille Sophi fierent, si se non esse putarent .

Peior eris semper tu nisi proficias .



CAPVT XXIV.

*De pietate, & obseruantia . Obedientia
commendatur , itemque gratitudo .
Quomodo accipiendum , & reddendum
sit beneficium .*

- I. **D**icere nemo fatis quàm sit laudabile
possit ,
Subiuga mandanti colla dedisse Patri .
Atque bonum patriæ Ciuem monstrasse cadenti,
Et fratres nunquam non cumulasse bonis .
Vincere muneribus cunctos voluisse patronos ,
Nulli se largâ posthabuisse manu .
Scilicet hoc sacræ munus pietatis habetur ,
Quo patriæ cultum, conferimusque patri.
Sed quod agit Patris pietas, qui sunt vice Patrum
Illud Maiorum præstat idem pietas .
Nam quos officium, virtus, sapientia & ætas
Præpositos nobis religioque dedit;
Surgimus his coram , capitibus velumque moue-
mus,
Cedimus occursum proruimusque genu .
Figimus ora togæ, dextris, & cætera honoris
Consueto patriæ stigmata more damus.
Omnia quæ retuli facilis præstabis eorum,
Quàm sint sublimes dum memor esse velis.
Hinc etenim discet concussa timore voluntas
Non illis comitem se, sociamque dare.
Quorum te grauitas, & magnum nomen honoris
Exiguæ memorem conditionis aget .

Quæ-

Quælibet à summo cælo est submissa potestas,
Datque sibi nemo quod gerit officium.

Prælati igitur dederis quodcunque decorum,
Numinis intuitu vile recense datum.

II. Qualiter illa Patris primæua rebellio nostri,
Quod miseri patimur contulit omne malum.

Sic soboles æterna, Patri dum mitis obaudit,
Amisssa rursus prosperitate beat.

Dum nobis monstrata sequi exempla velimus,
Totaque mandatis subdere corda Dei.

Cunctarum virtus perfectio prona parendi
Est quoque principij firma catena sui.

Omnia namque Deo giris accepta stupendis
Donorum ut fini, principioque refert.

Christus præ reliquis effert virtutibus, & ne
Perderet hanc, vitam perdidit ille suam.

Dicitur hæc melior quam sint libamina centum,
Taurus in his, illa, sacrificatur homo.

Suscipies autem prælati dicta iubentis,
De cælo veluti pagina missa foret.

Causam præcepti minimè motiuæque quærens,
Pronus maioris iussu capesse tui.

Prælatus moneat, leges, decretaque dicant
Facto quid sit opus, quæ vel agenda velint,

Non ego discutio, excuso, non disputo quidquam,
Sed celer ac simplex iussu iubentis ago;

Seu leue, seu fuerit graue promptus ad omnia
pergo,

Lætitia mentis, conficioque pari.

Vna in re tantum tutus me præsto rebellem,
Mandatum cogar si violare Dei,

Totum quod reliquum est faciam sine murmure
magno

Constantique animo, quidquid id esse queat.

Quando munificis dantur tibi munera dextris

III. Patrono remanes debitor ipse tuo :

Pro quibus vt quidquam referas memorabere
doni,

Dantis ab effectu pondus habendo tui .

Non nisi qui meminit, iustas pro munere grates

Ferre potest; dignas iam memor ipse tulit,

Omnibus hoc facile est præstare volentibus, istud

Nam nec opes, operam, diuitiasque petit.

Vt desint vires, poterit non deesse voluntas,

Excelsis faciet Regibus illa satis.

Dum tibi donatur, vulru' cape dona sereno ,

Lætitiâ cordis testificando tui.

Quam cernens largus sumat Patronus ab inde

Absque mora fructum muneris ipse sui.

Iustum est lætari, lætum dum cernis amicum;

Iustius ac multo lætificasse tamen .

Munera qui gratè accepit mitisque, libensque,

Donanti soluit munera prima suo .

Esse volet nunquam gratus, qui seruat amici

Longius aspectu munera ab acta suo :

Sed verò celebri qui fert ad sidera voce ,

Quique negat grates posse referre, refert.

Qui piger accepit nimium vel fortè grauatè ,

Exigui, donum quod tulit, ille facit.

Qui sensisse parum monstrat, vix labraque soluit,

Dicitur ingratus nil referente magis.

Vir bonus vt primùm munus suscepit amici

Restituat grates qua ratione, videt.

Moribus haud quidquam sic aduersatur hone-
stis,

Quàm quod sumpisti non retulisse datum.

Nec sunt dona penù simili reddenda Patrono,

Sed multò acceptis yberiore manu .

Pinguis terra velut concredita semina campis.

Maiori cumulo restituisse solet .

Sed caue ne nimium festines reddere grates,

Et subito expungas munere dona tuo.

Munera vix quidam sumit, mox dona remittit,

Hac debere fatens se ratione nihil .

C A P V T X X V .

*De veritate, eiusque usu. Simplicitas
laudatur. Actus fidelitatis .*

I. **S** Ermo, manus, gestus, veri diffundat odorē
Turpe est Christiadem verba dolosa loqui
Est muliebne nefas, prorsus vulgareque crimen
Cordi dissimiles ore tulisse sonos .

Profert simpliciter vir res generosus vt extant,
Extollit verbis, amplificatque parum.

Ambages vitat, dubiæ, vocisque tenebras ;

Mendaci nullum decipit ille dolo .

Simpliciter verum, simplex cor, verbaque poscit,
Innocuum nudum comparuisse volet.

Qui verò fallit mendax sermonis opaci
Cæca nocte tegit res, tenebrisque suas .

Non bene qui loquitur passim mendacia spargens
Haud lucem is veluti qui malefecit amat.

Idcirco bene cautus eris ne sicut amictum,

Sic diuersa domi verba, habeasque foris,

Frons, oculi, vultus, verum ne verba colorent

Quod tamen occultum cor sibi ab intus habet

Ipsa hominis fœdū natura hoc crimen abhorret;

Cerne precor puerum, qui rationis inops,

Calculat in primis falsum numeratque nefandis,

Asumatque licet pro leuitate sua :

Attamen innata prorsus condemnat ad orcum

Illud indicij dexteritate scelus .

Hic mirare Deum virtutis semina cordi

Plantantem, sine qua vita manere nequit.

Multa quidem sunt humanis damnosa diebus ,

Falsa sed in cunctis perniciofa magis .

Nam si mixta viri non fers mendacia verbis,

Hæc indigna animo splendidior putans

Viuere cur falsum, quin non horrescis & esse ?

Res magna est vnum semet habere virum.

Simplicitas vano nunquam bene cognita mundo,

II. Est Supero virtus sed pretiosa Deo.

Hac quasi delitijs, fruitur Moderator Olympi ,

Miscens simplicibus blandula verba viris.

Integer ille etenim, simplexque per omnia cū sit,

Ad se venturos appetit esse pares .

Simplex est, varias qui non velut vnda figuras

Induit, & talem duplicitate carens

Se gerit exterius, qualis seruator ab intus ,

Pandit & internos candidus ille sinus.

Tectum qui fucō sermonis pectus abhorret

In cuncto penitus paruulus estque malō .

Omnes prudenter cautus putat esse fideles,

Deque malum nullo suspiciosus habet .

Qui rationis inops, mundo stultusque videri

Non refugit, cœlo dum licet esse sophum .

Distrahit in varios quem non intentio fines ,

Omnia sed Superis complaciturus agit.

Quid circum multa infelix astutia temet

Exagitas, vnum porro necesse tibi est.

Vt venias illuc simplex vbi Numen & vnum est,

Quò nunquam buio, si gradiare, venis.

III. Grande bonum ! in cunctis mens est sincera
colenda,

Quia sine suffertur fœdus amicitiaë ;

Publica res nutat , rerum commercia cessant ,

Optato nullum tramite vadit opus .

Et quamvis adeo virtus sit amabilis ista,

Rarior est mundo, nec bene nota tamen .

Passim contractus, tantis, tot testibus acti,

Scriptaque tam varijs littera firma modis ,

Acta sub exactis rerum stipulatio formis ;

Accusant hominum perfida facta, dolos .

Sufficit ista tamen vix dum cautela dolosis,

Vt conuenta satis firma manere queant.

Sunt abiecti adeo nonnulli, vt sanctior illis

Argenti questus, quàm sit amata fides.

Ah turpis mundo confessio fraudis apertæ !

Nullis absque damus testificante fidem.

Tutius in charta, scripto, tabulisque putantes

Cordis in archiuio quàm remanere fidem.

Sed vir constanter quævis promissâ fidelis

Exequitur , nulli cor aperitque suum.

Quam semel hosti etiam dederit , seruabit in-

æuum ,

Et vitæ, ac regnis præferet ille, fidem.

Accelarata , dolor similis cum sæpe sequatur,

Spondere idcirco tardius ille solet.

Sed si promisit, verbum violare veretur ,

Hac nisi vitandum sit ratione malum .

Nam iurata licet nullum promissio vincit

Crimine si quando perficienda foret .



CAPVT XXVI.

*De amicitia, quibus officijs sit colenda :
Præcepta quædam ad mutuam con-
uersationem pertinentia.*

I. **P**Lus nihil humanæ vitæ reor esse necessum
Cnmmodiùsque nihil quàm sit amicitia.
Mutuus hanc fundat nexus, virtusque duorum,
Et bona de alterna participata manu.

Quam bene cuncta fluunt videas vbi corda pa-
rata.

Quæ tuto capiant abdita quæque sinu.

Conscia te quorum mens non formidine tanta
Concutiat, quanta pectoris illa tui.

Suauia verba; graues curas, recreentque labores,
Expédiant sensus, consiliumque bonum.

Gaudia dispellant tristes de pectore nubes,
Afficiat visus, cordaque delicijs...

Dulce nimis sub sole virum tenuisse fidelem,
Crimina cui tutus consistere tua.

Ipsemet occursum lætum te reddere cuius,
Vtilis aspectus possit & esse tibi.

Sic quædam feriunt animalia dente minuto,
Fallunt vi sensum, decipiuntque leui;

Vulneris vt læso vestigia nulla relinquant,
Indicat at morsum fors tumefacta caro.

Hoc præstabit idem recti conuentus amici,
Proderit & nescis, qua ratione, tibi.

Blandus at esse nequit sinceri nexus amoris
Mutuus hunc si non conglomerarit amor-

Est

Est bene velle alijs radix, redamatio ramus ,
Dilectum esse minus, maius amare bonum est.
Est sincerus, amor Christi quem vincit amicus,
Quem non conciliant vtiliora domus ,
Obsequium mendax, vultus simulatio fallax :
Pagina sed studij sacra, timorque Dei.
Constat amicitiae sola virtute catena,
Nullus & in vitio fidus amicus erit .
II. Selige sed magno verum discrimine amicum,
Complures modios falis edendo simul .
Experiare probis quatuor, quem poscis amicum;
Præ cunctis primùm re grauiore fide :
Cuius habet mundus solam non amplius vmbra,
Vt tua, tutus ei teque sacrare queas .
Tenta etiam quali circum te sine regatur
Ne rem commaculet scæda cupidō bonam.
Quid præstes illi doceat discretio prudens,
Quidue petas ab eo suggerat illa tibi .
Fimmet ad extremum patientia pectus, amici
Vt mala pro rebus sustinuisse velis
His super adde probis, olim quibus usus amicis,
Tempore quàm longo, qua ratione, suis.
Nam tibi venturum talem sperabis amicum,
Qualem se reliquis præbuit ille prius .
Diuitis est auri viuus fons fidus Achates,
Quo solo Cræfos tu superate potes.
Quem tibi propterea seruet custodia grandis
Vestis & amicum lugeat atia virum .
Fortunate nimis tali sociatus amico,
Qui te, fortunas non amet ille tuas.
Corrigat errantem, labentem portet in vlnis
Omnibus immotus permaneatque malis.
Huic similis, cæli largus quacunque patescit
Ambitus, haud alter comperiendus erit.

Multi dicuntur, pauci numerantur amici,

Quos hoc præclarum nomen habere decet.

Qui se resque tuas finem collimat amandi,

Ille tibi nunquam verus amicus erit.

Dum fueris felix inter numeratur Achates:

Hospes sed mensa deficiente fugit.

Fallit amicitiae spes nos permagna frequenter,

Definit inque odium sæpe putatus amor.

Qualiter hunc Medicus curat quem diligit ægrum

III. Scalpello, læsi vulnera, & igne cauans.

Taliter errantem plectas audacter amicum,

Prætereundo nihil, dissimulando nihil.

Est nimis obsequium cunctis damnabile, per quod

Accipit augmentum vita nefanda suum.

Instrue secretò, deuitans fulmina linguæ,

Suauiter inducas ad meliora virum.

Multum decernas quosdam dum prendis amicos,

Corde, sed admissos, intimiore, foue:

Cum quibus, ac veluti tractando negotia tecum.

Absque timore tuas res agitare potes.

Nil tua vita tibi committat tale quod ipsis

Hostibus haud valeas participare tuis:

Sed quia consuetus fecit mos abdita quædam,

Hæc nouisse nisi fidus amicus habet.

Quidam quod solis committi debet amicis,

Auribus id vulgi deposuisse solet.

Alter nec charo pectus confidit Ahati,

Omneque secretum corde tacente premit.

Vt sibi si fieri posset non crederet ipsi,

Et notæ noller conscius esse rei.

Est vitium, cunctis, pariter quoque credere nulli,

Hoc tutum magis est, illud honorificum.

Si cupias nullo verbum miscere periculo

Cum quouis, fieri non graue pondus erit.

Haud

Haud celando quidē, sed nil patrando quod alter
Ne fortasse sciat, corda pauore tremis .
IV. Est affabilitas cunctis affinis amicis ,
Præbet & humanis moribus illa modum.
Multa viros audire decet, quos fama probatæ
Commendat vitæ , paucula verba loqui.
Est vitium sciri potius, quàm discere velle.
Cognosci potius, quàm bene nosse alios.
Damnosâ proprias dextrâ dispergere merces
Quàm sua, vicini multiplicare bonis .
Moribus illius cum quo conuiuis oportet
Assuescas, verbis compositisque minus.
Plurima cum multi puerilia , falsaque dicant,
Ad rem quæque putes pertinuisse nihil,
Talia prudenti toleres moderamine ; ineptos
Vicini mores dissimulando tui .
Est muliebres nimis socios duntaxat habere
Qui dictis plaudant ore, manuque tuis.
De te, deque tuis rebus non multa loquâre ,
Inque tuis caueas sensibus esse tenax.
Quæque magisterium sapiunt non vitare verbis;
Hæc, tumidi indicium pectoris esse solent.
Si videas aliquem contra fecisse decorum,
Ne simili vitio commaculâre, vide .
Omnibus è rebus tandem quas cernis , & audis,
Vitæ profectum carpere disce tuæ.
Res bene tecum agitur, visum si crimen amici,
Emendet vitam, perficiatque tuam.
V. Vtibus insolitum patrijs si lumina oberret ,
Illud continuo tu reprobare caue ;
Nam levis est animi ridere aliena , stupere,
Et rebus tantum complacuisse suis .
Qualiter in se sunt, est pondus rebus habendum,
Haud , oculis subsunt qua ratione tuis.

Ars, nouitas, grauitas, rerum dant pondera plebi,
 Rumor, pompa, foris qui nitet ipse color:
 Sed rerum sapiens pretium scrutatur ab intro,
 Contemnens vulgus quæ pretiosa vocat.
 Quidquid contigerit; fructus tibi pender ab inde,
 Tu caue prouentum strinxeris ipse tuum.
 Hic (licitum tibi) personas sectare theatri,
 Quæ lachrymas fundunt absque dolo e suas;
 Dant sine decretis centum decreta, iubentque,
 Carpunt, obiurgant, absque furore tamen.
 Oh utinam socios talem te gesseris inter!
 Moribus affectu, te spoliando tuis.
 Quid præter magnum spectatur in orbe theatrû?
 Scenicus in quali quilibet actor homo est:
 Hic, quantum poteris; toto conamine cures,
 Vt potius spectes, quàm leuis actor agas.
 Exhibet in scena semet quicunque, laborat,
 Spectator risu diffluit, atque iocis.

C A P V T XXVII.

*De liberalitate. Quid sit, & qualiter
 exercenda. Quomodo differat
 à magnificencia.*

I. **N**on habet iratus nummîs, virtutis hono-
 rem
 Aes, qui non donat. proijcit imò suum.
 Qui pro posse decens confert, hic largus habetur,
 Qui, quibus impendit, tempore quoque videt.
 Quiq; suis nunquam spectat sua commoda donis,
 Sed cui donauit commoda mille viri,
Ero-

Erogat hæc virtus nummos, nummosq; recepat.

Sed dare præcipuum munus habere solet.

Qui dedit est felix, non qui collata recepit,

Dum deest quod tribuas, est dare velle, satis.

In dando semper potius spectanda voluntas,

Vt vir proficius talis & esse velit.

Nemo refert grates, pelagi, vel fluminis undis,

Quod volitare rates per sua dorsa ferant.

Arboribus, quod dent fructus, ventisque, secundi

Quod spirent, istis nam bene velle deest.

Quæ donare voles, citius tua munera præstes;

Qui citò dat, donum duplicat ille suum.

Sunt queis depereat totalis gratia doni

Mœltitia obductis munera dando genis,

In plures referendo dies promissa; Clientes,

Sic miseros lætant spe, cruciantque suos.

Cum citò sit propriū dare dantis dona libenter,

Non veniunt animo munera tarda bono.

Omnis amat properante manu conferre benignus

III. Munera, quæ recreant obuia facta magis

Vivit respectans tantum se nemo beatus,

Quiue suæ curam commoditatis habet.

Res commissa tibi est, alienis parcere noli,

Si tibi contendas vivere, viue alijs.

Quidquid ferratis servat custodia claustris,

Quæque ex alterius sanguine rapta, tuo

Defendis; minime tua sunt, sed pignora tantum,

Et dominus, dexteras hæc super alter habet.

Hostis ea inuadet, vel par animo hostibus hæres,

Donando hæc facies, non aliterque tua.

Quid precor est, adeo quo tu persuasus abundas?

Prata, pecus, testum, vinea, nummus, ager.

Fratribus ista tuis virtus donare futura est,

Quæ tecum, nunquam deperitura, manet.

Tempore quo magis est pretiosa pecunia quæris?

III. Cum donata alijs definit esse tua .

Sumptibus exiguis nequeant cum magna patrari,

Et deceant summos maxima quæque viros.

Magnifici est , æris grandes expendere summas,

Sed medias virtus altera pendit opes.

Hæc etiam in parvis , tantum sublimibus illa

Monstratur rebus, cætera sunt similes .

Cui res est angusta domi profusior , at non

Magnificus; diues, talis at esse potest .

Hunc propriè in magna nitidum mirabere mole,

Quam locat excelsis nubibus illa parem.

Qui grandis pretij diuinis vsibus addit

Geminas, dic largum, magnificumque nega.

At si gemmarum pretio sanctissima curret

Templa Deo, sacras, Presbyterisque togas ,

Aut opus huic simile, & mirum construxerit, ille

Magnifici iustè nomen habere potest .

Sub titulo ast operum magnis quæ sumptibus
extant,

Sunt populi, spectant quæ Superùmque decus.

In quibus est ratio iusto spectanda decori,

Vt faciens, operi par sit in ære suo .

Non est magnificus qui plus profundit, habere

Quàm valet, alterius deprimit ære suos

Magnificè donans, verè largissimus ille est

Qui quod donauit, se spoliando dedit:



CAPVT XXVIII.

*De fortitudine . Quæ sint eius officia ;
Mortem à viro forti contemnendam esse .*

I. **S**VNT animi molles hominum, naturaq; fracta
Idcirco fortes conuenit esse viros,
Scilicet vt minimè nos sternat inane periculum,
Reddat honestatis nos memoresque sacrae.
Duplex virtutem munus comitatur eandem ,
Primum constanti pectore damna pati;
Dèinde eadè blandè complecti ambabus, vt aiunt
Vlnis, si quandò tempus, & astra volunt.
Vir mala proteruè fortis non prouocat ipse,
Sed quæ proueniunt hæc patienter habet.
Non petit, at spernit plenum formidine damnum
Depressisq; alijs tollit in astra caput .
Atque vbi turba iacet, gradibus stat firmior ille,
Haud illum subigit dedecus, haudque pudor.
Exilium, tormenta, repulsa, iniuria, carcer,
Ipsaque non terret mortis imago feræ.
Tristitiam, morbos, falsas de lumine guttas,
Excipit excelsò cuncta molesta sinu.
Non precibus linquit, non recta pauore, minisq;
Inceptam constans prosequiturque viam .
Nec semel accepto statuit cum munere luctam,
Perfistens donec perficiatur opus.
Non cedit, quouis sed stat sub pondere rectus,
Viribus haud vllis efficiturque minor.
Mille licet veniant omni de parte pericla
Virtutem haud celat, nec iacit ille suam.

At-

Quisquis amans Numen suffert tormenta libèter
Pœnas delitiæ talis ad instar habet.

III. Clariùs Herculei nusquam constantia lucet
Pectoris, ac dum fors est subeunda necis.
Difficile est illuc animum perducere vt ille
Fortunas, vitam despiciatque suam :

Cuius amore adeo grandi plerique tenentur,
Vt sibi nulla habeant hâc preciosa magis.
Sed sapiens, fontem vitæ, finemque malorum,
Tu caueas lethum connumerare malis .

Mors habet inuictum, & non declinabile fatum,
Quod timet insipiens, nec tamen effugiet,
Expectare etenim certò ventura solemus,
Sed quæ sunt nusquam certa , timere mala.

Cerne precor pueros, inopes, aut mentis amaræ,
Vt nihil horrescunt tela ciuenta necis.
Turpe est si tutam ratio non possit habere
Vitam defectus quam rationis habet.

Viuerè non voluit mortem quicunque recusat,
Hac etenim vita est conditione data.

Gratia facta homini , rerum spectacula quando

IV. Natura, ad certum tempus habenda dedit:
Tempore transacto, iam iam discedere iussus,
Ignoro valeas quo strepitare modo.

Ad sua quis vitæ sapiens extrema redactus,
In vitam rursus si remeare detur ,

Materni gremij subijsse ergastula vellet?
Et sine, vagitus edere, mente, graues?

Horrores vanos pueri , vel damna iuuentæ,
Atque vim curas, lassæque membra senis ?

Nemo adeo felix mortales clauscrit annos ,
Editus in mundum rursus vt esse velit .

Cerne igitur quorsum properas, discedis & vnde
Promptus abit cælo quem meliora manent.

Quis-

Quisquis at extorris vixit virtutibus, horret;

Quas, nisi nunc, dum non possit habere cupit.

Vir iustus vitam pœnæ reputaret ad instar,
Si non hæc fato præcipitanda foret.

V, Nemo tulit mortem vultu iucundus acerbam,
Expectata cui non fuit illa prius.

Fac igitur sit amica tibi meditata frequenter,
Et veniens alacri suscipienda animo.

Non fatis is vixit, multos qui computat annos,
Ad fontem sed qui gestit abire suum.

Qui bene decedit longæuos vixit in annos,
Et bene qui vixit definit ille bene.

Vis tibi tranquillum lethum componere ab alto
Quidquid inest toti temnere discere solo.

Quisquis plura sibi quàm mors rapuisset iniqua
Surripuit, diram non timet ille necem.

Optas præsentem lætus traducere vitam?
Te nulla illius sollicitudo grauet.

Ad necis omne genus sæuæ licet, esto paratus,
Seu gladius vitam, seu febris abripiat.

Vt liceat tutò verbum tibi dicere, vixi

Quotidie vitam taliter institue.

Securus viuit, moritur lætissimus, effert

Ad tumulum qui se sæpius ipse suum,

Et cui concessa est post vitam, vita, peractam,

Non viuus, semper ni moriari, bene.



CAPVT XXIX.

*De magnanimitate. Viri magnanimi
descriptio.*

I. **I**psò magnanimi magnum quid nomine
uirtus
Innuìt, excelsò tendit ad alta pede.
Hac sine, virtutum quæuis conamina, quamuis
Sacra, ruunt, penitus proficiuntque nihil.
Nam graue cū nimium sit opus virtutis agendæ,
Audaci debet mens penetrare manu:
Non prius absistens, vestes quàm rumpat iniquos
Ad finem veniat propositique boni;
Hoc homini præstat quæ ducit ad ardua virtus,
Semper & egregium condere suadet opus.
Atque Dei subinissa manu rem pronior omnem
Aggreditur lætè, sit licet illa grauis.
Aude aliquid si vis quidquam sub sole videri;
Haud constare leui res grauis vlla solet.
Res est magna satis genijs, & compar Olympi,
Dum talis verè est, qualis habetur homo.

II. Magnus ad alta animus sèper suspirat, & illa
Quæ plebs magnificat, parua, nec vlla tenet.
Facta quidem multo condigna operatur honore,
Spernit at hunc, aliter ni Deus ipse velit.
Subijcit haud oculis, sed cordis celat abyssò,
Pensaque non operum plebis ab ore petit.
Semper in excelsò stat mentis culmine victor,
Omni par rerum conditione sibi.
Non loca, non maiora sibi, se, munera quærit
Contentus viuit, quem tenet ille gradu.

Cun-

Cunctorū Dominus, fertur super omnia mente,
 Propterea nulli subdita colla gerit.
 Inuis nullum precibus, pretioque fatigat
 Namque domi, diues, cuius egeret, habet.
 Nil ipsum terret, non damnis sternitur vllis,
 Et lucem, proles optima lucis, amat,
 Prodit & in medium cupidus spectabilis esse,
 Ambitus nullo tractus odore tamen:
 Sed bene pensatis, quo culmine staret honoris
 Cœlitus acceptis muneribusque Dei.
 His opibus diues Supremum Numen adorat,
 Cui velut auctori singula dona refert,
 Nouit enim fidei, penetrandoque lumine mentis,
 Se nihil esse, nihil posse, tenere nihil.
 Hoc est virtutis solitos agnoscere fines,
 Submissè de se, deque putare suis.
 Attamen oblatum timidus sibi sumit honorem,
 Gloria non quæri, debet at illa sequi.
 III. Excipit immotis contraria tela lacertis
 Dummodo virtutis culmen adire queat;
 Cum medijs tractat, paruisque modestus agenda,
 Coram Principibus, diuitibusque viris
 Non se profundit, blandis nec mulcet eosdem,
 Non vult mancipij liber & esse loco.
 Pro rerum meritis clarè rem spernit, amatque
 Absque metu loquitur, spe sine agenda facit.
 Qua reliqui faciunt hominum facit ille libenter,
 Distat agendorum sine, modoque tamen.
 Difficilem magnis dat se congressibus vrbis,
 Cumque rudi populo dissimulanter agit.
 Non malefactorum meminit, non cōputat hostes,
 Nec patitur querulus quæ toleranda forent.
 Collaudat paucos, alitur nec laudibus ipse.
 Sed tamen æternis laudibus apta facit.

Alterius nutu vitam non ducit, amici
 Excepto forsan, Præpositique sui.
 Cumque nouum magnumue nihil videatur eidē,
 Omnibus attonitis ille stupere nequit.
 Casibus aduersis, fuso stat firmior ære,
 Motibus in cunctis tardus at absque nota.
 Vtitur ore graui, firmo sermone perorat.
 Nam non festinat qui breuis esse volet.
 Haud nimio rebus studio contendit agendis,
 Vtpote contentus partibus ipse suis.

CAPVT XXX.

*De patientia. Eius occasiones & affectus
 Indicia veræ patientiæ. Ad omnia
 mala ferenda parænesis & documenta.
 Necessitas perseverantiæ.*

I. **M**axima morales inter patientia virtus,
 Aeque fert animo quodlibet vna
 malum.

Sed cum multa premant homines incommoda
 mundo,

Hæc etiam varium nomen ab inde tulit.
 Cui toleranda venit generoso iniuria corde,
 Is proprium nomen perpetientis habet.
 Tranquillè tolerans casus, & damna bonorum
 Quæ tenet exterius, dicitur æquanimus.
 Cui dilata quatit rerum fiducia pectus,
 Longanimus, si non deiiciatur, erit.
 Alterius, proprium, vnius communæ damnum,
 Constans est animus qui tolerare iubet.

Sæ.

Sæpius offertur facienda ex omnibus vna .

Et datur hac virtus crebra nec vlla magis.

Tot mala quæ patimur tot quæis circumdamur
hostes.

Ardua vitâ hominis quid nisi ad arma vocât?
Labitur absque fero nullum certamine tempus,

Alter abest, sibimet quilibet hostis erit.

De nobis veniunt, nostro nascuntur in horto,

Quæ nos exercent? quæ cruciantque mala.

Ducimus à fletu nostræ primordia vitæ

Ad lacrymas docti, cœtera cuncta rudes.

Discimus hoc primum, studio versamur in isto

Pallentis seram mortis ad vsque diem.

Qui non riserunt centum numerabis, & vltra,

Qui non fleuisset nullus habetur homo.

Ergo animæ ad robur, cordis munimen, & omnē

Vitæ profectum, te patienter habe.

Nemo suum nouit nunquam patiēdo valorem

Sit nisi quis patiens, esse nequit sapiens.

II. Stant male res hominis, quem non fortuna
sinistra

Iactarit fragilem iactat vt vnda ratim .

Tantò plus ægrum medicus curando veretur,

Infirmus quantò firmior ante fuit .

Nauta sæpe etiam suspectum tempus habebit ,

Quantumuis falsis tergora crispet aquis.

Dum mala te vitæ miserum millena flagellant

Non sceleris pœnas, experimenta putes.

Qui certat vincit, qui vincit & ipse triumphat,

Non alter, pugnax vir nisi vincit, ouat.

Plurima cum fuerit Christo sufferre necessum

Vt dominus regnum sumeret ipse suum.

Tu patiēdo nihil, terræ non vtile pondus,

Pro nihilo alterius regna subire velis ?

Qui

Qui cœleste sibi diuersum fingit ab isto
Errat, iter, toto non capiturque polo.
Omnia virtutum mysteria iustus habebit,
Si bona sectetur, si toleretque mala.
Quem verò monstrat patientia quæris adeptus
Aequanimus, si quis fert aliena mala.
Qui cælo lapsas patitur sine murmure poenas,
Nec malefactorum labra, fugitque domos:
Angores inter diuinum Numen adorat,
Omnibus in damnis se que silenter habet.
Qui sibi crudeles fraternè diligit hostes,
Quæ patitur soli conqueriturque Deo.
Qui non impatiens fert imperfecta propinqui,
Hic verè, & patiens noscitur esse satis.
III. Si bona iacturis perdas externa, dolorem
Fac horum fragili conditione leuem,
Quæ retines vel amas natura fugacia fecit,
Nec dominum noscunt deperitura suum.
Nil firmum infirmo, virtus manet vnica semper.
Durat & æternos intemerata dies.
Hoc nusquam mortale datur mortalibus vnum,
Secum de reliquo cætera funus habent.
Quæ tua sunt igitur tali statione reponas,
Longius vt distent, sintque remota tibi.
Nil fortuna viris rapiet nil latro, probatis,
Qui possessa, velut non sua cuncta tenent.
Cur gemis amissos nummos, cur pignora rapta,
Magnificæ flammis testæ cremata domus?
Sed dum forte pudor, periitq; modestia prorsus
Labitur ex oculis guttula nulla tuis.
Attamen hæc bona sunt certo tibi subdita iure,
Nec bona sunt, vllò iure, nec illa, tenes.
Si super amissis nimio cruciâre dolore,
Te simili dignum perditione probas.

Abfit

Abfit varius amor, te nil deperdere credes:

Causa est, amissa re doleatur amor.

Cum nihil externum sapientis pectora tangat,

Angit propterea mortificatque nihil.

Quidquid agas operis partes mens sepe reuoluat,

IV. Nam male prauis experiere graues.

Inclamas puerum, nec præsto est forte vocanti,

Aut præsens, voto nil facit ille tuo.

Pergis vt inuisas quendam, sed limine clauso

Quâ venis illudum linquit abire viâ

Hos, si prauideas successus mente sinistros

Euenient animo cuncta secunda tuo.

Admissis alijs, tu non admissus ab illo,

Auertit faciem verba nec vlla dedit,

Sedibus in primis illos, te ponit in imis,

Et defert meritis inferiora tuis:

Hæ Stomachabundo veniunt de corde querelæ,

Quas imprudentum garrula labra vomunt.

Non hæc obseruat, qui non his fixit amorem,

Censum labentis nouit & esse soli.

Excelsæ virtutis opus tolerare, quod extra

Posse tuum, melius reddere, forte nequis.

Si malus offendit, vel frons cui nulla relictæ est,

An mundo possit cogita abesse malus?

Si nequit hoc fieri, casus non finge recentes

Quod male more suo vir facit ille malus.

Quin caueas ne iuste corripjare, quod illum;

Tali facturum, non, ratione, vides.

Qui fuerat remanet mundus labentibus annis,

Sint homines scelerum diffluet orbis aquis.

Dum pateris iustas, culpæ, ne respice, pœnas,

Supplicij causam: sed tua facta vide.

Sis tibi veridicus maiore fatebere dignum

Te pænâ: eueniunt hæc faciente Deo.

Per-

Percutit ut sanet, firmet cælestibus aptet;
Hos quibus indulget, ditis habebit aqua
Vnde precor noscā rerum moderamen amantē,
Si tibi diluuiat diuitis vnda tagi?
Vnde sciam constans, odijs non flexile pectus,
Plausu te populi consenuisse videns;
Qui reliquos recreare soles, solare dolentem
Temet, & irriguis inijce fræna genis.
Cur medico grates referens tua mēbra secanti,
Cælituum medicas respuis vsque manus?
Qui reputat damnum, quod lucrum debet haberi
Stultitiæ talis signa dat alta suæ.
Morbus paupertas, & cætera turba malorum;
Talia, vocalis si foret, ore daret.
Cur mihi mortalis pergis contrarius esse?
Oro quibus priuat te mea culpa bonis?
Prudentem, iustum, firmum, fortemque videri,
Aut mecum læto non licet esse animo?
Quæ mala forte putas victor si præsteris illa,
Optima erunt, magnum, non mala ferre, ma-
lum est.

VI. Casibus alterius constans abscondere pectus,
In proprijs nunquam dissimulare potes.
Cum miseris pariter lachrymarum flumen, in-
unda,
Sed, fletus causa non teneâre pari,
Ut releues miseros tantisper flectere ad illos.
Prostratum, recto corpore, nemo leuat.
Sed quia protendunt res bina manubria; quodam
Ferre potes, alio, sustinuisse nequis:
Si quis te offendit, non illum parte prehende
Offensæ, hac etenim non tolerandus erit.
Sed pensa tecum communi sanguine Christi
Emptum, cælestis participemque boni.
Sic

Sic illum qua parte potes sufferre, prehensum,
Portabis leuiter, sit licet ille grauis.

Cum sit amicitiae nimium vox parua, lenisque,
Carpat ut errantem cuius amore calet,
Semper ab aduersa verum tibi parte studebis
Dici, praecunctis vera loquente magis.

Hæc defixa tuis seruat sua lumina rebus,
Obseruat, gressus, connumeratque tuos.

Hinc tua te leuiter factorum crimina fallent,
Effugient hostem nulla nefanda tuum.

Per vicos ducet, clausum monstrabit in ira
Si quod in interno pectore vulnus habes.

Hoc tibi profectum virtutis sume magistro,
Disce salutiferæ, consiliumque viæ.

VII. Quisq; suæ melius vitæ circumspicit actus,
Dum sibi censores nouit adesse graues.

Fine peroptato virtutes ille coronat,
Qui bene ad extremam vixerit usque diem.

Spondentur capiti, dantur sed præmia fini:
Non nisi conclusum, laude superbit opus.

Ut tibi præ reliquis constes, curaueris ergo:
Vtile non adeo quod citò transit, erit.

Si non prima sequi conaris, laberis, & si
Non facias gressum proficiendo, redis.

Inconstans animo est, qui sæpe negotia mutat,
Cuique nouis semper sedibus esse placet.

Non alijs hominem terris iuuat esse scelestum,
Sed mores alios, quo stat habere, loco.

Crebra facit tandem siccam plantatio plantam,
Et medicina nocet quæ variata fuit.

Immemor actorum solum facienda reuoluit
Paulus, perfectum se tenuisse negans.

Quid rogo tu facies? cuius primordia vitæ,
Oh utinam finis possit habere tuæ.

Tem-

Tempore non vlllo doctrinæ flamma tepescit,
 Aëris inexhaustus nec satiatur amor.
 Quod perit, absq; modo, grandi volumusq; labore;
 Gustanti leuiter cælica, dissipant .
 Quos Pater æthereus similes sibi iusserit esse
 Perfectis aliter conuenit esse viris .
 Vt superesse putes spatium complebile semper,
 Hæc data virtuti maxima meta tuæ .

CAPVT XXXI.

*De temperantia. Quantum illi conferat
 verecundia . De abstinentia ,
 & castitate .*

I. **D**elitias quas gustus habet, tactusq; requirit
 Istius virtus temperat vna notæ .
 Excessus vitat, quæ sunt peregrina refellit ,
 Quod suadet ratio quod satis estque capit.
 Humanam iusta librat sartagine vitam,
 Corpus alendo, cauet, luxuriando premat.
 Hæc hominē virtus solito sub schemmate seruat,
 Nec finit in brutum degenerare ferum .
 Hanc timor innatus prauorum regula morum
 Adiuvat , atque index indolis ille bonæ.
 Pleniùs hoc menti discas dominante magistro
 Illecebræ cunctas extimuisse genas .
 Omneque non licitum peius vitare veneno ,
 Credere præsentem semper adesse Deum .
 Omnibus in mundi spatijs seruare decorem,
 Diuitijs nomen præposuisse bonum ;
 Et quod duntaxat splendet virtute sub ista,
 Internum mentis semper amare decus.

Porro verecundus fueris cum nomen ad ipsum
Excessus, nimio membra pauore tremes.
Te tua quando tegent, non cōdent testa Penatū
Non sceleri, vitæ sed famulata tuæ .
Quid precor abscondi cæca quid nocte recondi,
Mortales oculos quid fugitare iuuat ?
Semper adest Numen tecum, quod cernit vbique
Et vadis tecum proditor ipse tuus.
II. Sobrietas, æquum potus moderamen & esus
At virtus, tactum, castior ista regit.
Atque quidem iustas nunquā transcendere vētris
In dapibus metas, res operosa nimis.
Appellat, poscit venter, mandataque nescit,
Quotidie pastus exigit ille suos.
Quam tamen exiguo possit contentus haberi,
Dicenti nemo credulus esse volet.
Naturam vitij facinus seruire coactam,
E solito miseram deijcimusque gradu,
Quando gulam varijs vitra succendimus escis,
Perfacili medio quæ saturanda foret.
Tot quoque crudeles inter certaminis arcus
Illæsum à telo cypridis esse graue est .
Hos nisi forte timor veniens confringat ab alto
Nutinus elabens commoditasque fuget,
Et poliphæma vagi vigilans custodia sensus,
Maximus ipsius cultus honorque viri.
Quem pudor ingenitus retinere à crimine nescit
Huic etiam socius nemo verendus erit.
Castior esse cupis? sepi velamine visum,
Incautè ne quid, vellèque præter, ames.
Quid formosa rei miraris labra fugacis ?
Expecta nusquam post breue tempus erit.
Rugæ squalientes formosum frontis arabunt
Solem, oculique facem, nubila mæsta tegent,
Mol-

Mollitiem, prauæque domus consortia vites,
Exiguo carnem pasce domaue cibo.
Durius hanc tracta, tumuli nisi stultus amator
Ipse tui, miserum te perijsse velis.
Aethereæ partis tetrum quicumque sepulchrum
Insipiens æquo plus amat, ille perit.

C A P V T X X X I I.

*De mansuetudine, & clementia. Vtriusque
officia, & præstantia.*

I. **M**ansuetudo, animi stringit moderamine motus,
Ne minus, aut ultra commoueare, tui.
Iram prouidit veluti natura sagittam,
Vti quâ turò crimine & absque potes.
Plectere peccantes ex munere quando teneris,
Est prudens animi consiliumque tui,
Vt tua, vel referat sociorum iniuria poenas,
Ne dentur Scelerum libera fræna malis :
Qui nulli parcit, ferus est, similisque tyranno;
Qui cunctis parcit non minus ille ferus .
Iustitia poscente, reos dum plectere debes;
Supplicium lenis, compatiensque dabis.
Inuius puni, talis peccantibus esse
Disce, tibi Numen quale frequenter habes:
Qualiter vt melior fias te sustinet illud,
Sic meliorandos tu patiâre malos.
Affixi lecto læsam quicumque salutem
Desperat medicam despicit ille manum.
Quanta est curantis sapientia blanda Magistri,
Spes vitæ est ægro tanta relicta suæ.

Vir mitis, pelago scopulus velut, eminet iræ,
Dissoluens firmo turbida quæque sinu:
Nec semper sceleris pœnas deposcit at illi
Sæpe est errantem pœnituisse satis.
Profuso totum redimit qui sanguine mundum
Aduocat humanum vociferando genus,
Accelerate omnes: doctrinam discite nostram,
Non lepram, gelidas vel pepulisse febres,
Non cœcis oculos, non functis reddere vitam,
Sed quia sum mitis, discite, & este pares.
Hæc est tota poli melior sapientia, mitis
Vt fias agno consimilisquæ Dei.
II. Mansuetudo iram, frænât clementia pœnas:
Illa omnes, magnos respicit ista viros.
Huius enim sacrum virtutis munus habetur,
Plectere supplicio, iure minore reos;
Hocque agere, ex animi pura bonitate benigni,
Quem non vrget amor, non retrahitque pavor
Non opus est celsi costas præscindere montis,
Ardua inaccessis ponere castra locis:
Saluos in campis Reges præstabit apertis
Fervidus in mites plebis amanti amor.
Hostibus inuictum est domini clementia castrum,
Quæ tutum reddit Principis imperium.
Quem timet, inuisum tolerat plebs subdita Regē,
Inuisusque suis, esse verendus amat.
Quem subiecta timet dominum plebs odit eundē
Et quem quisque odit disperisille cupit.
Quisquis vitales carnis despexerit auras,
Est dominus vitæ Principis ille sui.
Invanum munit præcelsa potentia quemquam,
Plebei qui non mænia amoris habet.
Vt multo Medici sædatur funere nomen,
Sic turpe est grandi plurima pœna viro.
Quan-

Quando suæ vires fræno Rex continet iræ,
Tunc verè nomen Regis, & omen habet.
Rebus in aduersis tranquillo pectore ferri,
Est animi pulchrum Principis istud opus.

C A P V T XXXIII.

*De modestia. Munus duplex studiositatis.
Quæ regula in usu Eutrapeliæ
seruanda.*

I. **E**Xornat reliquas externa modestia dotes,
Format honestatem, retrahit à vitijs.
Sermo licet taceat, vestis te prodet, & actus,
E minimis virtus carpit amata probam.
Incessus, vultus, risus, quin luminis ictus,
Sæpe hominem produnt quid sit, & absq; dolo.
Viuerè sic satagas, vt te quicumque videbit
Angelicis dignum censeat esse choris.
Gestibus, aspectu, serues in voce decorum,
Vt tibi durum insit vel muliebre nihil.
Corpus ad extremum, sincera modestia cordis,
Interna morum de grauitate fluit;
Vt foris aspiciens quasi mens anathema bonorum
Delicias animi sumat ab inde sui.
V iua Dei simulacra viros credam esse modestos,
Qui visu reliquos composuisse queant.
Dicere quis valeat quàm sit res magna videri,
Certaque de intuitu lucra dedisse sui.
Est quoque conditio status retinenda modesto,
Ne nimis excedat veste, domo, famulis;
Non tu, quæ te circumstant ornantur ab istis,
Obijciuntque animo mille pericla tuo.

Cur gaudes igitur damnis? cur vana stupescis?

Et vitæ iactas impedimenta tuæ?

Quæ datus ista tui cingit numerosa caterua

Servorum, patriæ maxima pompa domus,

Quidam crudelis veluti est exercitus hostis,

A quo subduci, teque cauere nequis.

Hi tua facta notant, passim quæ verba loquaris

Nolle volunt, curant sed tua iussa parum.

Ingressu faciles, pondus, progressibus addunt,

Quos in fine satis nec tolerare potes.

II. Maiorem iusto doctrinæ stringere gustum

Munere de proprio vir studiosus habet.

Est quoque torpentem ipsius compellere mentem

Ad discenda, quibus plus opus esse videt;

Ingenijs fecunda vagis natura beavit

Mortales; artis conscia & ipsa suæ,

Quàm formosa, manu larga donauerit orbi,

Nos spectatores iussit adesse suos:

Nam si magna adeo, subtilia, claraque nulli

Monstraret, fructum perderet illa sui.

Sed male naturæ donis nos utimur istis;

Discere dum miseris perniciofa placet.

Non semper qui multa sapit, sapit ille, sed alter

Ad rem quod faciat, qui facit, ille sapit,

Congrua quapropter primum discenda salutis:

Cætera non renuo quo minus illa legas:

Dummodo sollicito quæ sunt perfecta labore

Ad mores referas utiliora tuos.

Sed caue librorum ne te vaga lectio, firmo

Nec pede constantem, nec sinat esse loco.

Ingenijs certis insuda sæpe legendis,

Hæreat ut menti lectio certa magis.

III. Quod non alternat requies, durable non est;

Marmora gutta levis sæpe cadendo cauat.

Ce-

Cedenda est lassæ quandoque remissio menti ,
 Assiduus curis blandaque danda quies.
 Ardua qui populis mandata dedere Licurgi
 Quosdam lætitijs instituere dies.
 In quibus ad campos palam ludêsq; remissa
 Acciperet vires fessâ inuenta nouas.
 Tu quoque labentem studijs , releuabis amœnos
 Ad campos mentem, temperiemque poli.
 Et procul urbani strepitus clamoribus actis,
 Vtere pace animi liberiore tui.
 Decipulas auib; , vris submitte molossor,
 Piscibus apta vncum, nam minus iste nocet;
 Centu demulce aures , cytharisque sonoris,
 Innocuis recrea teque, tuosque iocis :
 Omnes absque metu ludos admitte decoros ,
 Quos patitur status, conditioque tua.
 Sunt quidam nimium seueri, hominumq; fugaces,
 Qui subeunt tenebras sole nitente suas.
 A quibus haud sermo prodit iucundior vnquam
 Festa licet fuerit siue profesta dies.
 Est implexa iocis hominum pars altera vanis
 Arridere cui seria nulla queunt .
 Hæc sed ego vicibus credo varianda duabus,
 Vt nec solus agas, nec comes esto frequens.
 Horrorem fanet resolutio blanda , laboris,
 Atque remittentis tædia acerba labor .
 Est quoque qui vires iusta non ponderat vrna :
 Ipse suas , diris imperijsque premit .
 Nec reuocare sciunt quidam nec mittere curas ,
 Ext remè faciunt, omnia, & absque modo.
 Non satis est cepto solem sacrasse labori ,
 Nocte etiam donec deficiatur agunt.
 Taliter in lusus pariter soluuntur inanes ,
 Ad prima vt possint vix reuocare gradum.

Interpone tuis igitur sic gaudia curis ,

Illa sibi ne sit deferuisse graue .

Hæc bene facturo certos eutraplia fines

Præscribat, quos sit præterisse nefas.

Oprima quæq; notam subeunt, vitijque figuram,

Si fiant, quo non sunt facienda, modo.

C A P V T XXXIV.

*De humilitate . In quo consistat . De
cognitione sui . Veri humilis
characterismus.*

- I. **I** Nuehit hanc primùm virtutem Christus
in orbem ,
Promouet exemplo, voce, sacraque docet.
Hæc post quatuor eas, quibus est à cardine nomē
Virtutes, primo est præcipuoque loco.
Cornua frangit enim ceruicis dura superbæ ,
A qua fons omnis cepit in orbe mali.
Hæc nos vna Deo virtus coniungit amicos ,
Cui placet exiguis se sociare viris.
Qua sine virtutum veluti fundamine, quidquid
Exstruitur, firmum, stabile, & esse nequit.
Et licet abiectam vili sub nomine possis
Credere, sub vili tegmine magna tenet.
Nec nisi virtutum stantes in culmine , virtus
Semper ad alta vocans connotat ista viros.
Absque periculo animi tentat præclara tumentis,
Labitur aggressæ nec gravitate rei .
Magnanimum facinus, celsumq; patrabit, eodem
Semper subsistens quo fuit ante gradu .

Non

Non ille humilis est,quem talem vulgus adorat,
Despectum nudè qui gerit ipse sui.
Sed qui mundanæ moderando laudis habenas
Ne fors excedat, deficiatque,cauer.
Poscere,virtutis tanquam stipendia, laudem,
Est humilis,bellè compositique viri.
Qui sectatur opus puro virtutis amore
Et non monstrari, sed cupit esse, bonus.
Non est legitimus quem virtus non dat honorem
Et clamat dominum res quasi rapta suum.
Sed quia subtili qua pollet acumine mentis
Est humilis iudex æquior ipse sui ;
Omnem mundani fastum prope temnit honoris,
Nouit enim de se nil quod habere queat.
Ac etiam metuit iustum dum captat honorem,
Ne superent meritum feruida vota suum.
Tutiùs ille facit mundi qui spernit honorem,
Auget quo pacto multiplicatque magis .
II. Cur humilis non es quæris cognoscere causâ
In promptu causa est: inscius ipse tui es.
De qua narranti citius falsissima credas
Diffita nulla magis regio in orbe datur.
Labilis est,imbellis homo, ex se corpus inerme,
Alteriusque miser semper egenus opis
Terræ congeries, animal putore refertum,
Quodq;nimis prouum pendet ad omne malum
Peruersi sensus, prauo sic feruet ab æstu ,
Præferat vt coeli quæque caduca bonis ;
Vita magis fragilis , rabies non acrior vlli ,
Confususque pauor, prona libido magis.
Vnde tibi est igitur miserande superbia tanta
Mortalis? crescit tantus & vnde tumor ?
Si qua tibi superest mentis scintilla cadentis,
Dedecus oro tuum probraque mille , vide.

Tunc perfectè humilis, cæli sublimibus aptus,
Didiceris quando noscere temet, eris.

III. Verè humilis prorsus se spernit, vilis haberi,
Non humilisque cupit, viuere talis amat.

In superos omnem qui se concernit honorem
Dirigit, in nullo fidit & ille sibi.

Gaudet contemptu, solo hoc elatior vno
Quod spernat laudès, despiciatque suas.

Ex se quidquid habet tacita sub mente reuoluit,
Pensat at in socio coëlica dona suo.

Sic alijs dum se collatum ponderat, æqua
Infra omnes positum lance ferente videt:

Est humilis conferre viri sua praua, propinqui,
Quæ tenet ille, bonis, muneribusque Dei.

Vnde licet cuiuis perfectum semet habenti.
Peiorem cunctis absque putare dolo,

Versus ad hæc humilis prælactum subditus audit
Alteriusque magis quam sua vota facit.

Defectus proprios lucis producit ad auram,
Illatumque animo fert patiente malum.

Vilia iucundis, abiecta que suscipit, vlnis,
Esse grauis socijs, dissimilisque fugit.

Abstinet à multo sermone, latere peroptat,
Omnibus inferior se nihilumque putat.

Circumspectus agit, misto rebusque pudore,
Non loquitur verbum dum nisi cogit opus.

Idque senili adeo vultu facit, atque modesto,
Pro risu, lachrymis, ut maduisse putes.

Corporis incelsu, latitat quæ pectore virtus
Pandit, defixum lumen ad ima gerens:

Non secus ac veluti iam iam sistendus adesset
Sedibus extremis iudicis ille Dei.

Conscijs idcirco scelerum, incertusque salutis
Non oculos audet tollere ad astra suos.

Sed

Sed stans de longè votis feruentibus orat,
 Peccati veniam possit habere sui.
 Despiciit omne bonum mundi, pompasq; fugaces;
 Quidquid agit metuit suspicione mali.
 Qui nihil esse fide firma se credidit, ille ,
 Quod datur in toto, iudicat, orbe, nihil.

CAPUT XXXV.

De statu perfectorum . Imago viri perfecti. Finis vitæ perfectæ unio cum Deo .

I. **R**Es cui nulla deest, refugit defectus & illū
 Perfectus verè est, terque beatus homo.
 Att illi, nil dēesse potest , tenet omnia diues,
 Pectore qui niuibus candidiore micat .
 Qui multa virtute Deo deuinctus adhæret,
 Perpetuoque illi spiritus vnus adest .
 Hæc est Christi adum vitæ perfectio , finis.
 Vltimus, ad qualem tendere quisquis habet.
 Omnia tunc etenim prorsus perfecta tenentur ,
 Sunt fini extremo quando reuincta suo.
 Postera sed vero Deus est tua meta, nec vnquam
 Perficière prius quàm religâre Deo .
 Haud iungi extremo fini , aut perfectior esse
 Absque Dei poteris te releuante manu :
 Sed quia diuinis sunt pauci illapsibus apti,
 Vix quis perfectus proptereaque datur.
 II. Vir perfectus is est, summiq; Tonantis amicus,
 Quisquis magnanimus nulla pericla timet ;
 Qui non immodico nummi succenditur æstu,
 Aduersas felix, fert patiensque vices .

Qui medijs damni placidus iactatur ab vndis :
Nil sibi qui læso nomine deesse putat :
Et quæ mundus amat, vano metuitque pauore
Deridet , credens inferiora sibi .
Multis splendescit , solaris luminis instar ,
Sed proprijs, animo quæ gerit ille, bonis.
Liber agendarum rerum, constantior ære,
Quodque sui vacuus, plenior inde Deo.
Cui bona non interna animi vis excutit vlla ,
Qui mala scit proprijs annumerare bonis :
Cui res nulla perit, casu nec læditur vllò ,
Omni condignum dat pretiumque rej.
Qui toto maior totum circumspicit orbem,
Observans mores actaque cuncta virum;
Cuius pars melior semper tranquilla , moratur
Illic, principum duxerit vnde suum:
Vt figit radius solis sua spicula terræ,
Vnde venit, nullo motus ab inde gradu:
Sic vir perfectus nobis sociatur, adhærens
Parte, suo fini, sed meliore sui .
Cuius mens tranquilla, velut pacatior orbis
Regio supremi, nubila nulla subit.
Nescit defectus rerum, nil pectore nutat ;
Quem dominum ausculant sæcula cuncta suū.
Simplicibus, paucis, vivit contentus in vno
Latos reiecta duplicitate dies.
Nil petit alterius, nec quidquam poscit ab extra,
Omne bonum, in gremio, prosperitatis habet.
Non sibi, non alijs, cœlo sed vivit, agitque,
Corporea promptus semper abire domo.
Hæc tibi sectanda est præsentis regula vitæ,
Te nil perfectum quatenus esse scias.
III. Quàm sit homo, multò res est perfectio maior
Hunc idcirco gradum scandere nemo valet.
Nu-

Nomine ni fuerit (quod dixit) tractus ab illo
Me sine nil fieri concomitante poreft.
Prætereaque fuam debet difponere mentem,
Perfectam quisquis pofcit inire viam.
Finis perfectæ vitæ poftremaque meta eft .
Intima cum celſo fœdera habere Deo.
Qui non ſcandit homo affectu ſuper omne creatū
Conſors naturæ Numinis eſſe nequit.
Parua caducarum duntaxat adhæſio rerum,
Exili remoræ par ſimiliſque fuit;
Vaſtas iſta rates remis, veliſque citatas ,
In medio curſu ſiſtere dente poteſt.
Accidit haud aliter multis animabus , onuſtas
Munera quas cœli, diuitiæque grauant :
Tangere felices cœli quæ littora poſſent,
Figeret has mundo ni vitioſus amor .
Apta viri nunquam ſupero mens Numinis enti
Vnq̃ niſi & ſimplex efficiatur, erit,

L A V S D E O .

Varia Anagrammata , &
Epigrammata ,

DE SANCTO PAVLO
Primo Eremita .

*Persecutione Deciana , Paulus fugit
ad Eremum.*

DVm furit infani Decij truculenta Tyrannis
Horrida Thebæus Paulus ad antra fugit.
Antra petit pulsus, pauidus latitatque cauernis,
Si quisquam debet quid iuuat esse probum?
Pellitur ad vastam mundi seruator eremum
Propterea debet nec iuuat esse pium ?

De Tunica S. Pauli primi Eremitæ.

Nouit se palmam folijs palmaribus ergo.
Membra tegit ; tantum vt forte resecta tegat
Nusquam : sed folijs vestit palmaribus artus
Flöreat vt iustus fructificetque magis.

Palma victum præbet Paulo.

Magnanimus fuluas contemnis gangis arenas.
Proteris & Decij grande fauoris opus.
Blanda rebellantis carnis promissa triumphas ,
Tartarei fastum præcipitasque canis,
Quam bene promeritis victum tibi palma ministrat
Vincenti siquidem manna dat ipse Deus.

Pal-

Palma victus, & vestitus Pauli.

Alter ab ingenio, manuum trahit alter ab arte
 Quo ventrem faciet, membraque nuda regat,
 Mars huic, & sæuos generosum pectus in hostes
 Splendida pro meritis fercla togamque parât.
 Ergo qui carnem mundum, deuincis & orcum
 Palma tibi vestes præbeat atque cibos.

De dimidio panis fragmento.

Lustra aliquot postquam transegit Paulus eremo
 Succurrit tabidæ Numen ab axe fanni.
 Sed cur dimidiæ Cereris fragmenta ministrat?
 Ne quæ frangendi cura relicta foret.

Aliud.

Cur volucris vastam coluit qui primus eremum
 Dimidio Paulum, pane cibare solet?
 An furax reliquum Cereris sibi coruus opimæ
 Detinet? aut plures pascit ab inde viros?
 Nec sibi credô tenet, desert nec pluribus escam,
 Pleniùs at cælo dat saturare famem.

*Paulus ad excitatum pedibus Antonij
sonitum claudit fores antri.*

Lenta licet tacitò figat vestigia passu,
 Ast pede conciuuit forte labante sonum.
 Vix sonus arrectas Pauli défertur ad aures
 Limina ad ipsa volat, clausaque veste ferat.
 Mundani strepitus contemptor amator eremi
 Hinc patulas mentis claudere disce fores.

Ad

Ad fontem capiunt cibum :

Sumunt ad fontem misit quæ prandia cælum,
 Forte sit vt propius fonte leuare sitim ?
 Aut magis ad fontem vitæ venamque perennis
 Supremi iussu Numinis istud agunt ?

De certamine super frangendo pane :

Quis Cererem primus frangat certamen obortū,
 Surgentem clausit nocte cadente diem.
 Iste seni defert, iuri vult hospitis alter
 Cedere non vllus sustinet esse prior .
 Scilicet innata non indole priuat eremus,
 Humanus fyluas inter & esse potes.

*Paulus ad inuoluendum suum corpus ,
 pallium Athanasij rogat ab Antonio.*

Qui vitam duxit centum quasi nudus ab annis
 Pallia dum moritur tunc aliena rogat.
 Cur proprios linquens alienos sumit amictus?
 Scilicet vt Proprij nil ferat in tumulum .

Aliud.

Vix tunicam viuus, gestat sed pallia functus,
 Ditor è vita sicine iustus abit ?

Aliud.

Viuit contentus tunicâ, moriturus anhelat
 Pallia, nunquid mors ossæ vestis eget ?
 Alt bene cælestem conuiua vocatus ad aulam
 Non nudus, bellè sed chlamydatum abit.

Ere-

*Erecto vultu , extensisque in altum
manibus moritur .*

Vita, vigorque perit melior dum corpore pars it;
Membræque terreno pondere pressa cadunt.
Paulus at erecto moriens ad sidera vultu
Vergit, & exangues tollit ad astra manus .
Scilicet obsequijs animæ non dedita nunquam
Morte vel in ipsa membra ministra manent.

Aliud.

Palmas dum moritur, cœlo protendit utraq;
Non datur exanimis forsan amata quies
Quin potius : verum concessa capebat oportet,
Ergo sumpturus porrigit ille manus .

Leones fodiunt tumuli locum.

Non venit extincto Pardus celebrare vel Vrsus
Exequias Paulo, non Tygris, atque Lupus .
Prima sed accurrunt frondosæ animantia sylvæ
Ipso nam primos; funere, prima decent,

Inseruiunt bestie Paulo.

Ferula ministrat avis, tumulum fodiuntq; Leones
Quale ministerij munus hoc esse putas ?
Sponte nec ista facit, non illi iussa capebunt
Imperium pariter cum ratione negant,
Sed qui supremis iustus dominabitur astris
Non etiam iussis inferiora regat ?

*Antonius psalmos accinit ad tumulum
Pauli .*

Postquam contextit propria de veste cadauer
Funus & egesto contumulauit agro.
Voce licet rauca Psalmos modulatur & Hymnos
Debuerat lachrymis, qui maduiffe magis.
Sed quis cœlestes ausit temerare cateruas
Miscens Angelicis plena dolore choris ?

*De veste quam Antonius hereditauit
à Paulo.*

Quas tulit extincto vestes Antonius hæres
Paulo, paschali sunt tegumenta die.
Omnia tempus habent: fugit hoc fortassis eundẽ
Dum lætam Christi funerat ille diem.
Non reor ignorat solemnibus festa diei,
Nec mortis, vitæ tempus at ille colit.

PAVLVS EREMITA.

Anagramma .

Simulat pàuere.

TRux quando insanum Decius vomit ore
furorem
Christiadas dira persequiturque manu,
Crudelis *simulat* fera tela *pàuere* Tyranni
Qui tamen impavidus sidera lapsa ferat.

Aliud.

Aliud.

Suaui repletam.

Lumina cor, animus, pectus quoq; Martis abhorret
 Rupe sub exesa quæ sibi tecta parat.
 Attamen hic *suaui* solamine ab axe *repletam*
 Primus agit vitam : saxa mel ergo tenent ?

Simulare pæuet.

Suadent affines, cogit præbere Tyrannus
 Thura Dijs, illi vel simulata probant :
 Ast quia corde Deus, pariter venerādus & ore est
 Cælica thura Dijs, vel *simulare pæuet*.

Vita plumea res.

Si seruare velim vitam, me perdere vitam
 Cogis, quando iubes sacrificare Dijs.
 Præsens *vita* Deci, credas mihi *plumea res est*
 Vitam pro plumis dat nisi mentis inops.

Vi multa sapere.

Insequitur gladio Decius, vir fraude Sororis,
 Vitam alter, non æs; alter vtrumque petit.
Vi multa sapere, & cælis insilere disco
 Hos etenim nemo non violentus habet.

Rape vi salutem.

Si caro delicias, mundusque propinat honores,
 Fundere styx pergat si Phlegetontis aquas.
 Sume

Sume animum Miles, *rape vi vi quære salutem*
 Est maior cunctis vnica crede salus.

Vt rapiam leues.

Extensis morior, cælumque petentibus vlnis
Quâ faciam causâ forte requiris ? habe.
Vt rapiam mecum grauidæ sine pondere carnis
 Gratia cælestis quos facit esse *leues*.

Velim superata.

Quo ter quinquennis properas? saxosa quid inter
 Sylvarum iuuenis tegmina solus agis?
 Delitias vitæ rutilos & temnis honores
 Non retinet chasæ posteritatis amor?
Hæc ego cuncta velim raro superata triumpho
 Atque bona soli cedere sorte Deo.

Laus pia emetur.

Auro laus emitur, fuluæ pretioe crumenæ
 Humana diues laude per astra volat.
Laus pia quo pretio quæres fortassis *emetur ?*
 Dico leui; hanc virtus comparat vna sibi.

Paleam veritus.

Antra peto iuuenis, rigidas habitoque cauernas
 Non homini socius, iungor at ipse feris:
Hæc veritus paleam mundanæ factito pompæ:
 Nam mihi non palcæ grana sed ipsa placent.

Tu palma seueri.

Atrox persequitur gladijs & morte Tyrannus
 Te rogo quid contra solus inermis ages?
 Crudelem fugiam victrix *tu palma seueri*
 Estene sic Decij vel fugiendo potes?

Valeam peritus.

Primus & vnus eo, quin pergo secundus & alter
 Cælestis nostros dux meat ante pedes
Vi valeam rectam monstrare *peritus* alumni
 Assēcla non vereor dux ducis esse mei.

PRIMVS EREMITA.

Anagramma.

Vitarim semper.

Limina nostra feris frustra sed verbera cedunt
 Prætereuntque aures dissimulata meas.
 Bellua constricto recubat sub tegmine nostro
 Te quasi crudelis quando repello stupes?
Define: *vitari* parium consortia *semper*
 Ipse homo trux homini nam Lupus esse solet.

Summa rei perit.

Dives opum patrias despectas Paule penates
 Tetraque, veste, bonis orbus, ad antra fugis.
Sic cine vassa rei pinguis tibi summa peribit?
 Nec patrias hæres iure tenebis opes?

Sed

Sed pereant peritura: animæ qui prospera quæro
Summa rei patriæ non mihi credo perit.

Risum eme prati.

Ni fugias proprius prodet te sanguis avarus,
 Adstruet & capiti mille pericla tuo.
 Quamuis forte latens, vitam cum sanguine ~~setes~~
 Viues angustos suspicione dies.
 Ergo fortunas Patris concede Sorori
 Pectoris heu nimium tristia fata tui.
 Atque tibi *risum* iucundi *eme* suadeo *prati*
 Prata tua, & dulcis risus, eremus erit.

Meritus per ima.

Angelicos inter scandit cætusque chorosque
 Pauli anima ætherei splendida regna poli.
 Vade putas *meritus* regnum sublime? *per ima*
 Scilicet ima viuet, despicit alta Deus.

Maturis peremi.

Vix tibi vicinæ tempus denuntio mortis
 Antoni; pariter fata subire placet.
 Ast hoc *maturis* votum virtute *peremi*
 Dum responsa dedi, non tua, quære Dei.

Immutare peris.

Quisquis ad abstrusam latitat sacratus eremum,
 Vtilis haud alijs, viuit at ipse sibi.
 Nullas cælestem Gentes perducit ad aulam,
 Nec Mundi infandum fulminat ore nefas.
 Fal-

Falleris: en proprio clamo *immutare* scelestè
 Nomine; ni facias diro acheronte *peris*.

Rumpere sitiam.

Cur tua sollicito diuexas membra labore ?
 Dura fames, sicco sæuit & ore sitis ?
 Dum mihi longæuo remanēbit vita superstes
 Semper ego *sitiam* rumpere vincla stygis.

Maturè perimis,

Christiadas sæua iugulat feritate Tyrannus,
 Tu prodi veritus saxa remota petis.
 Nempe *maturè perimis* fugiendo Tyrannum.
 Cui foret aggresso cedere forsan opus.

Vt parem remisì.

Quos sibi supremos fasces cultoris eremi
 Arrogat, hos cælum indicat esse meos.
 Accelerat gressum succensus amore videndi
 Quem sibi prælatum Numine teste tulit.
 Cernit fatidicum, Geniumque fatetur Olympi
 Præ quo nec Monachi nomen habere queat.
 Vt tamen huncce *parem* nobis virtute *remisì* ;
 Sit magnus dignum est, qui minor esse velit.

Eripimus ratem.

Quorsum tam celeri passu festinus anhelas,
 Et pede cur patriam præcipitante fugis ?
 Non tibi dulcis amor charorum, vincula nectit;
 Non domus auertit diuitis ampla patris?
 Qui

Qui mala non metuic mandi voluetur eisdem :
His nos *eripimus* præcipitando ratem.

Reprimi metuas.

Quisquis Christiadas diro succensus ab orco
Pondere pænarum ter scelerate premis;
Cælestis reprimi metuas ultoris ab arcu,
Crede mihi grauiter vindicat ille suos.

Misereri aptum.

Post ternos venio soles incertus ad antrum
Clauſas pulſe fores nec referare placet,
Supplex oro, minor fatum, tetrumque ſepulchrũ,
Nil precibus diris proficioque miniis.
Siccine non noſti miſereri more Leonum?
Me *miſereri aptum* non miſerendo, ſcias.

Mirus pete mira.

Fraſta quibus rectos vitiabat tibia grefſus,
Compoſitis agitant concita crura modis.
Quos cæcæ expuncto velabant lumine noctes,
Depulſis tenebris ſidera clara vident.
Extinctæ redeunt alijs modulamina vocis,
Alter diſrupta compede liber abit.
Nonnullis animæ ſuperas ducuntur ad auras,
His comes adiicitur iam tabeſacta caro.
Vt ſua quiſque Deo nec inania vota litaret
Iuſſit, & impleuit iuſſa Dei ſoboles :
Aſt tibi præ reliquis, *mirus pete mira*, iubetur,
Talia, & euentus te petiſſe probant.

F I N I S.



